

NAZ.

III

~~75~~

LVI.

~~72~~

.A.

~~35~~

48.

BIBLIOTECA NAZ.  
Vittorio Emanuele III

LVI

A

48

NAPOLI



**SVECIA,**  
siue  
de Suecorum  
Regis Dominiis  
et opibus.

*Commentarius  
Politicus.*

**LVGD. BATAV:**  
Ex officina **ELZEVIRIANA.** 1633.  
*Cum Privilegio.*

ALCANTARA  
DE  
SANTA  
TRINIDADE  
DE  
SANTA  
TRINIDADE  
DE  
SANTA  
TRINIDADE




*Serenissimi ac Potentissimi regis Sueciae  
Cubiculario, & civitatis Stralsun-  
dia gubernatori maxime  
strenuo,*

Illustri ac generoso domino,  
Dn. STENONI BIELKE,  
Libero Baroni de Krokerum,  
&c.

NEC NON  
*Illustri ac generoso domino,*  
Dn. CAROLO HORN,  
L. B. de Amynne, &c.

Promotoribus & dominis meis  
gratiosis, hoc enchiridion, &c.

*Officiose dat dicatque*  
M. HENRICVS SOTERVS,  
*Daliâ. Suecus.*



TYPOGRAPHI  
ad Lectorem:

CAndide Lector, priore editione multum operæ infumimus in hoc enchiridio adornando. In quod amplissimus D. Henricus Soterus haud pauca nobis suppeditavit. Jam secundam editionem damus, sed priore haud locupletio-rem, quia, secus quam speraveramus, nihil ab iis quorum maxime interest, haftenus nobis fuit suppe- ditatum. Obtestamur itaque & ro- gamus obnixè Suecos viros do- ctos, ut aliquando nobis sugge- rant, quæ aut corrigenda aut am- plianda ipsis videbuntur; magnam enim à posteritate, & longe ma- ximam à patria gratiam merebun- tur. Vale.

CON-



CONTENTA LI-  
belli sunt sequentia octo.

I.

**R**egni Suecia Geographi-  
ca & politica descriptio.  
autore Andrea Bureo,  
Sueco.

II.

*De ingenio, moribus & consue-  
tudinibus Suecorum.*

III.

*De regimine politico & civili  
regni Suecia.*

IV.

*De vectigalibus regis.*

V.

*De potentia regis Suecia, tam  
mari, quam terra.*

VI.

*Series regum Suecia.*

VII.

*Regia familia Suecia, è theatro  
Nobilitatis Suecanæ, à Joanne  
Messenio Sueonio fabrefacto.*

VIII.

*De propagatione religionis per  
Sueciam, ejusdemque reformatio-  
ne tempore Lutheri; item serie  
archiepiscoporum Vpsaliensium.*



I.

REGNI SVECIAE GEOGRAPHICA & politica descriptio.

*Auctore*

ANDREA BUREO, SVECO

**E**UROPAE partes ad septentrionem vergentes moderni geographi orbem Arcticum appellant. Dividitur in Scandiam & Daniam. Scandia vel Scandinavia, quam Plinius insulam incomptæ magnitudinis vocat, Europæ latus septentrionale claudit: Regio latissima inter LV & LXXII gradum septentrionalis latitudinis, & XXV ac LXV longitudinis extensa: à meridie Daniam & Germaniam, à septentrione & occasu oceanum, ab ortu vero Russiam habet conterminam: ejus australiores partes, ubi polus ultra sexagesimum gradum non elevatur, cœlum satis habent mite & temperatum; mediæ vero quæ sexagesimum gradum & circulum Arcticum interjacent, cœlum quidem non admodum clemens  
A 4 habent,

habent, sed cœli severitatem compensat soli fertilitas, iis locis ubi sylvis rupibusque consitum non est, partibus præsertim orientalioribus australioribusque. Extremæ autem partes circulum Arcticum & poli interjacentes, neque cœli neque soli gaudent clementia. Ideoque mirandus ille naturæ rerumque omnium conditor, siquidem ibi frumenta propter languidum solis calorem non maturescunt pro incolarum sustentatione, terras illas variorum animalium venatione; sinus maris, lacus & flumina, multiplicium piscium abundantia ditavit.

Fuit autem Scandia olim quàm nunc multo populosior. quod testantur plurimæ illæ, quarum historiæ mentionem faciunt, Scanzianorum in reliquas mundi partes expeditiones & quasi inundationes; cum partim ob populi frequentiam ac innatam fœcunditatem, partim divinitus immissam annonæ caritatem, partim naturam populi suetam prælio, & fugientem dissidia, instar apum, sibi suisque liberis novas quæsierint sedes. eandem etiam populositatem comprobare videntur lapidum, propter soli purgationem, comportatorum acervi. qui etiam in maximis inyiis densissimisque sylvis hodie  
visuntur

visuntur frequentissimi, qui evidenter convincunt eas olim omnes fuisse habitatas. Quare eam veteres scriptores non immerito officinam gentium vaginamque populorum appellarunt: Exiverunt enim hinc, non solum bellicosi illi Suevi, Normanni, Vandalique & alii, verum etiam domitores & terror orbis, Gothiæ nostræ Suecanæ indigenæ & propago, Vestrogothi & Ostrogothi, qui multis perlustratis regnis & provinciis, & bello defatigatis plerisque Europæ populis, tandem in Hispania confederunt, ejusque imperium ad nostra usque tempora obtinuerunt.

Scandinavia duo Arctoi orbis regna complectitur, Sueciæ videlicet & Norvegiæ. Sueciæ regnum, ut Scanzianæ testantur historiæ, reliquis antiquius est, à cujus regibus tum Danorum tum Norvegianorum veteres descendebant regum familiæ. Dan enim primus Danorum rex, à quo Dania vel Danmarchia denominata est, filius fuit Humeli Suecorum regis, in ordine decimi sexti. Norvegi autem in suis Chronicis, prius quam ad suos deveniunt, viginti quinque enumerant Sueciæ reges, à quibus originem traxit Haldanus *Hvutben*, qui maternum genus ducens à Solvone quodam Norvegiæ regulo, ipsi in sua

ditionis dominio successit, posteaque subactis multis provinciis ampliatum regnum suis tradidit hæredibus; cuius demum trinepos Haraldus *Harfagher*, propulsatis devictisque omnibus Norvegiæ regulis, primus ibi monarchiam instituit, ut testatur priscum Norvegiæ Chronicon, à M. Ioanne Martini Slingerupensi, anno MDXCIV in Dania publicatum.

Regni Sueciæ imperium, per multa secula ab indigenis & domesticis regibus felicissime administrabatur, donec Magnus *Erichson* (alias *Smeck* cognominatus) Sueciæ & Norvegiæ rex, & Dominus Scaniæ, neglecto imperandi munere, se voluptatibus & socordiae dedit. Cujus imperium pertæsi proceres, Albertum ducem Megapolitanum, ejus ex sorore nepotem, contra eum ad capeßendas imperii habenas acciverunt: Postquam autem Albertus regnum Germanis implevisset, quibus totum rerum cardinem demandabat, Suecisque iis parendi necessitatem imposuisset, plurimi procerum ad Margaretam Daniæ & Norvegiæ reginam, cum Alberto de imperio certantem, desciverunt. Postea regnum Sueciæ cum Danis trium regnorum unione constituta aliquantisper conjunctum mansit,



manſit, donec reges legum in coronatione juratarum immemores, ac neglectis ſpretisque Suecis, Danos arcibus & gubernationi præfecerunt. Quare Sueci & Norvegiani ſe deſpectos contemtoſque videntes, Carolum Canuti, ex nobilitate Suecana conſpicuum, multoque rerum uſu præſtantem virum, Sueciæ & Norvegiæ regem conſtituerunt. Norvegiani deinde Chriſtierni primi Daniæ regis politicis allekti, ejus ſe imperio ſubjecerunt. Carolo autem in Suecia quaſi vicereges ſucceſſerunt Sturii, donec moderni Sueciæ regis avus Guſtavus primus, ex antiqua regum Sueciæ proſapia deſcendens, Herculeæ virtute, regnum à Danorum poteſtate penitus liberavit; Sueci etiam accepti beneficii memores, eum ejuſque poſteros maſculos regni hæredes conſtituerunt.

Potentiam fortitudinemque bellicam Suecorum arguunt aſſidua vel continua potius, quæ jam annos fere trecentos cum vicinis geſſerunt, bella. Ab illo enim tempore (ut priora ſileam) ſemper à vicinis laceſſiti, aliquando cum omnibus ſimul, ſæpius cum uno vel duobus belligerando, eos ſequè defatigarunt; nullamque interea ab omni parte vel decennalem pacem habuerunt.

buerunt, aliquando etiam civilibus discordiis flagrarunt.

Reipublicæ Suecane sex sunt status: Principes hæreditarii, Nobiles, status Ecclesiasticus, Milites, Mercatores & Ruricolæ.

Regis filius natus maximus hæres est regni. Si plures habet filios, illis testamento Ducatus; filiabus vero dos constitutionibus regni determinata, centum videlicet millium Ioachimicorum, non è fisco regio, sed Ordinum contributione, datur. Quanquam autem regum successio jam ita sit immutata, ut qui olim suffragiis eligebantur, nunc sint hæreditarii, jurant tamen in Religionem Augustanæ confessionis & leges regni.

Hoc loco silentio transire non possum sapiens illud reipublicæ Suecane fundatorum institutum, qui cum Iethro considerantes imperii onera unius humeris sustineri non posse, gravibus oneribus levandis Senatum regni constituerunt, qui regi in arduis reipublicæ negotiis consuleret, perpenderetque quid & ipsi Regnoque consultissimum foret: Hi semper ab selectissima totius regni Sueciæ nobilitate eligebantur, inter quos ii semper in maxima auctoritate fuerunt, qui præ cæteris reipublicæ  
onera

onera sustinuerunt, nempe hi tres, Regni *Drotset*, *Marsk* & Cancellarius. *Drotset* fere Viceregem sonat. unde etiam in hodiernum usque diem manet Reginz appellatio *Drotning* : hujus *Drotseti*, quem, vocabulo non satis apto, Archidapiferum vocant, olim munus erat, Regem, si qua in re contra leges patriæ Regnique constitutiones delinqueret, admonere, emendationemque suadere, ut ex historiis atque unione illa quæ ante ducentos triginta annos inter hæc borealia regna constituta erat, videre licet. Quæ quidem durissima erat provincia, quæ eos sæpius in extrema coniecit pericula; Hodie vero præsidet Parlamento vel summo judicio regio, quod *Hoffretten* vel *Konungznamd* vocant, causasque per appellationem illuc devolutas una cum Vicepræside cæterisque assessoribus cognoscit & judicat, à quo quidem appellare non licet, conceditur tamen in gravibus controversiis revisio: Primo autem cognoscuntur & judicantur causæ in civitatibus à Consulibus & Scabinis civitatum, ruri vero à iudice territorii, quæ *Hæredzhöfdding* vocant, à quo appellari potest ad iudicem provinciale, quem *Lagman* vocant, ab eo rursus ad supremum illud, de quo locuti sumus, judiciū.

Post administrationem justitię proximum Regis munus videtur defensio patrię, ideoque oportet ut semper strenuos habeat milites, non solum fortibus & bonis prognatos, verum etiam summa diligentia & industria exercitatores, insuper ut omnis generis instrumenta bellica semper in parato habeat: Quam provinciam Reges Suecię *Rycksens Marsk*, vel Regni Marescallo demandare solent, quem, cum fortitudinis bellicę curam gerat, ab antiquo nomine *Madersk*, quod virum fortem vel Martialem sonat, contractę *Marsk* nominarunt, verisimileque est, ipsum etiam Martem, quem veteres olim (ut testatur Virgilius) Geticis putabant arvis præsidere, nomen ab eadem traxisse origine. Hujus Marescalli officium est, Generalem agere belli Ducem, cum ipsimet Regi aciei præesse non placeat. Is collegas habet complures, inter quos præcipuus est *Rycksens Tyghmeister*, hoc est, munitionum, tormentorum bellicorum, armaturarum, machinarum atque omnino omnium apparatus, instrumentorum, eorumque artificum & opificum præfectus, cui demandatum est procurare, ut omnia istiusmodi fideliter justoque tempore procurentur. Habet & Marescallum

Cam.

Campeſtrem, & cohortum turmarum-  
 que tam equeſtrium quam pedeſtrium  
 Tribunos, Primipiloſq; eorumque ſuf-  
 fraganeos, quorum ope milites in omni  
 armorum genere exercet, ut habiles ex-  
 peditiſque fiant, ac quiſque quid ſui ſit  
 officii ſciat, cum in aciem progredien-  
 dum eſt. Ad huius collegii forum perti-  
 nent omnes caſus, quibus contra con-  
 ſtitutiones bellicas vel Caſtrenſes, quas  
*Krjghartiklar* vocamus, peccatur.

Quandoquidem autem Regni Sueciæ  
 ita fert conditio, ut non terreſtri ſolum,  
 verum etiam maritima ſive navali de-  
 fenſione egeat, conſiderarunt, utrum-  
 que bellum ab uno Duce commodè geri  
 non poſſe; noſtro præſertim ſeculo,  
 poſtquam tormenta bellica, & ob eo-  
 rum commodiorem in bello navali  
 uſum, naves majores inventæ ſunt.  
 Quare inter regni Senatores tertium  
 dignitatis locum decreverunt Archita-  
 laſto, quem ad exterorum imitationem  
*Rjckſ Admiral* vocamus. Cuius officium  
 eſt, ut Claffis Regiæ dux ſit, habeatque  
 curam totius prælii navalis, ut naves  
 idoneæ fideliter ædificentur, diligen-  
 ter parentur, neceſſariisſque bellicis  
 machinis inſtruantur, peritiſque na-  
 vium Capitanei, naucleri, gubernato-  
 re, atque omnis rei nauticæ idonei  
 præfecti.

præfecti, opifices & ministri eligantur, sustententur & conserventur, portuumque munimenta oportunis locis ædificentur, scopulique perniciosi notentur. Is collegas habet Viceadmiralium, particulariumque Classium Admiralia & Capitaneos; pertinentque ad ejus forum omnes causæ quibus adversus Constitutiones Classicas sive Nauticas delinquitur.

Quia verò ad bonam Reipublicæ constitutionem non sufficit solum justitiam inter privatos administrare, patriamque ab exterorum incurribus defendere; verum etiam summo opere necessarium & utile sit, ut diligens quoque habeatur ratio, quomodo reipublicæ corpus, quod ex pluribus diversisque membris constat, æquabiliter cointum, æterna harmonia feliciter cohæreat, ac tam ab interna quam externa contagione incorruptum sustentetur & conservetur: Putarunt igitur summe necessarium, ut inter Regni Senatores unus deligeretur, qui præ cæteris politicis disciplinis bene imbutus, vario gravissimarum rerum usu & experientia edoctus, ejus rei singularem in se curam reciperet; qui, si, ut par est, cæteros experientia, judicio & meritis antecesserit, quamvis non ordine, æstimatione tamen & dignitate, semper

semper apud Reges, inter Regni Senatores, supremo loco habitus fuerat. Ille enim cum Rege cæterorum consilia & deliberationes seorsim perpendit, ac consultationum delectum, diligenti adhibita rerum trutina, cum Rege instituit. Eum ab illo tempore quo Runæ vel Gothicæ literæ una cum ejus officii & dignitatis appellatione interciderunt, ad Latinorum imitationem, quorum literæ in priorum locum substitutæ sunt, Cancellarium vocamus, à cancellando, vel à cancellis quibus cancellariæ olim circumcinctæ erant. Ejus, ut superius commemoratum, inprimis munus est, curam habere, non solum ut reipublicæ membra, Status videlicet, è quibus totum ejus systema consistit, æquabili libramine concinnata & co-unita, harmonice ad perennem durationem coagmententur, sustententur & conserventur: verum etiam prævidere & prospicere quænam nostræ reipublicæ conditio & constitutio sit ad vicinas, quasque ab illis vel commoditates, vel detrimenta capere possit, oportunisque vel mediis sese offerentes commoditates acceptare, vel necessariis remediis imminetia detrimenta tempestive prævenire & avertere. Proinde ad illum pertinent omnes consultationes & deli-

berationes cum Regni Senatoribus, Consiliariis Cancellariæ, vel Statibus Regni, omnia comitia, conventus, & tractatus cum Regni Statibus, omnia privilegia, omnesque à Rege concessæ iudiciorum revisiones, & earum definitivæ sententiæ, omnes constitutiones, Statuta & ordinantiæ, Gubernatorum provincialium, Castellanoꝝ & officialium plenipotentia, instructiones, informationes, juramenta & assecurationes. Insuper omnes controversiæ & tractationes cum vicinis Regibus, Principibus, rebusque publicis: Bella, Induciæ & pacificationes, Legatoꝝ & Commissarioꝝ instructiones & relationes, extra-neorumque Legatorum Commissarioꝝque propositiones. Hujus collegæ sunt Vicecancellarius & consiliarii Cancellariæ, suffraganei Archivicustos, Secretarii Regii & Cancellariæ ac Archivi scribæ. Postremo ne omnia supradicta corruerent, necessarium erat, ut nervi rerum gerendarum, pecuniæ acquirendæ & reddituum constituendorum, rationem non negligerent. Quintum ergo, inter primarios Regni Senatores, honoris gradum decreverunt Thesaurario; cui incumbit, ut redditus justo tempore importentur, bene servantur, & ex æquo distribuantur, rationesque tam accepto-



acceptorum quam expensorum julte reddantur. Is collegas habet Consiliarios Camerae, vel Archicamerarios, Praefectos provinciarum, Quaestorem & Camerarios. Ad hujus forum pertinent omnes causae fisci, delictaque quae in rationibus acceptorum & expensorum committuntur. Praeter hos quinque summos Senatores, constituti sunt & alii Regni Senatores & Consilarii, qui ut eo majore cura & diligentia patriae necessitatem perpendant, semper à praecipuis antiquissimisque nobilitatis Suecanæ familiis eliguntur.

Nobilitas in Comites, Barones, Equites auratos, communemque nobilitatem dividitur. Comites olim Ierl dicebantur, singularique ritu ob singularia merita à Regibus, quemadmodum & Duces, quos *Hertogh* vocabant, creabantur. Sed neque titulus neque Ducatus vel Comitatus ad hæredes transibat. Et quoniam experientia olim docuit, eos se Regibus sæpius opposuisse, aliquot seculis omissi sunt earum dignitatum tituli; donec Ericus XIV ejusque successores, ad exemplum aliorum Regum, eosdem titulos rursus introduxerunt, Comitesque ac Barones hæreditarios creare cœperunt. Equites aurati etiam virtutis ergo à Regibus creantur,

sed titulus ad posteros non transit, nisi illi, parentum vestigiis insistentes, tales meruerint honores. Communis nobilitatis nomine veniunt cæteri nobiles inferiores, qui nullo peculiari honoris gradu donati sunt, olim *Affvvarn* dicti, aut quod in bello expeditis armis essent conspicui, aut scuta insignibus gentilitiis ornata haberent: Eiusdem plane sunt conditionis cum iis quos Germani communiter *die vom Adel*, *oder Edelman*, Galli *Gentils hommes*, & Angli *Esquier* vel *Squire*, aut *Gentlemen* appellant. Hi omnes maximis dotati sunt privilegiis, bonaque habent hæreditaria allodialia, exceptis Comitibus & Baronibus, iisque prædictis quæ nuper à Regibus acceperunt, quæ sunt feudalia. Ex supra dictis Nobilitatis ordinibus eliguntur Senatores Regni, Archicamerarii, iudices terrestres, gubernatores provinciarum, castellani, & id genus supremorum officiorum administratores, quibus maximi deputati sunt redditus.

In Suecia tam filiarum nobilium, quam filii in bonis allodialibus succedunt, filio tamen pars cedit dupla, cum filiarum tertia tantum. Quæ hæreditatis distribuendæ ratio à Birgero Ieri Regni gubernatore ante annos plus minus 370 introducta perhibetur.

In statu Ecclesiastico sunt: Archiepiscopus Vbsaliensis: & Episcopi, Lincopensis, Scarenensis, Strengnensis, Arosiehsis, Vexionensis, Aboensis & VViburgensis; Quibus adnumerantur etiam Superintendentes, Calmariensis, Revaliensis, Mariæstadiensis & Goteburgensis. Episcopis rursus & Superintendentibus attributi sunt Canonici & Capitulares; his subsunt Præpositi, Pastores & Sacellani, qui rem divinam in singulis curant templis. Episcopi olim multas possidebant arces, plurimæque prædia, è quorum redditibus Principum more vivebant. unde insolentiores facti rem sæpe faciebant Regibus, eosque aliquando Regno expulerunt. Quare Gustavus primus ne idem sibi suisque posteris accideret, allectis sibi contra Episcopos rebellionem parantes regni proceribus, eorum consensu arces & prædia Ecclesiastica coronæ sive fisco Regis adscripsit; aliquibus saltem prædiis relictis, ex quibus, & parte Decimarum sibi assignata, Episcopi cæteræque Ecclesiasticæ personæ honestam habent sustentationem. Erant olim prædicti Episcopi in Regni Senatorum numero, ususque est Archiepiscopus Vbsaliensis, aliquando etiam Episcopus Lincopensis, Primatis Regni Sue-

ciæ titulo: Ambiebatur ideoque tum illa dignitas à summæ nobilitatis virorum filiis, sed postquam Sueci Reformationem amplexi sunt Evangelicam Religionem, sacra tantum curant: quamobrem hodie ad illa munera admittuntur etiam Ecclesiæ ministrorum, mercatorum, ruricularumque filii. Habent tamen adhuc in omnibus comitiis una cum reliquis Regni statibus sua suffragia & vota.

Status militaris constat è copiis tantè equestribus quam pedestribus, non tamen è milite peregrino & mercenario, sed domestico: Pedites enim è selecta juventute, ad militiam apta, decimati conscribuntur. Qui postquam conscripti sunt, prædia immunia possident, insuper etiam stipendium à Rege accipiunt: quos tyrones Rex per officiales ei rei destinatos, aliquot annis domi omni armorum genere laboribusque castrensibus exerceri curat, in expeditionibus interim pugnantibus veteranis. Quo fit, ut quamvis satis magnas contra hostem extra Regni fines eduxerit copias; patria tamen in omnem eventum justa defensione non destituatur, mercenarioque milite, rarissime, ac non nisi certis de causis, utatur. Non igitur mirandum, quod sæpius etiam nostra memoria, cum

cum omnibus vicinis, Moscho videlicet, Polono, & Dano simul bella gesserit. Defatigatis autem copiis, vel expeditionis perennitate attenuatis, statim substitui possunt novæ, quæ armis & castrensibus laboribus assuetæ, militiæ difficultatem ferre possunt: Regni videlicet firmissimum præsidium. Equestres copię sunt duplices, nobilium scilicet & plebejorum. Nobiles enim pro quantitate prædiorum & reddituum, equites in defensionem patriæ alunt; ac præterea ex qualibet provincia plebei qui prædia habent insigniora, ut ea ab omni censu servitioque immunia teneant, sub vexillo provinciali equo stipem merentur.

Mercatores urbium oppidorumque inhabitatores, omnis generis indigenas merces ab incolis coëmunt; atque aut ipsi in exteras nationes exportant, aut extraneis illuc navigantibus vendunt; unde lucra hauriunt maxima. Habent autem civitates illæ antiquas leges municipales, à vetustissimæ civitatis Bircæ jure derivatas: quæ civitas ante sexcentos annos sedes erat regia, totiusque regni emporium celeberrimum. Habent etiam singulæ civitates singularia privilegia, constitutionesq; optimas; quibus antiquitus ordinatum determinatumque erat, qua ratione civitates maritimæ

cum extraneis, mediterraneæ vero cum incolis ac maritimis civitatibus, mercimonia exercebant, ut ad singulas lucrum emolumentumque redundaret; cautumque erat ne unius civitatis commodum incrementumque alterius damnum ruinamque adferret. Quæ privilegia, propter maximos, quibus Suecia jam diu conquassata est, belli turbines, à civitatum præfectis, quibus legum administratio demandata erat, aliquantulum sunt neglecta; (inter arma enim silent leges) unde in commerciis paulatim multæ irrepsērunt anomalix. Ideoque modernus Rex inter alia, quibus suum erga patriam amorem, indefessumque restaurandi corroborandique declaravit studium, etiam antiquas illas constitutiones, quasi inter mortuas, restauravit, auxitque: quæ si in posterum observentur, inque debito vigore manserint, dubium non erit, quin singulis civitatibus pristinus restituatur nitor.

Rusticorum status infimus ac quasi fundamentum & basis reliquorum est, qui reliquis victum & amictum suppetat. Horum duo sunt genera, primum vocant *Skatbonder*: qui agros habent hæreditarios, ex quibus quotannis certam dant pensionem: quam

Reges

Reges adaugere non consueverunt: quibus etiam ea prerogativa antiquitus concessa est, ut si rei militari sint idonei, possintque sibi equum armaturamque idoneam comparare, quandiu ii eorumque filii equo stipem merent, praedia ab omni pensione servituteque immunia habeant. Quae res facit, ut plurimi, quasi ab incunabulis, animum ad rem militarem applicent; unde Regis exercitus equestris non parum corroboratur. His adnumerantur & ii qui *Bergzmán* dicuntur, qui montana inhabitantes effodiendis conflandisque metallis dant operam, unde maximum hauriunt lucrum, ideoque plerumque sunt divites. Reliqui rustici regia aut nobilium vel Ecclesiastica colunt praedia: qui etiam si dominis fundi, praeter annuos redditus, & servitia praestant; multas tamen ex piscationibus, aucupis & lignatione, aliquando etiam venationibus, habent commoditates, quae aliorum regnorum colonis sunt denegatae. Quandoquidem regio lacubus fluminibusque piscosis, alicubi etiam sylvis abundat, quorum commoditates dominis fundi, propter earundem frequentiam longinquitatemque ab eorum residentiis, usui esse non possunt: quare nullibi in aliis regnis, pisces, aves,

leporesque, & id genus alia, minoris veneunt, quam in Suecia. Postremo ad conclusionem de statibus regni, præterire non possum; Ruricolæ una cum cæteris regni Ordinibus, etiamnum in omnibus comitiis peculiarem habere sessionem, suæque vota & suffragia. Quo fit, ut nullus status sit cõtemtus; neminique bono & honestatis amanti patriæ civi, per suas virtutes, ad eximios honores & dignitatis gradus perveniendi via præclusa sit.

Fuerunt olim in regno Sueciæ unicuique provinciæ sua jura legesque propriæ, quarum varios fuisse perhibent auctores, quorum nomina majori ex parte ob vetustatem ignorantur. Vplandicæ tamen Vigero Spa, Vestrogothicæ vero Lumbero cuidam adscribuntur. Suntque Vestrogothicæ illæ ejus vetustatis, ut proculdubio latæ videantur eo tempore quo Gothi hinc exiverunt, vel paulo post. Mentionem enim faciunt Gothorum in Græcia & Thracia habitantium, videlicet ne quis eorum sit particeps alicujus hæreditatis in Suecia vel Gothia, nisi illuc redire ibique degere voluerit. Constat autem, Gothos ante Alexandri Magni tempora ibi habitasse, quos ille vitandos pronunciavit. Idem etiam, ante natum Christum, sæpius terrori



terrori erant Romanis, quo minus Imperii sui fines trans Danubium propagare auderent. Conveniunt autem leges illæ majori ex parte cum Isidori legibus Visigothorum, quamvis multo sint breviores. Quare veritati non absolum videtur, easdem Isidori Visigothorum leges à nostratium Vestrogothorum constitutionibus primum derivatas, ac postea, ut ipsi testantur tituli, à Visigothorum in Hispania regibus augmentatas esse. Ex supradictis autem provincialibus legibus, aliisque Regni constitutionibus, Episcopi & Senatores Regni ante annos plus minus 270 generale jus totius Regni compilarunt, legi naturæ valde congruum, nec à jure Civili multum discrepans, nisi quod hujus vigore lites multo citius ad finem perducantur.

Habuerant veteres Sueci Gothique proprias literas, quas illi Runas, exteri vero literas Gothicas communiter appellarunt. Quas nescio quamobrem primi Christianæ religionis apud eos propagatores abolere voluerint, inque illorum locum Latinas substituerint. Suspiciantur quidā, iis literis olim plurima de illorum antiqua religione extitisse scripta: eamq; penitus extirpari non potuisse, nisi tam scriptura quam omnes libri

iisdem

iisdem literis scripti penitus abolerentur. Sed credibile est, ea ratione plurima sublata esse monumenta, quæ alias posteritati maximæ fuissent utilitati. Quæ res occasionem præbuit, ut plurimæ eorum antiquitates, scitu dignæ, jam æterna sepultæ jaceant oblivione. Sunt enim nostrates soli, exceptis Græcis, qui inter omnes Europæ populos, de propriis & à nullis aliis acceptis gloriari possunt literis. Quare si per tot seculorum anfractus, iisdem literis structæ cumulataque huc usque extitissent antiquitates, potuissent proculdubio nostri, quibusvis scientiarum thesauris, cum Græcis Latinisque certare. Cum enim literæ sint artium scientiarumque nutrices, propagatrices, & conservatrices, verisimile est, nostrates, præ reliquis septentrionalium regionum incolis, ut literarum ita & artium scientiarumque cultores extitisse. Quamobrem olim tam Græcis quam Latinis Philosophis admirationi fuerant Gothi, quod præ cæteris omnibus gentibus, animorum immortalitatem firmissime crediderint. Ac quamvis eorum de animæ immortalitate scripta jam perierint, si etiam neque extarent extraneorum de ea re testimonia, posset tamen diligens antiquitatum scrutator, ex innumere.

numeris illis, quæ etiam hodie apud nos extant, monumentis, literis Runicis immanibus saxis rupibusque insculptis, ejus certam infallibilemque conjecturam capere. In illis namque ut plurimum ad finem adduntur hæc verba:

[illegible]

hoc est: Deus adjuvet animam ejus. Præterea quod & artium fuerint cultores, non obscuro id est argumento, quod rustici etiamnum in scipionibus suis calendaria Runis vel Gothicis literis inarata gestent, ex quibus anni tempora, novilunia & plenilunia, annos bisextiles, aureum numerum, literas Dominicales, aliaque ad eam rem spectantia, exactissime supputare sciunt.

Ad incolarum ingenia moresque  
quod attinet, velim ut de iis extranei  
potius judicent. Verum tamen est, eos  
non hodie saltem, verum antiquis etiam  
temporibus ob hospitalitatem præ cæ-  
teris commendatos fuisse; quod testa-  
tur A. Bremensis, dicens: Quamvis  
omnes Hyperborei hospitalitate sunt  
insignes, tamen præcipui sunt nostri  
Sueones; quibus est omni probro gra-  
vius, hospitium denegare transeunti-  
bus. Sunt etiam præ cæteris humani-  
tatis, candoris, animique synceritatis  
laude

laude conspicui. Ideoque multis extraneis admirationi fuit, quod etiam si ibi frequentes sint sylvæ, rarissimi tamen inveniantur latrones. Neque à veritate aberrat G. Mercator, de illis scribens: Incolæ, si cum Germanis conferantur, civilitatis fortasse minus, industriæ certe ingeniique plus habent: utpote quovis eorum rustico omnia opificia artesque mechanicas callente.

*Chorographica Regni descriptio.*

**S**Veonia (ut verbis utar A. Bremensis) regio est fertilissima, ager frugibus & melle opimus, extra quod pecorum fœtu omnibus antefertur. Hæc ille: In quo quidem ei contradicere non auserim, cum rustici Hollandici, qui huc transmigrarunt, affirmant se hic tantum butyri & casei ex sexagenis lactis amphoris conficere posse, quantum in Hollandia è centenis. Lacus variis piscibus abundantes habet innumeros; inter quos tamen sunt præcipui *Meler*, *Vener* & *Veter*: quibus adnumerantur Hielmer Nericiæ, Sirian Dalecarliæ, Aava, Lulatresk, Tornetresk & Enkratresk Lapponiæ, & Vlatresk Cajaniæ, nec non Pejendæ Tavastiæ: quibus merito adnumerari debet lacus Ladoga, insignis magnitudinis, qui nuper fœdere Mosco.

Moscovitico maxima sui parte in jus Regum Sueciæ cessit.

Flumina insigniora sunt, quæ ex iisdem lacubus derivantur, Dalacarlus, Saga, Vla, Angermannus, Tidalida, Nos, Eda, Vsk, Nisså, Laga, Helga, Marboa, Aam, Cumoelff, Cimielff, Hoelff, Vlaelff, Voxen, Prinsioiki, Poventz, Nieva: de quibus in provinciis quas secant aut alluunt dicetur.

Regio non omnibus quidem in locis plana est, sed præsertim in septentrionalibus occidentalioribusque partibus montosa & sylvosa, qui equidem montes non omnes colonis sunt impedimento detrimentoque. Nam eorum multiplex variorum metallorum generibus sunt ditissimi; quæ certe metalla, ut conflentur, maxima lignorum egent copia. Vnde videre est mirandam stupendamque naturæ opificis benignitatem, quæ ne tales metallorum venæ hominibus inutiles essent, semper in nostra patria iis associavit sylvas, perennesque, quibus elaborari possent aquarum decursus. Neque carent iidem montes sylvæque etiam aliis commoditatibus. accolis namque venationes aucupiaque præstant optima. Loca maritima litusque non Sueciæ solum, verum & Finlandiæ, naturæ Conditor undequaque  
infulis

insulis innumerisque scopulis præruptisque rupibus circumcinxit, ac quasi obvallavit, ut impossibile sit extraneis sine perito ductore ab indigenis edocto ad illas oras appellere. suntque illi scopuli saxis asperi, aut cautibus invii, & vix virenti cespite vestiti. Insulæ etiam, in mari præsertim, quamvis suis locis agros, prata, pascuaque habeant gratissima: tamen majori ex parte rupibus densissimisque sylvis sunt confixæ. Vnde exteris primum illuc adventantibus mirum videtur, solum tam asperum & incultum incolis alimoniam suppeditare posse; ad interiora autem venientibus, panditur regio pulchra, cunctis vitæ necessariis opulenta satis; Vnde illis prius concepta admiratio evanescit. Regio tota, sicut & Britannia, Norvegia, Dania, Polonia & Moscovia, omnesque LI vel LII gradu latitudinis septentrionaliores provinciæ, vino caret: ejus tamen maxima copia, & quidem omnis generis, à mercatoribus istuc advehitur: interim tamen vini defectum cerevisia vel zythum è macerato frumento decoctum refarcit. Insulani & maritimi ut plurimum piscatura: mediterranei agricultura pecoribusque victitant: unde fit ut hi reliquis frumenta, aliaque quæ regio copiose pro-

se profert, illi vero hisce pisces subministrant.

Regnum Sueciæ dividitur in Sueciam, Gothiam, Finlandiam, Ingriam, atque Esthoniæ: Suecia rursum, in Sueoniam proprie dictam & Nordlandias distinguitur; Sueoniæ provinciæ sunt Vplandia, Vestmannia, Dalecarlia, Nericia & Sudermannia. Vplandia, sede regum plurimisque opportunitatibus clara, quæ reliquas antiquitus antecelluit, ab occasu dividitur à Vestmannia, Haga flumine à septentrione, eam atque Gestriciam Dalecarlus interlabitur fluvius. Ab ortu vero & meridie mari Suevico & Melero lacu alluitur. Solum habet fertile, frumenti optimi ferax, quod vicinis montanis, in metallis fodiendis occupatis, abisque in maxima copia subministrat. Lacus etiam habet plures, inter quos Melerus, plurimis pulcherrimisque refertus insulis, piscatione etiam dives, præcellit. Nec desunt minere, ferri præsertim & plumbi, alicubi etiam argenti, tametsi non adeo divites. Dividitur autem Vplandia in tres Folklandias, hoc est, trium populorum provincias. Tihundriam, Athundriam & Fiedrundriam. Tihundria, Vpsaliâ septentrionalior, à decem præfecturis, in quas distributa est, nomē habet.

habet. Athundria inter Stocholmiam, Vpsaliam mareque interjacens ab octo; Fiedrundria, in qua sita est Enecopia, à quatuor, in quas distincta est præfecturas, nomen acceperunt. Vbi hoc etiam obiter addam; Quibusdam notatu dignum videri, præfecturas Vplandicas cognominationem habere ab *Hundrat*, hoc est Centuria, ut *Erlinghundrat*, *Seminghundrat*, *Longhundrat*, *Lyhundrat*, &c. Vnde autumant, primorum, qui huc advenerunt, colonorum familias per centurias distributas fuisse; indeque cognomina præfecturarum in hodiernum usque diem mansisse. Vnde conjecturam capiunt, bis millenas ducentenasque in primorum huc adventantium exercitu fuisse familias. In reliquis autem provinciis præfecturæ nominantur *Hárodh*, ab *Här*, quod exercitum, & *Odh*, quod possessionem significat. Vnde opinantur; postquam in Vplandia præter regionis capacitatem excrevisset populi multitudo, conscriptos fuisse exercitus, qui novas sibi quærerent sedes, locumque ubi confederunt cognominatum fuisse ejus exercitus possessionem, ut *Däzaháredh*, *Lyflughharedh* &c.

Vplandicarum civitatum, totiusque regni præcipua est Stocholmia, sedes  
regia,



regia, regnique metropolis & emporium celeberrimum, in insula quadam in faucibus Meleri, loco quidem satis opportuno, spectatoribus tamen ob vicinas rupes non admodum grato, sita. quæ cum ob insulæ angustiam tanti emporii cives capere non possit, subjecta habet suburbia amplissima: australe in littore peninsulæ *Toren*; & boreale in Attundia situm. Plurima huic civitati præstant navigationum commoditates emolumenta. Per Melerum enim lacum, ferrum, cuprumque, quod mediterranearum civitatum incolæ à montanis coëmunt; tum & triticum, siligo, hordeum, avena, legumina, butyrum, casei, carnes, sebum, coria pellesque variæ, lignaque & alia hominum sustentationi mercimoniisque apta, facillime exportantur. extraneæque merces importantur. Mari autem vinum, sal, oleum, panni sericci, lanci, lineique, saccharum, aromata, aliæque merces complures, quibus regio partim destituitur, partim ea ad sufficientiam non profert, abundanter ex omnibus Europæ partibus advehuntur; ut fileam quæ etiam à borealioribus provinciis magna copia asportantur. Stocholmiæ succedit Vpsalia, quondam totius septentrionis Regia, ( unde Vpsala *Könung,*

nung, regius erat tum titulus;) & metropolis antiquissima, sedes nempe Regia, sacerdotalis & iudicii supremi. Nunc vero sedes Archiepiscopalis. templo cathedrali celeberrimo; propinquaque arce pulcherrima, in prærupto colle, decorata. Sita est quasi in medio umbilico Vplandiæ, ad ripas Salæ amnis, in lacum *Ekolen* illabentis, loco plano amœnoque. Anno 1235, regnante Erico Balbo, Archiepiscopo Ierlero, Collegium quatuor Professorum Vpsaliæ institutum erat, ex quo postea, auctis omnium facultatum Professoribus, Academia constituta est, singulari privilegio, eodem videlicet quo Academia Bononiensis, à Sixto IV Pontifice, anno 1476, donata. Quæ sæpius ob temporum injuriam dissipata, tandem anno 1595 à Carolo Nono, satis liberaliter, cum privilegiis, tum etiam redditibus decorata, pristinaque conditioni restituta est. Modernus autem Rex GUSTAVUS ADOLPHVS, singulari quo erga literas, literatosque flagrat amore, ejusdem Academiae privilegia, Professorum stipendiatorumque numerum ita auxit, ut cuivis Academiae Europæ par sit; atque, ne incertis redditibus suffulta rursus contabesceret, singulari liberalitate, anno 1624, tantæ rei annuos

nuos sufficientesque destinavit sumptus,  
 è propriis bonis paternis allodialibus,  
 quæ Regio diplomate in Academiæ  
 perpetuam possessionem assignavit, eo-  
 demque privilegio, quo nobiles in hoc  
 regno sua possident bona allodialia, do-  
 tavit. Habet præterea Vplandia Eneco-  
 piam, Sigtuniam, Oregrundjamque op-  
 pida, mercimoniis quidem valentia,  
 prioribus tamen non comparanda.

Vestmannia Vplandiam fertilitate co-  
 mitatur, sed mineris vincit; Habet enim  
*Salbergh* argenti fodinam præstantissi-  
 mam; innumerisque locis chalybis ferri-  
 que inexhaustas venas: nec desunt etiam  
 cupri, plumbi, sulphurisque mineræ.  
 Civitatum in ea præstantior est Arosia,  
 vulgo *Westeras*, sede Episcopali templo-  
 que cathedrali, nec non & arce conspi-  
 cua, ubi magnam est videre cupri ferri-  
 que à montanis partibus allati copiam.  
 Huic succedunt Arbogia & Köping iis-  
 dem mercimoniis, præsertim vero ferri,  
 abundantes.

Dalecarlia Vestmanniam mineris se-  
 quitur, sed cupro eam reliquasque an-  
 teit. ibi stupenda videas, quæ lucri cupi-  
 ditas, imis in rupium visceribus, im-  
 mensis & plus quam giganteis laboribus  
 excavavit, pendentibus ac ruinam mi-  
 nitantibus scopulis, horrida & non ad-

suetis visu terribilia antra; quæ tamen assueti, ut opes irritamenta malorum effodiant, imperterriti adeunt. Reddit ea fodina, una cum cupro, & sulphuris, aluminis, vitriolique plurimum. Aqua etiam quæ inde exhauritur, ferrum in cuprum præstantissimum transmutat, desiderata tantum ponderis, si minus fuerit ferrum, parte quarta: sin vero densius, tertia. Regionem ei operi aptissimam natura effinxit; tota enim sylvis amniumque scaturiginibus frequens est. Fert etiam & frumenta, sed non ad sufficientiam; nam metalla effodientes, ob assiduos labores & vigilias aliis multo sunt voraciores. Efflagitant etiam metallorum effossiones operarios plurimos; ideoque Deus populosam fecit regionem, hominesque laborum, quam ullos alios, tolerantiores.

Nericia etiam argenti, ferri, sulphurisque venas habet; sed argenti fodinæ quia alibi fertiliorum est copia, inculcæ jacent; sulphuris venæ valde sunt lucrosæ. Præter sulphur enim proferunt & aluminis vitriolique maximam copiam. Incolas omnes natura ipsa fabros ferrarios exquisitissimos fecit: omnis generis utensilia ferrea reliquis provinciis copiose subministrantes. Civitatem unicam habet Orebregiam.

Suder-

Sudermannia neque mineris caret: frumenti quoque optimi, præsertim locis Melero lacui conterminis, ferax. Civitas præcipua est Nycopia emporium, pulchra arce, in qua sedem fixit Dux Sudermannia, decorata. Strengnesia, Episcopalis, templum habet cathedrale, CAROLI IX sepultura clarum. Sunt & Telga, (*super australi parte lacus Meleri ut scribit Zieglerus*) Torfiliaq; & Trosa oppida, mercimoniis non contemnendis gaudentia.

Nordlandicæ provinciæ sunt Gestricia & Helsingicæ regiones. Gestriciam ab Helsingia Oedemord sylva dirimit. Regio ferri mineras habet, frumenta etiam ad colonorum sustentationem ministrat. Civitatem unicam habet Gevaliam, opportuno loco ad sinum maris sitam; per quem omnis generis merces facillime exportantur & importantur. neque à Cuprimonte longiori, quam sesquidiæ itinere distat. Helsingia olim nomen generale erat, reliquas septentrionaliores provincias complectens Extant enim adhuc literæ Canuti Ionsen Archidapiferi, anno Christi 1328 in Parlamento Telgis habito datæ, quæ testantur, terminos Helsingia ab aquilone antiquitus fuisse in flumine Vla, & lacu *Vlaresk*, qui jam in borealibus Cajavia

partibus siti sunt. Helsingiam olim regni titulum, propriosque habuisse reges, Scanzianæ commemorant historiæ; donec Ingellus Vpsaliensis Rex, Olavi Treteliæ Vermelandorum Regis parens, in coronatione sua, incendio consumpto ultimo Helsingiorum rege, una cum aliis quinque regibus, eorum regna Vpsaliæ regibus subiecit. Helsingiæ regibus olim paruisse lamptiam, refert Saxo lib. 5. Antiqua quæ apud Helsingios extant monumenta, testantur eos olim proprias habuisse literas à reliquis Runis plane diversas, quarum ne una quidem duplici constabat ductu. suntque ejusmodi:

*I'v:I'v:I'v:I'v:*

Fortitudinis suæ Helsingii æterna posuerunt trophæa, cum liberata ab exteriorum strage patria, iisque ultra fretum *Oresund* propulsatis, ad ejusdem freti ripam, à se denominatum, condiderunt Helsingburgum. Eosdem etiam adversus Finnones, Cajanos, Careliosque atrocissima gessisse bella, eosque sedibus expulisse, cum veteres testantur historiæ, tum etiam ipsæ quas prisce temporibus in illas oras transportarunt, coloniæ; quarum etiam in hodiernum usque diem durant reliquiæ.

Quis

Quis enim ignorat, Cajaniæ Finlandiæ-  
que septentrionalis maritimos colonos  
plerosque Helsingice loqui? Quem etiam  
fugit: Nylandios ex Helsingia oriundos,  
Careliorum fines accolentes, pulsos Fin-  
nibus & Careliis, illorum sedes occu-  
passe, hodieque Helsingico idiomate  
uti; suoque de nomine Helsingeby &  
Helsinga parœciam reliquisse? unde po-  
stea nomen manavit oppidi Helsing-  
fors. Quod & illorum fama priscis tem-  
poribus, antequam Christianam ample-  
ctebantur religionem, apud exteris in-  
claruisse nationes, testantur Gregorii  
Papæ & Ludovici Pii anno Christi 835  
datæ literæ. Incolæ reliquis Suecis ho-  
spitaliores sunt, cunctarumque discipli-  
narum artiumque capacissimi, litera-  
rumque præ reliquis adeo amantes, ut  
quamvis Scholæ publicæ apud illos sint  
rarissimæ, tamen qui literas didicerunt,  
reliquos tanto studio privatim insti-  
tuunt, ut vel commune vulgus curvus-  
que arator, maximaque ex parte literas  
norit. Natura tamen magis sunt sim-  
plices, quam astuti. Præ cæteris etiam  
domorum munditiem amant. Sed hæc  
de Nordlandicis provinciis in genere  
dixisse sufficiat; nunc in specie singulas  
antiquæ illius Helsingiæ partes sigilla-  
tim lustrabimus. Ejus coloni partim

sunt nativi Helsingii, partim Lappones. Illorum provinciæ sunt, Helsingia nunc proprie sic dicta, Medelpadia, Angermannia & Bothnia: horum vero Lapponia.

Regio illa quam nunc proprie Helsingiam vocant, olim, ut ex Helsingicis legibus patet, *Sundhede* nominabatur; quod nomen etiam hodie in ejusdem provinciæ sigillo remanet, habet enim inscriptionem talem: Sigillum communitatis in *Sundhede*. Distribuitur autem in tria territoria, *Ålön* videlicet, quam Liusna fluvius irrigat: *Sundhede*, per quam mediam Däl lacus flumenque elabitur: & *Nordstigh*, sylvæ *Årskog* conterminam. Quandoquidem autem *Sundhede* regionis mediam potissimamque partem comprehendebat, ab ea tota provincia denominationem cepit. Regio glebam satis habet fertilem; pecoribus etiam abundat; sunt enim incolæ rei bucolicæ præ cæteris dediti: linificium etiam aliasque manuales & mechanicas artes studiose exercent: neque piscationes in mari, fluminibus, lacubus negligunt. Civitatem habet Hudingvaldiam, cujus cives, cupri, butyri, sebi, coriorum, pellium, picis, resinæ, malorum, trahium, asserumque abiegnorum maximam



mam copiam in exteras nationes transportant.

Medelpadia fere ejusdem cum Helsingia conditionis est, nisi quod arctior, sylvisq; ac montibus frequentior. Duos habet fluvios variorum piscium, salmenum præsertim captura insignes. Existimant quidem, Helsingiæ reges suam aliquando ibi sedem fixisse.

Angermannia montes rupesque habet plurimas: convalles autem locaque planiora adeo uberem habent glebam, ut quamvis iidem agri quotannis serantur, tamen vix decimo quoque anno stercorationem expetant: frumenta que nihilominus reddant in suo genere præstantissima, si alioquin non admodum iniqua fuerit anni temperies, ut ad perfectam maturitatem fruges pervenire possint. Quare dubium non esset, si regiones miti cælo subjectæ, tale haberent solum, eas uberioribus multoque præstantioribus fructibus edituras. Angermannum fluvium habet, inter præcipuos famosum, varia piscatione, salmonum præsertim, divitem. Regio quasi in duo brachia dividitur: meridionalior enim pars à mari secus prædictum flumen, versus occasum æstivum protenditur: borealior autem secus mare: utramq; sylva, à prærupto, horri-

horribili illo ac quasi ruinam minitante Scula monte denominata, dirimit. Civitatem unicam habet, Hernosandiam, excepto cupro iisdem cum Hundingvaldia mercimoniis gaudentem.

Bothnia non æque montosa est atque Angermannia: sed solum habet quibusdam in locis arenosum: quod quidem una cum rigiditate cœli, messis ubertatem impedit. Sed ejus & tenuitatem & defectum, aliarum rerum necessariarum compensat copia. Bothniam multi irrigant magni fluvii, diversorum piscium speciebus, maxime autem salmonibus abundantes. Civitatem quidem non habet, sed singulæ parœciæ quasi singula sunt emporia. Etsi enim vicina Lapponia frugibus aliisque ejusmodi rebus caret, abundat tamen piscibus, variorumque animalium venatione & preciosis pellibus. Bothniæ coloni, ii præsertim quos Byrcarlos vocant, quæ Lapponibus aliisque sunt necessaria, à mercatoribus illuc navigantibus æstivo tempore coemunt; hyberno autem cum lacus & flumina congelata sunt, ea in Lapponiam exportant, referuntque ingentem piscium, gelu in modum baculi induratum, variarumque pellium, & id genus aliarum rerum copiam.

Lapponia septentrionalium provin-  
ciarum

ciarum extrema, regio est latissima, sylvis, montibus, paludibus, lacubus fluminibusque frequentissima. Agros nullos habet; pabula tamen quibusdam in locis largissima. Incolæ venatione, aucupio, piscationeque victitant. Villas aut pagos certamve mansionem non habent. Sed, ut fert commoditas piscationis & venationis, per aliquod tempus, apud lacum, flumen, sylvam, vel montem aliquem commorantur, exactisque ibidem aliquot vel septimanis, vel diebus, habitationem alio ad lacum commodiorem transferunt. Hyeme tamen cum tributa ab illis exigenda sunt, certis quibusdam locis, certoque tempore, quasi in hordas congregantur: ubi etiam mercatores illi, quos Byrcarolos nominari dicebamus, suas exponunt merces. Illo etiam tempore sacerdotes adsunt, qui illorum infantes baptizant, articulosque fidei aliaque Christianæ religionis exercitia Lapponibus proponunt, examinantque anno sequente quod priori illos docuerant, rationem poscentes christianismi. Tempia, in quibus sacra peraguntur, Carolus ix iis locis ædificari fecit. Lappones olim, quàm nunc magicis superstitionibus magis dediti erant. Postquam enim Evangelii lux apud illos illucescebat, qui

illam

adbat, o.

11-11

11-11

illam amplexi sunt, à superstitionibus abhorrere cæperunt. Maximaque pars Lapponum magicis superstitionibus caret, suntque homines simplices, probi, nec à bonis moribus abhorrentes. Sunt enim apud illos adulteria rara, homicidia rariora, furta autem rarissima ac pæne inusitata. Ita ut consuetum sit, non modo Lapponibus, verum etiam mercatoribus, suas merces illinc transportantibus, eas stragulo saltem contra nivium injuriam obtectas, sine aliquo custode, sub dio relinquere, proque negotiorum expeditione ad alias hordas longissimo itinere abire, nullamque prorsus curam habere, ne vel loco moveantur, nedum auferantur. Sunt etiam agiles, atque in manualibus artibus pro sua consuetudine solertes. Vestimenta, ut plurimum, è pellibus hirsutis villosisque conficiunt, vel ex panno laneo advectitio. Linum non habent, sed ejus loco, ab exsiccatis animalium nervis, rufisque ac in modum lini paratis, filant, quibus vestes consuunt; ac ne desint ornamenta acu picta, stannum in modum auri in tenuissima ducunt fila, iisque supra dictos nervos investiant; quib<sup>us</sup> deinde vestes solenniores suo more acu pingunt. Pro domibus ex betulæ arboris corticibus confutis utuntur tentoriis.

toris. In quibusdam Lapponiæ montibus etiam gemmæ inveniuntur, utpote adamantes, amethysti, topaziique.

Lappones nostro seculo tribus parent Regibus, Sueciæ videlicet, Norvegiæ & Russiæ. Lapponiæ maxima pars, meridionalis videlicet, & mediterranea, ad regnum Sueciæ tota pertinet: regio vastissima à gradu latitudinis LXIII ad LXXI extensa, in longitudine ultra centum milliaria Germanica completur, in latitudine vero nonaginta. Hæc in quinque territoria vel præfecturas, Lapmarkias vocatas, dividitur, videlicet Vmalapmarck, Pitalapmarck, Lulapmarck, Tornelapmarck, & Kimilapmarck; quarum incolæ nulli, præterquam Regi Sueciæ, tributa pendunt. Ad Norvegiam pertinet tractus saltem maritimus, secus Oceanum, quem Finmarchiam nominant, cujus incolæ Siofinni, id est Finnones maritimi, vocantur, quod sola piscatione victitant. Ruthenorum imperio parent reliqui, tractum illum à castro Vardhus usque ad ostia maris alibi incolentes. Quæ regio Suecice Trennes, Lapponice Pyhinienni, Ruthenicè vero Tarchana voloch hodie appellatur, quam quidem putant eandem esse, quam Veteres Biarmiam appellarunt, quod nomen detor-

detortum videtur à Finnonico Var-  
ma, quod montosam regionem sig-  
nificat.

Sericfinnia, quam Saxo Sialandicus  
aliique veteres hic uspiam posuerunt,  
nulla est. Sed Skidhfinnorum appella-  
tio omnibus Finnonibus Lapponibus-  
que competit, qui soleis illis ligneis, quas  
nostri Succì Skidh, Finnones vero Sukfi  
vocant, solent uti, celerrimeque super  
altissimas nives currendo feras insecta-  
ri, hostemque insequi, institutumve iter  
peragere possunt. Cujus rei peritiam  
maxima pars Nordlandicorum popu-  
lorum omnes Finnones Lapponesque  
habent. Quæ certe res Suecis, in bellis  
hyemalibus, cum regiones totæ nivi-  
bus oppletæ sunt, sæpissime facilimam  
præbuit hostium deletionem: Hostes  
enim è via ne latum pedem excedere  
valent, quin continuo & equites & pe-  
dites totæ nive obruti, cum nivibus cer-  
tare & quasi natare cogantur: cum  
Skidhkarli, qui soleis illis ligneis vecti,  
ceu volantes, in eos ex omni parte ir-  
ruere possunt, ac jacentes ut libet vel  
telis vel armis conficere. Cujus rei non  
obscurum exemplum, etiam nostra me-  
moriam, paulo ante obitû Iohannis tertii  
Sueciæ regis, accidit; cum Ruthenus  
centum millibus armatorum stipato  
exer-

exercitu, Finlandiam ex improvise devastaturus occupaturusque irrupit, nullo tum Suecico milite in Finlandia praesente; tum sexcenti tantum rustici, à Ieskis & Europe, soleis illis ligneis vecti, totum ejus exercitum dissiparunt, retruserunt, atque in Russiam fugarunt.

Sequitur in nostra methodo Gothia, quam à Suecia Kolmord & Tydhveth sylvæ dirimunt. Suecorum nomen (inquit Cranzius) domi atque apud vicinos, Gothorum vero apud externos semper clarum extitit. Hæc est patria & genitale solum, unde egressi sunt domitores gentium Gothi, quorum prælustrium facinorum gloriam sibi omnes circumjacentes arrogare nituntur populi. Nusquam autem Regnorum & populorum (ut nostræ loquuntur leges) fixum aut stabile reperitur Gothorum nomen & habitatio, præterquam in regno Suecorum: eo quod ex iisdem dispersum est Gothorum nomen in aliis regnis. Cui sententiæ etiam unanimiter subscribunt veteres, qui res Gothicas posteritati tradiderunt, scriptores, ut passim videre est in Resendi Hispania illustrata. Sed Germanorum aliorumque recentiores scriptores, ut Gothorum rerum gestarum gloriam aliqua ratione sibi arrogare viderent, Scandiam,

diam, in qua sita est Gothia, Germanicis insulis adnumerarunt. Testantur autem non tantum veteres scriptores, Gothos è nostra Scandia exivisse, verum etiam plurima nostratum, quæ antiquis temporibus cum Gothis in Græcia & Thracia habitantibus fuerunt, commercia & quasi necessitudo quædam. Exiverunt enim hinc sæpissime plurimi, ut affines consanguineosque suos ibi habitantes inviserent. Idem etiam factum esse postquam Gothi in Italiam venerunt Iornandes testatur, commemorans, Rudolphum quandam Scandiæ Regem relicto proprio Regno, Theodoricum Gothorum in Italia Regem visitasse. Erat autem idem Rudolphus, ut nostræ testantur historiæ, Suecorum Rex in ordine 85. Refert etiam Volfgangus Lazius, ex his septentrionalibus insulis multas amplas quotidie manus, ad populares suos, Visogothos Galliam incolentes, & Ostrogothos in Illyrico & Italia egressas esse. Sed non illo tantum tempore quo in præfatis habitabant Regionibus; verum etiam ante excidium Trojæ, cum Gothi adhuc in Thracia habitarent, plurimæ ad illos subinde transmigrarunt copiæ; quas quidem expeditiones non inviti susceperunt, sed sympathia



triotarum in exteris nationibus successu, rerumque gestarum gloria alle-  
cti, certatim quasi evolarunt. Quod vi-  
dentes Sueciæ Gothiæque Reges, ne eo-  
rum ditiones habitatoribus evacuaren-  
tur, circa præfata tempora, vel paulo  
post, leges rogarunt, quibus cavebant,  
ne quis patriam relinquens aliquam in  
ea caperet hæreditatem; ac cum incer-  
tum esset de emigrantis apud externos  
morte, ne de ejus bonis inter hæredes  
intricatę orirentur contentiones, exiens  
ab hora exitus pro mortuo habebatur,  
ejusque hæreditatem capiebat qui ei tunc  
consanguinitate vel affinitate erat pro-  
ximus. Extant etiam hodie apud nos  
plurimi ingentes cippi, quorum inscri-  
ptiones testantur, eos in memoriam  
insignium quorundam Heroum, qui  
in Græcia vel Thracia, aliisque regio-  
nibus, quas Gothi sua infestarent inun-  
datione; belligerantes, occubuisse,  
erectos esse. Apparet quoque ex histo-  
riis, Gothos, etiam postquam suum in  
Hispania Imperium firmassent, fami-  
liaritatem quandam habuisse cum Go-  
this in Scanzia habitantibus: cujus  
non obscurum testimonium est, quod  
comites Scanziarum, Adulphus, Erafs-  
tius, Fandila, Aphrila & Venedarius  
consilium Toletanum octavum sub-

scripserint. Non videtur autem verisimile, quod ex supra dictis Lazius colligit, nempe extraneis Gothis primævas sedes subjectas fuisse, etsi sub alio cardine constituti fuerint. Quod vel superius commemoratæ leges solæ refellere possent videntur. Si enim extraneis Gothorum Regibus aliqua fuisset in internos potestas, nequaquam sufferre potuissent, eos in patria exheredari, qui eorum castra in exteris sequebantur nationibus. Verum ego potius cum Alphonso Carthagena contrarium affirmarem: dicit enim: Licet Gothi ad gentes alias sæpius se vertissent, rectores tamen suos in Scythiam dimittebant, nes quos gentis regimen consistebat: Quænam autem sit illa Scythia, sine ambagibus explicat Rodericus Sancius, dicens: Circa Originem itaque Gothorum, Isidorus ipse & cæteri scribentes, in eo conveniunt, videlicet Gothos ex insula Scandia, scilicet Scythia septentrionali, ortum habuisse. Summam autem eorum, quæ Gothi extra patriam post Alexandri Magni tempora patrarunt, A. Krantzius, Sueciæ lib. 1, cap. 1, his verbis fere complectitur: In longinqua militia Gothorum gloria sublimibus inclaruit titulis: quod Romanis rerum dominis, diu eagens colluctata, aliquo-

aliquoties quidem repressa quievit, aliquando magis se Romanorum cladibus vindicavit, nonnunquam pari manu conflictans decessit. Demum Romanorum proculcans imperium, Italiam pervasit, urbem Romam vastavit, in eadem Italia Regnum multis annis tenuit: Gallias occupavit, in Hispaniis regna fundavit, & ex eo sanguine nobilissimas domos principum erexit. Quae in re Romani scriptores (pace illorum dixerim) non tam in barbarorum, ut ipsi vocant, quam in suorum laudibus profusi sunt. Hæc ille. Sed relictis Gothis extraneis, ad indigenas Gothiamque ipsam revertamur.

Gothia, ut Iohannis Magni verbis utar, inter duas potentes & nunquam satis concordēs gentes Sueones & Danos sita, ne hostibus obseſſa, utrumque latus tueri continenter cogeretur, perpetuam societatem cum Sueonibus, siue quod potentia & opibus præstarent, siue quod eorum mores mitiores essent, inire curavit. Hæc ille. Vnde ab illo tempore quo Monarchia in Regnum Sueciæ introducta est, utraque gens, Sueci videlicet & Gothi, ut plurimum uni paruerunt Regi; & ita quasi in unam gentem coaluerunt; quamvis aliquoties ob virtutum æmulationem, Reges sibi

separatim præfecissent. quæ tamen simultas non diu duravit, quin ad pristinam redeuntēs concordiam communibus armis communes arcerent hostes. Sed admiratione certe non indignum videtur, Gothos (qui in exteris nationibus ob fortitudinem bellicam adeo fuerunt clari, ut toti fere Europæ formidabiles extiterint) Suecis in patria adeo cecidisse, ut antiquissimæ Vestrogothorum leges affirmant, penes Suecos jus esse Regem in utroque Regno eligendi, tum rejiciendi.

Dividitur Gothia in occidentalem & orientalem. Gothiæ occidentalis provinciæ sunt, Vestrogothia, Dalia & Vermelandia, cui olim adnumerabatur & Hallandia.

Vestrogothia regio est plana & fertilis; cedit tamen fertilitate Vplandiæ, Vestmanniæ & Sudermanniæ: quemadmodum hæ vicissim Vestrogothiæ pecorum abundantia. Ut enim illarum colonis præcipua lucra sunt ex agricultura: ita hujus à pecoribus. Fluviorum quidam versus septentrionem in lacum Vener illabuntur, ut Tida, Lida, Nos, qui rursus per magnum illum Trolhet-tam fluvium, duobus ostiis, apud *Elffzborg* & *Kongelss* in Codanum sinum exoneratur: quidam vero versus  
meridiem

meridiem in eundem sinum, ut *Eda* & *Vask*. Civitates habet Gotheburgum emporium, Scaram Episcopalem, Mariæstadium, Lidecopiam. Habet & oppida Falecopiam, Skedvi, Hio, Bogesund, Brettam & Ludosiam veterem.

Dalia inter lacum Vener & Norvegiam sita, plerisque in locis montosa est. Habet autem lacus & fluvios piscosos; pascuorum etiam ubertate gaudet singulari, unde & armentosa est, bovesque cæteris grandiores profert.

Vermelandia inter Gothicas regiones postremo excolta est, colonias illuc primum ducente Olavo Tretelia. Regio montosa & sylvestris est, ferri mineras habet, cuprique venam satis divitem, nuper inventam; lacusque piscosos, fluviosque salmonum captura nobiles. Civitatem habet Caroloestadum, à Carolo IX in loco prius Tingvalla nominato conditum. Hallandia secus Codanum sinum extensa Vestrogothiam ab eo sejungit. Ejus civitates sunt Halmstadium, Laholmia, Falkenburgum & Varburgum, præcipua iis mercimonia suppeditantibus Vestrogothia & Smalandia, à mari sejunctis; cum ipsa Hallandia alicubi vix sesquimiliare habeat in latitudine; tria vero ad

summum, ubi est latissima. Nostra tempestate paret Regi Daniæ.

Gothiæ orientalis provinciæ sunt: Ostrogothia, Smalandia & Oelandia. quibus olim adnumerabantur & Gotlandia, Scania & Bleckingia.

Ostrogothiam à Vestrogothia Veter lacus dirimit; ejus vero orientale latus mare pulsat Suecicum. Regio majori ex parte plana est, fertilitate ceteras provincias antecellens: qua eam etiam ipsam superare Vplandiam quidam autumant; inde conjecturam capientes, quod ex ea major frumentorum copia ad exterâs transportatur regiones, quam ex Vplandia: non autem perpendentes ingentem quam Vplandia frumentorum copiam montanis, metalla fodientibus, suppeditat. Sed si quis penitus animadverterit utriusque provinciæ colonorum ad sementis proportionem, annuas quas sufferre possunt, expensas, certius ea de re judicium dabit. Est tamen inter reliquas Sueciæ provincias amœna, cunctisque commoditatibus ad humanæ vitæ sustentationem necessariis (vino & sale exceptis) dives. Habet enim præter frumentum optimum, pecorum abundantiam, nec desunt mellificia, variarum ferarum venationes, aucupia, piscaturæque, & alia, quæ

quæ singula enumerare locus vetat. Nec caret mineris, in montanis Godegard Hellestabergh & Vögaberg. Ejus civitates sunt, Vadstenum, arce, cœnobioque Divę Brigittę celebre. Habet præterea Sche-ningiam, olim claram, nunc in oppidi formam redactā; Lincopiam Episcopale, Norcopiamq; ac Sudercopiam emporia.

Smalandiam ab Ostrogothia Holarvedh sylva disternit. Regio ampla satis, utpote quæ in circuitu 95 completitur milliaria Germanica: Ejus vero tractus majori ex parte sylvosus est: Gleba tamen colonorum labores satis ubere compensat fecunditate, æquali videlicet fertilitate cum vicinis provinciis Scania & Bleckingia. Pecoribus abundat, unde & denominationem traxisse videtur: pecora namque sua lingua Smala vocant, unde Smalaland. terra pecoribus abundans. quod nomen usus contraxit in Smaland. Cumque reliquæ Suecię provincię, iis solis locis exceptis, ubi fodiendis metallis invigilant, incolis pecora ad sufficientiam subministrant: Smalandi, ut quadrupedum, ex annua fætura, gregum incrementa relevent, maximam quotannis armentorum copiam in vicinam Daniam vœnundant, unde non parum augentur famosæ illæ boum myriades, quas Da-

nia quotannis Germaniæ Belgioque subministrare perhibetur. Lacus piscosos pæne habet innumeros, inter quos tamen præcipui sunt Bolm, Vioftez, Möklen & Asnan. Fluviorum præcipui sunt Nyssæa, Laga, Helga, Marboa & Æm. Regio in plures partes dividitur, quarum tamen præcipuæ sunt Tieherad, Verendia, & Tiustia, Finheidia, & Mauringia Longobardorum expeditione à Paulo Longob. celebrata: quæ plura sub se complectuntur territoria. Verendiæ autem ab antiquo tempore singularia fuerunt jura reliquorum legibus discrepantia, quæ hic, cum multis aliis, brevitatis causa omitto. In Tiustia sunt cupri mineræ nuper inventæ. In Ta-berg mineræ sunt chalybis, effodiuntque passim locis paludinosi, atque ex lacubus expiscantur ferri quandam inconditam massam, quam parvo labore sumptuque in ferrum optimum excoquunt. Civitates pro sua amplitudine non adeo multas habet, cum à meridionali parte cingatur Hallandia, Scania & Blekingia: quarum civitatibus maritimis mercimonia ex internis mercibus suppeditat; rursusque ab iisdem externas merces accipit. Habet tamen Calmarniam, Ienecopiam, Vexio Episcopalem, Ekesiô & Vestervick.



Oelandia insula amœna & fertilis, pecorumque ac jumentorum dives, equos etiam sylvestres alit. Nec desunt Venationes & Aucupia. Arcem Burcholm & Ecclesias habet triginta duas. Gotlandia insula pecorum dives est, habet & abietum frequentissimas sylvas, nec non & lapides ad structuram utiles. In ea est civitas Visby; olim, cum Regno Sueciæ parebat, emporium celeberrimum: nunc autem in oppidi formam redacta. De hujus insulæ, sicut etiam de Scaniæ, Hallandiæ & Blekingiæ dominio, inter reges, armis, inter scriptores vero, calamis, diu varieque certatum est; aliis jus, aliis vero præscriptionem prætendentibus; quorum controversias brevitatæ causa non attingo. Parent autem hodie regi Daniæ. Scania frugibus atque pecoribus apta, sylvis, venationibusque gaudet. Huic etiam quidam auri, argenti, æris & plumbi inexhaustas attribuent venas, nusquam ibi repertas, nisi illam forte commemorare velint auri argentique venam, quam vicini suppeditat freti telonium. Sed condonandum est illis, quod Scanziæ vel Scandiciæ, ejusque particulæ Scaniæ discrimen non animadvertierint. Ab hac quasi brachium quoddam secus mare, versus ortum extenditur Blekingia.

Absolute

Absoluta Gothia, sequitur in ordine Finlandia, quam quidam quasi pulchram terram sic dictam autumant: rationem adferentes quod ea regio undequaque amænior sit Suecia, melioresque fructus proferat, minusque sit montosa & paludinea. Quæ denominationis ratio, ab aliquo, qui neutram aut alterutram provinciam unquam peragravit, conficta videtur. Finnones autem ipsi patriam suam *Somi*, à *squâmis*, quibus eorum domus, ob piscium frequentem capturam, consperguntur, vel *Sooma* vocant, à paludibus denominantes. Sueci vero antiqui, quod à *Finnonibus*, cum proprios habebant Reges, sæpius infestabantur, terram ab hostilitate *Fiendeland* vocarunt, quod usus postea contraxit in *Finland*. Regio frugibus, pecudibus, jumentis, piscatione, aliisque ad humanam sustentationem necessariis dives. Homines sunt laboris patientissimi; Eos *Iornandes* affirmat olim fuisse omnium *Scanzianorum* mitissimos, cum hodie videantur aliquanto duriores. Linguam Finnones peculiarem habent, à reliquis *Scanzianorum* populorum linguis plane diversam, quæ cum aliquot habeat proprietates, reliquis *Europæis* linguis non communes, eas hic obiter recensere

fere libuit. Primo enim in tota sua lingua carent litera F. neque ullam habent dictionem, quæ incipitur à B. D. vel G. vel à duabus consonantibus. Quæ res Finnonnes ad discendum alias linguas inhabiles facit, nisi hoc vitium ab ineunte ætate arte corrigatur. Si enim in pueritia non addidicerint aliam linguam, adultiores facti non possunt discere pronunciationem earum vocum quæ à prædictis literis, vel à duabus pluribusve consonantibus incipiuntur: sed priores consonantes semper elidunt, ut pro Grex dicant Rex, pro Cratus, Ratus, pro spes, pes, prodere, rodere, strepere, repere, &c. Pro bonus dicunt ponus, pro dominus, tominus, pro guberno, cuperno, pro filius vvilius. Ideoque nobiles, mercatores & sacerdotes, rustici etiam ditiores curant, ut eorum filii ab incunabulis Suecicam discant linguam, eaque ratione eos ad aliarum linguarum proprietates pronunciationemq; sese accommodare assuefaciunt. Secundo in tota sua lingua, nulla omnino observant genera, sed unicum tantum habent articulum *se*, qui utriusque sexui, omnibusque generibus attribuitur, ut, *se* Mes, hic vir, *se* VVarmo vel Naine, hæc mulier, *se* Aelehin, hoc animal. Ideoque nisi Suecicant vel aliam

in juventute didicerint linguam, difficillime in aliis linguis discunt observare discretionem sexus & generum, eamque aut prorsus omittunt, aut inconvenientem apponunt. Quæ tamen istius linguæ proprietas, maximo est adjumento extraneis Finnonicam linguam ad discuntibus, quo citius eam discant. Quod enim in aliis linguis discuntibus solet esse difficillimum, in ea prorsus omittitur. Tertia ejus proprietas est, quod voculæ quæ in aliis linguis à præponendo præpositiones vocantur, in Finnonica lingua semper postponuntur. Rythmos præterea non à simili vocum finitione, ut reliquæ gentes, sed à simili binarum ternarumque vocum initio observant, octonis versus syllabis claudentes. Sed de his satis. Habuerunt Finnones olim Reges proprios, atque plurima cum Suecis bella gesserunt, donec tandem à Divo Erico Sueciæ Rege, circa annum Domini 1150 subacti, Christianamque fidem suscipere coacti sunt. Non autem totam is Finlandiam subegit, sed post eum Birgerus Ieri Tavastiam: Turgillus vero Kuntsson Careliam regno Sueciæ adjecit, castrumque Viburg, ut eos in obsequio contineret, Ruthenorumque irruptiones prohiberet, circa annum Domini 1193 condidit.

Dividitur Finlandia in meridionalem & septentrionalem, Cajaniam, Savolaxiam, Tavastiam, Nylandiam & Careliam.

Meridionalem à septentrionali Finnonia Anjaroki fluvius, Abo civitatem Episcopalem præterlabens, determinat. Ea secus sinum Finnicum versus ortum protenditur. In occidentali parte veterem habet arcem Gusto; nunc dirutam. In orientali arcem ditionemque Raseborgh.

Septentrionalis Finlandia secus Bothnicum sinum, ad arcton protenditur, utramque Satagundiam, Viemo & Masco complectens: famosumque flumen, salmonum variorumque aliorum piscium captura nobilem habet, Cumo-elff dictum, circa civitatem Biorneborgh in mare illabentem. Inter præfectum Biorneburgam & Abo oppida sunt Raumo, Nystadh & Nadhendal, ubi olim monasterium erat celebre, Vallis gratiæ nominatum.

Cajania, quæ & Bothnia Orientalis, fluvios habet multos, inter quos tamen præcipui sunt Kimielff, regionem à Bothnia separans, Ijoelff & Vlaelff. Nuper condita habet oppida Vla & Vasa: nec non castra, Cajaneburgum & Vla-burgum.

Savolaxia plurimis lacubus fluviiſque ſcater, qui pœne omnes per Voxen flumen in Ladogam lacum exonerantur. Hi cum Ladoga lacu, inter Scan- zianos lacus, ſoli vitulos marinos, vel phocas alunt. Suntque præterea vario- rum piſcium abundantia divites, lucio- rum præſertim, quorum induratorum copia maxima Viburgum transporta- tur. Arcem habet munitiſſimam, *Ny- ſtort* vel caſtrum novum appellatum; anno 1475 à quodam regni aulae magi- ſtro Erico Axelson conditam, atque Di- vi Olai arcem ab eo cognominatam.

Tavaſtia mediterranea regio, ab oc- cidente Finnoniam habet ſeptentriona- lem, à ſeptentrione Cajaniam, ab ortu Savolaxiam & Careliam, à meridie ve- ro Nylandiam, ditionemque Raſeborg. In ea eſt inſignis ille lacus Pejende. Ar- cem Tavaſthiæ vel Tavaſthus condidit Birgerus Ieri, anno Domini 1250, ut Tavaſtios, quos regno Sueciæ adjecit, Chriſtianamque religionem ſuſcipere coëgit, in obſequio retineret. In huius provinciæ ſeptentrionali parte, Rautala- mbi vel ferri paludes ſunt, ubi incolæ ferri inconditam quandam maſſam ex imis lacuum fundis expiſcantur, unde minimo labore impenſiſque ferrum va- riis uſibus aptum conflant.

Nylan-

Nylandia ſic dicta, non quod olim nullos habuiſſet cultores, ſemperque inculta jacuiſſet, ac nuper inhabitata ſit: ſed quod ejus coloni, qui eam modo inhabitant, reſpectu reliquorum, nuper ad ea loca pervenerunt. Heliſingii namque aliique Sueci, ut ſuperius commemoravi, illuc ſuas deduxerunt colonias. Pagorum enim reliquorumque locorum nomina pleraque teſtantur, Finnones Carelioſque ibi prius habitariſſe. Glebam ſatis habet uberem, nec non & piſcationes, aucupia, venationeſque opimas. Oppida habet Borgo & Heliſingfors.

Carelia Scanziae latus orientale claudit, duobuſque fluviis, altero nomine Pinſyoki, verſus ſeptentrionem, per Vigozero, in ſinum album; altero vero Pouevetz in Onega lacum illabente, à Ruſſia dividitur: Eaque ratione Scanziam quaſi peninſulam reddit, iſthmo ſaltem trium milliarium Germanicorum reliſto, Maanſelke nominato. Regio vaſtiſſima, olim totum illum tractum, qui inter Kymiene fluvium, vel Pejende lacum ac Onega ejuſque fluvium Sueci, qui circa Sermax in Ladoga lacum exoneratur, ac denique Nievam fluvium, è prædicto lacu in ſinum Finnicum illabentem, interceptum,

ptum, una appellatione complectebatur. Regionis denominatio innuere videtur, ejus incolis olim à pecoribus vel armentis victum suppeditatum: Caria enim Finnonice pecudes vel armenta significat, unde Carialain gentile, in terra pecoribus abundante natus, vel pecoribus victitans. Cum Finnones proprios habebant reges, Carelia tota ad Finlandiam pertinebat. Postquam autem Sueci Finnones assiduis bellis defatigare, Finlandiæque provincias (uti commemorabamus) pedetentim sibi tributarias facere conabantur, Rutheni, ne sibi Suecorum vicinitas formidabilis foret, crescenti potentiae occurrere statuerunt, Careliamque occuparunt; De cujus Dominio postea diu varioque Marte inter Suecos Ruthenosque certatum est, Suecis eam aliquando totam occupantibus, Ruthenisque eos rursus reprimentibus, donec Magnus, cognomento Smeck, Sueciæ Rex, & Georgius Novogardiæ Dux, pactis fœderibus, eam inter se diviserunt, constitutis imperiorum terminis in Systerbek & reliquis versus septentrionem locis, quæ in tabula punctis quibusdam distincta vides. Ante aliquot autem annos, cum Ivan VVasilievitz Suski Muscovitarum magnus Dux, à Polonis suisque admo.



admodum premeretur, inque tantas angustias reductus esset, ut nisi fidus quidam Achates ipsi opitulatus fuisset, non solum de ejus omniumque optimatum vita, verum totius imperii patriæque salute actum fuisset, Caroli IX Sueciæ regis auxilium imploravit: Qui misso aliquot millium armatorum exercitu, Duce Iacobo de la Gardie, Comite de Lecco, nunc regni Sueciæ Archimareschallo, hostium vires fregit, ac Muschoviam urbem Imperii Muscovitici sedem, ipsumque magnum Ducem, optimatesque ab obsidione liberavit: Præfatus autem Suski, simulans se tanti accepti beneficii memorem ob latas suppetias, datis diplomatibus, Carelogorodiz sive Kexholmiz ditionem totam, una cum civitate & arce, Carolo IX, ejusque successoribus ac regno Sueciæ in perpetuam possessionem assignavit: Sed more gentis pactis stetit; Missis namque clanculum literis, Castellatum suum Notteburgensem, data diplomata, stipendiaque quæ miles Suecicus meruerat, in via intercipere, atque in dicto Notteburg, castro invictissimo, reservare jubet; Kexholmiamque Suecis tradere recusat. unde orta inter Carolum Ruthenosque contentione, ac Moscua sede Imperii, cum ipso Magno

Duce, in Poloni potestatem cedente, Carolus sibi promissam vi occupat Kexholmiam, utque diplomata reciperet, arces Ruthenicas complures occupat, & Novogardiam magnam ingreditur. Postea fatis concedente Carolo, filius ejus Gustavus Adolphus, patri in Imperio succedens, bellum continuavit, Notteburgumque inedia ad deditiorem coëgit, diplomataque recepit, Ruthenosque tamdiu cladibus defatigavit, donec tandem modernus Muscovitarum Magnus Dux, Michaël Feodorovitz compulsus est, anno salutis humanæ 1617, antecessoris sui prædicti Ivani VVasilievitz Suski, super Carelogorod ejusque ditione, data diplomata confirmare: ac insuper arces Notteburgum, Ivanogorod, Iamagorod & Capuriam, earumque ditiones, Ingriam videlicet, eidem Sueciæ regi Gustavo Adolpho ejusque successoribus, in perpetuam possessionem assignare; pacemque æternam diplomate juramentoque stabilire. Atque hac ratione Carelia Ruthenica sive Kexholmica, in regni Sueciæ perpetuam possessionem venit.

Careliæ Finnonicæ civitas est VViburgum, emporium satis celebre, vallibus fossisque ac arce munitissima conspicuum;

spicuum: quod Rutheni aliquoties plus quam centenis militibus armatorum frustra obsederunt. Kexholmia, quam Sueci corrupte sic vocant, ad imitationem Finnonici nominis Kekisalmi, quod illi à Keki, quod cuculum, & salmi, quod fretum sonat, quasi cuculi fretum appellitant, fundata est in duabus parvis insulis, in ostio fluvii VVoxen. in citiore civitas, in ulteriore arx sita est, quas rapidissimum præterlabens flumen mirum in modum fortificat. Rutheni Carelogorod, id est, Careliæ propugnaculum vocant. Solum regio habet fertile, locis præsertim lacum Ladefco Oзера circumjacentibus: In septentrionali vero plaga, locis quindenis aut vigenis milliaribus ab illo lacu distitis, adeo paludinea est, ut sola montana loca frugibus sint apta; quamobrem ibi incolæ majori ex parte venatione & piscatura vivunt. Est autem prædictus lacus inter omnes, quos Europa habet, maximus, forma pœne ovali, quippe qui in longitudine milliaria germanica continet triginta sex, ac in latitudine viginti: Cujus saltem pars circiter quinta Ruthenis cedit, reliquum Regno Sueciæ. Piscosus valde, prælustis etiam apud Kexholmiam salmorum captura; eum Rutheni lacum à

singulari specie piscis, halece paulo majoris, ipsorum lingua Ladog dicto, qui nullibi in Russia nisi ibi capitur, denominatum putant. In Kexholmia ditione apud Kidila effodiuntur gemmae, quas rubinos Kexholmicos, Rutheni Kidelsco camen vocant.

Careliam situ & naturæ ordine sequitur lugria, quam Rutheni Iseram vocant: quæ, ut superius commemoratum, nuperrime Regno Sueciæ adjecta est. Ea solum habet fertile fluviosque piscosissimos, nec non & omnis generis venationes & aucupia. Inter venationes præcipua est Alcium, quos Sueci Elgh, Germani *Elent* vocant, quæ animalia bis in anno, maxima copia per flumen Nieva transeunt; Primo enim vere è Russia catervatim transeunt in Careliam, & autumno rursus remeant in Russiam; & utroque transitu capiuntur maxima copia. Castra ea regio habet fortissima, quæ nimirum hætenus claves fuerunt Regni Muscovitici, quibus ne similia quidem Moscus in toto suo regno habet. Notteburgum enim, quod Ruthenice Oresca, quod nucem sonat, dicitur, in faucibus rapidissimi Nievæ fluminis, in parva insula situm, ob fluminis amplitudinem, nulla tormento.

mentorum vi attingi & quassari potest; Ideoque ad nostra usque tempora semper invictum mansit, donec (ut prius commemoratum est) à Gustavo Adolpho Sueciæ rege obsessum, non fame, sed inaudita cœlitusque immissa inedia, ad deditionem compulsus est; non enim obsessis deerant edulia, quibus se sustentarent, sed verrucæ quædam in ore & faucibus eorum enatæ, ipsis impedimento erant, ne comedere vel deglutire possent. Ivanogorod Narviæ opposita, arx est fortissima, in istmo rapidissimo flumine cincto, in rupe ædificata, muro turribusque fortissimis munita, quam etsi occidua parte, qua Narvam spectat, tormentis quassaveris, aditum tamen à meridie, occidente & septentrione, prohibet flumen rapidissimus, quod inter Narvam dictamque arcem interfuit; Ab oriente natura è monte vallem excavavit latissimam, valdeque profundam, in cujus fundo subjecti oppidi cives habitant. Exterius solum planum tamque altum est, ut sola cacumina turrium tormentis attingere liceat, inferioribus intactis manentibus; Nec cuniculos agere possunt; fundus enim totus est lapideus. Habet præterea ea Regio & Ca-

puriam & Iamagorod arces; cum arte,  
tum natura munitas.

Regni Sueciæ provinciarum situm  
naturæque ordinem sequentes ultimo  
loco pervenimus ad Esthoniæ, quæ  
Livoniæ pars est, à meridionali parte  
sinus Finnici sita, quæ nostra ætate non  
admodum diu sub Suecico fuit imperio,  
sed 65 saltem annos, cujus occasionem  
ex eorum historico Balt, Russone, ad-  
feram; Postquam enim, ut ille refert,  
Nobiles, qui olim, ut Christianam reli-  
gionem propagarent, in Livoniam ac-  
citerant, neglecta & religione & vera  
nobilitate, seque libidinis, gulæque ac  
superbiæ imperio mancipare, miserof-  
que subditos, non hominum sed ju-  
mentorum loco, habere cæperunt, sce-  
lerum vindex Deus Iohannem Basi-  
lium Muscovitarum Tyrannum, ut eos  
coërceret, excitavit; qui maximam Li-  
voniæ partem subegit, ferroque ac flam-  
ma vastavit. Livones ergo videntes se  
hosti resistere non posse, quandoquidem  
Livonia Romani Imperii membrum  
habita sit, Augustæ Vindelicorum in  
publicis comitiis anno 1551 Caroli V  
Imperatoris, Romanique Imperii sup-  
petias implorarunt. Quamquam autem  
à Germania reliquoque Imperii corpo-  
re longe essent diffiti, Cæsarque, bello  
Turcico

Turcico implicatus, non potuit eis suppetias polliceri; tamen post maturam deliberationem, data anno 1553 aurea bulla, Cæsar ipsis concessit, ut apud Regem Sueciæ aliosve vicinos principes tutelam quærerent. Ideoque Revalienses & Oselienses ad Daniæ Regem confugerunt, eo quod Revalia olim à Daniæ Rege Valdemaro II ædificata esset, suaque privilegia pridem ab eo accepisset. Sed quandoquidem illis nullum contra Moschum, qui jam maximam Livoniæ partem depopulatus erat, arcesque plurimas occuparat, auxilium præbuit, ut ne egredi quidem è civitate possent; coacti sunt Erici XIV Sueciæ Regis opem implorare, eique se anno 1561 sponte subicere. Quorum petitioni, anno superiore vivens pater Rex Gustavus primus annuere volebat. Existimant ergo quidam, præfatum Ericum hac re sibi suisque successoribus multas accersivisse molestias; Sed quandoquidem nostra ætas in mundi feces, turbulentissimaque inciderit secula, vicinique nobis semper pacem invident; ratio dictitat, experientiaque comprobatur, consultissimum esse ei, cui pax denegatur, ut hosti potius occurrat, quam eum domi expectet. Eidem Erico in Imperio successit frater

Iohannes III, qui bellica virtute & felicitate Esthoniâ ejusque arces & territoria, nec non & Ivanogorodiam, Iamagorodiam, Capuriam & Kexholmiam, tunc Ruthenica castra è tyranni manibus extorsit. Esthonorum provinciæ sunt Harria, cujus metropolis est Revalia, aquilonem versus, ad sinum Finnicum sita, Viria, in qua Vesenbergh Tolsburgh, & Borcholm; Alentakia, ubi Narvia emporium & *Nyslot*; Iervia, ubi VVittensteyn & Lais; nec non & Vikia, ubi Hapsal, Lehal & Lode. Ad Esthoniâ pertinent etiam insulæ, Dagho, Orinso, Nuko, VVrango, Odensholm, Nargo, Vlfso, & utraque Rogho, quarum coloni, sicut & Osilia, nec non & maritimi plerique in continente, Suecica utuntur lingua; quod certe arguit eos esse ex reliquiis coloniarum Suecicarum, quæ priscis temporibus, cum ante Germanorum Danorumque irruptiones illæ provinciæ Regibus Sueciæ tributariæ erant, illuc traductæ sunt: Insularumque præfatarum colonos juris fuisse Suecici, vel Suecico jure usos fuisse, etiam illo tempore quo ante annos 280 Dani Aesthoniâ obtinuerunt, testantur Nicolai Abbatis Padensis literæ, quibus fatetur se anno Domini 1345, feria quarta post Dominicam Cantate, rite



& rationabiliter vendisse Rogho juris  
 Suecici insulam. Anno enim 1347, divi  
 Iohannis Baptistæ die, data sunt diplo-  
 mata, quibus Valdemarus III Rex Da-  
 niæ, ejusque frater Otto, fatentur, se  
 Harriam & Viriam, una cum tribus ci-  
 vitatibus & arcibus, Revalia, Narvia &  
 & VVesenberga, omnique suo jure in  
 prædictas arces, earumque territoria,  
 Magistro ordinis Teutonici novendecim  
 millenis marcis argenti puri, ponderis  
 Colonienfis, vendidisse. Submisit etiam,  
 hisce annis, Livonia tota collum Sueci-  
 co imperio. Deberem igitur una cum  
 nova delineatione, novam ejus descri-  
 ptionem addere; sed quandoquidem eam  
 loci angustia excludit, ad specialium ta-  
 bularum editionem differendam statui,  
 unicumque saltem attingam; Pluralita-  
 tem videlicet linguarum innuere, ob  
 istius terræ fecunditatem, plura in ea  
 regione bella gesta esse quam historiæ  
 unquam commemorarunt. Habent  
 enim præter Germanicam linguam,  
 qua nobiles mercatoresque utuntur,  
 quatuor, non sola dialecto differentes,  
 sed omnimode diversas & distinctas  
 linguas. In insulis enim locisque mariti-  
 mis Suecicam; in septentrionali par-  
 te versus sinum Finnicum Esthoni-  
 cam vel Finnonicam, in mediterraneis

Livonum

Livonum linguam, quæ jam maxima parte exolevit, ac in quibusdam saltem pagis remanet: In meridionali parte Letticam, qua & Curetes utuntur, quæ ex sentina linguarum conflata videtur; reperiuntur enim in illa vocabula ex omnibus fere linguis.

---

## II.

DE INGENIO, MORIBVS  
& consuetudinibus Suecorum.

**S**VECI ingenia satis idonea sunt, non modo ad mechanicas artes quasilibet addiscendas, sed ad omnis generis scientias, literaturam, & variorum idiomatum usum: Nam qui paulo sunt honestioris & lautioris conditionis, non modo Latinæ linguæ, sed & Germanicæ Gallicæque studiosi sunt, easque summa industria usurpant.

Mores illorum olim simplices, nunc quoque commercia & vicinorum consuetudo nonnihil mutarunt: sed quo longius à fontibus vitiorum, quæ hodie agmen in orbe ducunt, libido & superbia, eo adhuc minus contagione illius inquinantur.

Vestitus

Vestitus plebeiorum vilis ; nobiliorum ad peregrinum modum , prout cuique aut inter peregrinandum allubuerit , aut æqualium suorum æmulatione.

Aedificia privatorum in agro & plebisque oppidis fere lignea sunt , & humilia , ad frigus excludendum , & ventorum vehementiam vitandam ; Stocholmiæ tamen & in aliis aliquot oppidis intra mœnia ædes pleræque è lateribus aut saxis substructæ.

Tritici & frugum ipsis abunde est ; majorque esset copia si inutiles sylvæ excinderentur ; unde & panis raro illis deficit , nisi forte annis quibusdā quum aut sata interierunt inusitata tempestate , aut bellorum rabie agricultura elanguit. Quum autem annona carior fuerit , egentiores panes è corticibus abietum pinuumque conficere solent , quos & stomacho prodesse , neque maligne nutrire opinantur.

Carnibus & piscibus affluunt ; neutros tamen plebei ( præterquam raro ) usurpant recentes , sed fere aut muria conditos , aut ad solem fumove induratos. Ferinæ denique & volatilium omnis generis , maxime earum quæ in deliciis habentur , maxima hic est copia.

Conjugia ipsis pudica, & sancta. Nam virgines sine consensu parentum aut tutorum ambire nequaquam licet. Neque tutori pupillam suam cuiquam desponsare impune licet aut sponsalia celebrare nisi quatuor testibus presentibus, duobus ex parte sponsi & sponsæ totidem; multa XL marcarum constituta qui secus fecerit. Vbi autem hoc modo desponsata fuerit, impedimentum nuptiis tutori porro objicere non licet, nisi legitimum & legibus definitum: si contra faciat, sponso legitimo sponsam petere licet, & vel effractione portarum, si aliter non possit, illam abducere: adeo ut, si mors aut vulnera subsequantur, nulla poena solvatur pro eo quod resistentibus infertur: sed si illi interficiantur vel vulnerentur qui eam recipere volunt, eorum poena duplicetur, ac censeatur tunc jure recepta & non rapta. Verba sunt legislatoris. Qui recedit à propria uxore & cum alia contrahit & cohabitat, alia vivente quam legitime duxerat, & hoc probatur per testes manifeste, perdant vitam; vir quidem decapitetur, & mulier lapidetur.

Quum moritur vir vel mulier superstitibus liberis, filius vel filia succedat; filius quidem in duabus bonorum partibus, & filia in tertia: & recipiat nepos

nepos sicut filius, & neptis sicut filia, si-  
ve liberi vivant defuncti, siue non; at  
quintus gradus excluditur à successio-  
ne. Quum moritur ille qui non habet  
hæredem in regno, si hæres venerit in-  
fra annum & noctem, cum sufficienti-  
bus probationibus quod sit defuncti hæ-  
res, succedat tunc in bonis; quod si non  
venerit infra annum & noctem, cedant  
bona Regi, siue sint mobilia siue immo-  
bilia: & hoc appellatur communiter  
*Dana-ars*. Si ulli immobilia bona sunt  
donata, recipiat ille qui talia dedit. Si ve-  
ro est indigena mortuus, & scitur qui  
sunt illius hæredes, manet tunc hæreditas  
illa donec adveniat qui est hæres: Quod  
si ignoratur qui sunt, & non mittitur  
nuntius ab iis vel alia certitudo ubi sunt,  
vel ipse hæres infra annum & diem vene-  
rit; succedit tunc fiscus in una medietate,  
alia medietas pro anima ejus expèditur.

III.

DE REGIMINE POLITICO  
& Civili Regni Succia.

**R**EGIMEN politicum & ci-  
vile optime cognosci potest  
ex publicis regni legibus. ita-  
que consultissimum existima-  
vimus hic exprimere librum unum  
atque

atque alterum è Codice Legum Suecorum Gothorumque, per Doctorem Ragualdum Ingemundi, Ecclesiæ Vb-salensis Archidiaconum, anno millesimo quadringentesimo octuagesimo primo primùm latinitate donato, & à Io-anne Messenio à multiplici librorum errore fideliter vindicato, & edito Stockholmiæ anno clo lcc xiv.

## LIBER SECVNDVS

De

### IVRE SVECORVM GO- thorumque Regali.

CAP. I. *Primordia & divisionem Sue-  
cia Gothiaque comprehendens.*

**H**Oc amplissimum septentrionis im-  
perium à remotissima & antiquissi-  
ma seculorum memoria, in potentissi-  
ma Suecorum & Gothorum regna coa-  
luit: Suecia vero, illa ditio universa,  
quæ citra boreale, & Gothia, quæ citra  
meridionale nemus est constituta, olim  
appellabantur. Atqui Gothorum hic du-  
plex est natio, Ostrogothica nimirum &  
Vestrogothica; Neque uspiam Regno-  
rum aut populorum fixum atque stabi-  
le reperitur Gothorum nomen ac habi-  
tatio, præterquam in Suecia; Quando-  
quidem

quidem testimonio vetustissimorum scriptorum, nomen & populus Gothorum ex Suecia in primis in exteras gloriose permanavit regiones.

Hoc autem Regnum in se continet VII Episcopatus, & IX territoria seu districtus vel legiferatus cum suis confinibus. Primus Episcopatus est Upsalensis, qui in se continet unum territorium seu legiferatum, videlicet Vplandensem. Secundus est Lincopensis, & in se continet duo territoria seu legiferatus, Ostrogothiam & Oelandiam. Tertius est Scarensis, qui in se continet duo territoria seu duos legiferatus, VVestrogothiam & VVermlandiam. Quartus est Stregnensis, continens in se duos districtus, Sudermaniam nempe & Nericiam. Quintus est Episcopatus Arosiensis, habens in se unum legiferatum tantum, scilicet Vefmanniam & Valles. Sextus est VVexionensis, qui in se continet x territoriorum legiferatum. Vltimus Episcopatus est Abogensis, continens in se duos districtus vel legiferatus, videlicet meridionalem & septentrionalem.

CAP. II. *In regno Suecia non fit  
nisi unus Rex, & unica Re-  
galis Corona.*

**I**N universo regno Sueciæ non sit nec  
debet esse nisi unus Rex, & una Re-  
galis Corona. Regis autem interest ter-  
ras regere ac castra, peculium seu præ-  
dia Coronæ, id est Upsala Oedom, ac  
universos redditus & introitus, multas-  
que quæ sibi tantummodo debentur  
pro homicidio à multis commisso, ubi  
principalis interfector ignoratur, sus-  
cipere, & in bonis, hæredibus non ex-  
tantibus, succedere, prout cavetur de  
jure.

Nullus vero Regum ex his proxime  
enumeratis casibus diminuerè potest  
jus Regale pro Successore, quia si fece-  
rit, Successor jure recuperat, si potest:  
Deinde omnes qui inhabitant regnum,  
tenentur Regi obedire, suis parere man-  
datis, & ei obsequio esse: Specialiter ad  
confinia regni, pro ipsius defensione &  
non alterius, procedere, nisi id facere  
velint ex spontanea voluntate.

CAP. III. *Rex assumitur per ele-  
ctionem, non jure successionis.*

**A**D Thronum regni hodiernum in  
Suecia est Rex eligendus, & non  
per



per successionem ex parentela assumendus; quando autem regnum Rege caruerit, hoc modo ut sequitur eligetur: Quilibet Legislatorum superius enumeratorum, cum inhabitantium legiferatum vel territorium consensu, eliget XII viros gnaros & prudentes, ac cum illis ad placitum, Morating vulgo appellatum, die ad hoc determinato accedet pro eligendo Rege: Primam vero obtinet vocem Legifer Vplandiæ, & qui eum sequuntur, eligendi & approbandi; Post eum quilibet Legifer ordine suo, videlicet Sudermanniæ, Ostrogothiæ, Oelandiæ, Thiheredz, Nericæ, VVestmanniæ, VVestrogothiæ & Finlandiæ: Isti eligunt Regem & electum confirmant per eorum sententiam, ad tenendum terras & gubernandum regnum, leges firmandas, pacem procurandam: qui sic jus habebit ad fiscum seu peculium Coronæ, dictum vulgariter Vpsala Oedom. Quicumque autem de innatis, maxime de filiis Regum, si tales sunt, per omnes voces horum Legiferorum, aliorumque, electus fuerit in regem, illum ipsam Legiferi similiter approbabit.

CAP. IV. *Qualiter Rex tenetur iuramentum suum præstare.*

**D**Einde in eodem loco & die, quo electio est facta, Rex tenetur talia iuramenta assécurationum populo suo præstare.

I. Iurabit quod Deum amare, & Ecclesiam ejusque jurisdictionem fovere velit, sine læsione juris Regalis, ac bonorum Coronæ, & totius populi sui detrimento.

II. Iurabit quod omnem justitiam & veritatem fovebit, diliget & conservabit, ac omnes injustos & injusta, flagitiaque opprimer, tam consilio, quam Regia sua potestate.

III. Iurabit quod erit fidelis omni populo, ita ut neminem pauperem aut divitem opprimat, vel vita aut membris spoliet, nisi sit legitime convictus secundum constitutiones, neque alicujus bona usurpet, nisi secundum leges, ut dictum est.

IV. Iurabit quod reget & gubernabit regnum Sueciæ per indigenas, & non alienigenas, ut antiqua jura volunt, & in regno observatum fuerat pro lege ab antiquo: Neque potest alienigena ad Regis consilium sumi, neque castris  
vel

vel terris præesse, neque bonis regni & coronæ adeo antiquis, ut nemo sciat, aut in memoria ex certitudine habeatur, illa qualiter Corona olim acquisivit.

V. Iurabit quod conservabit castra, terras & earum fines suis redditibus, & sua potestate, ita ut nihil diminuatur successor; Quia ille tenetur sic diminuta & ablata cum potestate recuperare; alias fieret regnum Comitatus, vel dominium minus.

VI. Iurabit quod sustentabit se & aulam suam ex bonis coronæ, ejus fisco, prædiis & proventibus regalibus, & non onerabit suos subditos per novas exactiones, nisi propter causas sequentes: Si exercitus exterorum regnum invaserit, sive sit ille Christianorum, sive infidelium; Vel si indigena opponit se Regi, & rex non potest se aliter defendere; Vel si debet coronari; Aut circumire regnum pro feliciore introitu; Vel tradit filium, vel filiam nuptui; Vel indiget ad restauranda castra, vel bona filii: Atque in iis casibus debet quilibet Episcopus cum vi nobilibus in quolibet districtu sive Legiferatu, & vi de populo, ponderare quantum populus potest suo regi pro tempore & facultate subvenire.

VII. Iurabit quod possessiones & prædia Ecclesiarum, Clericorum, Militum & militarium, eorumque familiam velit omnia antiquæ libertati & privilegiis immunitatibusque sine præjudicio coronæ relinquere, & omnes Leges antiquas quas populus spontanea voluntate acceptaverat & approbatæ fuerant à prioribus Regibus, regia auctoritate defendere, fovere & servare, ita ut iniquæ leges non prævaleant contra justas: Et potissimum promittet, quod nulla lex inducetur in regnum, populo pro lege servanda, neque aliquæ leges condentur de novo, nisi populi voluntate & assensu obtentæ: Deinde tenetur rex populum suum in pace tenere, possidereque, & pacem ac libertatem ei servare; Singulariter pacificos qui secundum Legem pacemque volunt vivere, defendet à contentiosis & injustis tam domesticis quam exteris; Et maxime servare & fovere obligatur immunitatem & pacem Ecclesiæ, placitis, mulieribus, & cuique in domo propria indulgam, ut hoc pacto omnis tranquillitatis & pacis usus augeatur, & earum supprimatur turbatio, juxta bonitatem & industriam Regis. Postmodum tenetur Rex præstare juramentum suum sub hac forma, imposita manu reli-

quiss

quibus Sanctorum & Evangeliorum libro:

Sic mihi Deus sit propitius in corpore & anima, ac Virgo Maria, & S. Ericus, omnesque Sancti, ac reliquæ Sanctorum quas manibus tango, quod omnes & singulos enumeratos articulos tenebo, servabo & fovebo, secundum notitiam & conscientiam meam. Oportet autem regem elevata manu promittere Deo & populo suo, sub sancta fide se juramentum servaturum, nimirum omnibus, tam juvenibus quam senibus, natis quam non natis, tam dilecto quam non dilecto, tam absentibus quam presentibus qui juramentum Regis audiverunt, in nullo id comminundo, sed potius augendo omni bono, & firmando pro sua dilectione Regali. Charitas Dei sit cum Rege nostro, & omni ejus populo.

Quando Rex est sic à Legiferis & eorum adjunctis electus, & pro Rege approbatus, & sua præstitit juramenta, tunc est verus Rex totius regni Sueciæ; Postea potest feuda concedere, & regnum in omnibus iis, quæ superius sunt dicta, regere; ac exinde secundum Deum in regno suo supremum judicium habere, nempe sententiam

super omnes iudices; & querelas populi audire, causasque secundum Leges, vel secundum inquisitam aut comperitam veritatem iudicare, etiamsi id sibi minus videatur placere.

C A P. V. *Qualiter Legiferi, & qui de eorum territoriis sunt, Regi novo iuramenta præstabunt.*

**O** Portet præterea Legiferum Vplandensem, cum reliquis Legiferis & eorum adjunctis, in coronatione præsentem esse, quando Rex vult, ad infra scripta iuramenta ab ipsis sibi præstanda. qui tempore inaugurationis regis præsentem fuerunt. Primus autem articulus quem iurabunt est, quod omnis populus Regni Sueciæ, cum pro rege reputabit, suamque electionem ratam censebit, & ipsius auctoritati potestatique obtemperabit. Secundo iurabunt quod sub eius stabunt obedientia, & suum mandatum exequentur in iis quæ licita censeantur coram Deo & hominibus, ipsi quidem ut præcipiat, illis ut obtemperent, salvo Regis jure omni, & subditorum. Tertio quod erunt illi fideles, & fidem præstent, maxime in expeditionibus pro defensione ad confinia regni, cum eo regnum defendendo. Quarto quod  
omnes

omnes tributarii qui fuerunt, & nunc sunt obligati ad tributum, debeant & teneantur omnia tributa & census debitos Regi reddere spontanea voluntate absque contumacia, & illa vehere, ac transferre juxta Regis voluntatem. Denique jurabuunt Legiferi, & omnis populus cum eis, super librum & reliquias Sanctorum erectis manibus, optando sic Deum sibi esse propitium quoad corpus & animam, ac Virginem Mariam, & S. Ericum, omnesque Sanctos, & reliquias Sanctorum omnes, quas manibus tenent, quod omnes enumeratos articulos Regi suo servabunt & fovebunt, juxta scientiam & conscientiam suam, & erectis manibus se Deo & Regi suo fideles & synceros promittent futuros.

Per hæc autem juramenta & fidei promissiones, per Legiferos & populum eis adjunctum facta & factas, tam juvenes quam senes, tam non nati quam nati, tam chari quam non chari, tam præsentés, quam absentes quando juramenta præstabantur, & fidei sinceritas promittebatur, obligantur.

C A P. VI. *Qualiter Rex circuibit regnum, iucundum adventum ostendendo, & quomodo homines cuiuslibet territorii ad quod declinaverit, eum asscurabunt & deducunt.*

**T**Ransitus Regis in suo iucundo introitu & adventu per regnum taliter fiat: Homines illius territorii per quod transiturus est, tenentur eum sequi & securum reddere per illos, qui ei associabuntur, jurabuntque iuramenta prius expressa; Et debet Rex in quolibet Legiferatu sive territorio promittere atque polliceri, quod servabit illis omnia iuramenta quæ præstitit Vpsaliæ, cum primum eligeretur in regem, & tenetur populus ipsi etiam id promittere servandum quod Vpsaliæ Regi iuravit. Deductio autem Regis per regnum debet fieri hoc ordine: Inhabitantes districtum Vpsalensem, sequentur eum ad diocessin Stregnensem, ubi inhabitatores Sudermanniæ obviam venient, eum asscurando & sequendo ad Suintuniam; illic Ostrogothi illi obviam venient, & per eorum territorium sequentur usque ad medium sylvæ, quæ vulgo Holevegen appellatur; ubi homines de Smolandia Regi occurrent & sequentur eum



eum ut prius alteri fecerunt, per eorum territorium ad locum *Iunaback* dictum; Hic *VVestrogothi* obviabunt illi velut alii cum assécuratione, & suis obsidibus, apparatuque; & sequentur eum ad locum qui dicitur *Romundabodha*; ubi homines de territorio *Nericix* Regi obviam venient, & eum sequentur ad pontem *Oppügabro* dictum; ibi homines de territorio *VVesmannix* Regi obviam fient, sequendo ipsum & saluum ducendo ad pontem *Ostenbro*; juxta quem homines de territorio *Vbsalensi* occurrent, saluum eum ducendo *Vbsaliam*, Et tunc est ille Rex juste ac legaliter ad coronam & regnum receptus; tali transitu per singula territoria facto, riteque electus secundum Constitutiones regni, & satisfactum est ipsi à suis, & suis ab ipso per juramenta hinc inde delata.

CAP. VII. *Vbsalia debet Rex coronari & benedici.*

POSTea vero quando placet Regi coronari & benedici, hoc *Vpsalix* fiet ab Archiepiscopo, vel alibi si aliqua necessitas cogat; Convenientius tamen est ut *Vbsalix* fiat propter utriusque dignitatem.

CAP. VIII. *Qualiter Rex eliget  
Consiliarios, & quomodo ju-  
rabunt.*

**P**ostquam Rex est electus, potest sibi eligere Consiliarios, in primis quidem Archiepiscopum, deinde ex suffraganeis quotquot illi videntur utiles esse: xii autem debent esse in consilio ex militibus & militaribus, & non plures; qui xii tenentur præstare hæc sua juramenta super librum & reliquias sanctorum in suis manibus contentas.

I. Quod illud Regi persuadebunt, quod cognoverint in veritate sibi & regno utile esse, neque hoc omittere propter favores, aut consanguinitatem vel affinitatem, aut etiam amicitiam quamcunque.

II. Iurabunt quod illum fovebunt in justitia secundum Constitutiones regni, cum omni eorum potentia, ut servare possit juramenta per eum populo regni præstita, & populus illi; idemque promittent se ipsos fideliter servaturos.

III. Quod secreto servabunt quæ Rex vult secreta servari, & nullibi manifestare, unde Regi possit aut regno damnum vel periculum provenire.

Si quis loquutus fuerit quidpiam de  
Rege,

Rege, vel Consiliariorum uno vel pluribus, quod in honoris vel famæ regię aut Consiliariorum cedat dedecus, neque id legitime probare poterit, testantibus vi integræ fidei viris ipsum talia loquutum, capite plectatur: Verum si aliam protulerit adversum ipsos contumeliam, quæ honorem & famam ipsorum non concernit, mulctabitur XL marcis, aut carceri mancipabitur per mensem, illic solo pane & aqua sustentandus.

CAP. IX. *Cum Rex matrimonium contracturus, qualiter donationes liceat ipsi nuptiales facere, & quomodo Regina easdem perdat.*

CUM Rex fuerit matrimonium contracturus, & Reginae donationes daturus, tales donationes fieri debent de consensu Consiliariorum Regni, tam Episcoporum, quam Militum, & Militarium indigenarum & non alienigenarum, quanta talis debet esse donatio. Castra vel fortalitia non donabit, sed possessiones alias, sive curias vel prædia, juxta consensum Consiliariorum. Donationes autem tales durabunt ad vitam Reginae, & post ejus obitum ad Coronam redibunt. Quod si Regina transit ad secundas nuptias

vel exit è regno, & non intendit reside-  
re in regno, tenetur Rex qui regnum  
obtinet illi pro donationibus satisfacere,  
juxta arbitrium Consiliariorum regni.  
Nec cuiquam sit permissum ipsi dona-  
tiones auferre, quamdiu innupta per-  
manserit, & in regno resederit, nisi ma-  
nifeste compertum fuerit quod se regno  
opponit in iis quæ regno damnosa sunt:  
& ex tunc privata est donationibus,  
aliàs non.

C A P. X. *Qualiter nobiles tenentur  
Regi servire equis & armis, & in quibus  
locis armorum lustratio seu scruti-  
nium fieri debet, atq; si tri-  
butarius vult fieri liber.*

**M**ODO quo sequitur tenentur nobi-  
les & liberi suo servire Regi. Inpri-  
mis quicumque vult habere suas posses-  
siones & prædia libera à solutione tri-  
buti, sive Miles sit sive militaris, exce-  
pto nullo, tenetur habere equum valo-  
ris XL marcarum, & potius meliorem  
quam deteriore, ephippium pro ar-  
morum usu aptum, cuspidem & arma  
pro reliquis corporis partibus apta,  
nullo deficiente quo se quis defendere  
potest.

Quolibet VIII. die post festum Petri  
& Pauli Apostolorum, fiet scrutinium  
armo-

armorum & armatorum Vpsalia de tota diœcesi Vpsalensi, Arosia autem ex diœcesi Arosiensi, Stregnesia ex Sudermannia, Oerebrogia ex Nericia, Lincopia ex Ostrogothia, & de Tiust, Kind, Vidbo, Ydre, Tueta, VVist, Grenna & Visingsoe, Calmarnia ex præfectura Calmarnensi, & Oelandia, in Rydaholm & Tiherad, in Falchenberg, ex utraque Hallandia, australi & boreali, Scarræ ex Vestrogothia ac Dalia, in Tingualla ex Vermelandia, & Abogia ex Finlandia.

Si desiderat tributarius fieri liber, tum compareat die præscripto, equo & armis instructus, ut qui scrutinium facturi sunt ex parte Regis, scrutinium faciant tam de persona & ejus fama, quam equo & armis, ac prædiis pro sustentatione status: Omnes autem tributo liberi, se præsentare tenentur quando fit scrutinium armorum, sive sit Miles, sive Militaris, & personaliter arma induere, & equo proprio insidere, ac de equo & armis sit provisor, ut superius est expressum.

Atqui lustrationem hanc armorum nomine Regis, die & loco præfatis peragent viri certi, à Rege cum Senatorum consensu ad hoc deputati, quorum si aliquis moriatur, mox alius in locum

locum subrogandus. Hi vero diribitores in lustrando efficient, ut singula observentur memorata & præstentur, istud munus ea fidelitate obeuntes, prout gratiam Regiam promereri, & honori proprio studere velint propagando: Ideoque nulli superioris aut inferioris conditionis homini permittent, ut deteriori compareat apparatus in diribitorio, sed potius meliori.

C A P. XI. *Si homo liber senuerit,  
qualiter filius pro eo militabit.*

Cum nobilis senuerit, & sit inhabilis ad arma portanda, tenetur venire ad locum scrutinii ad scrutatorem Regium cum equo & armis, & allegare sua impedimenta, afferreque vicissim unum astantem, qui pro se serviturus est: Debent tunc scrutatores ejus impedimenta cognoscere, & considerare si ille qui alterius loco serviturus est, sit utilis pro servitio Regni vel non; Ac si ipse postea ab eo recesserit, alium recipiet loco ejus, conditionibus prioribus habitis. Si autem contingat quod quis homo liber, ex senio vel infirmitate ad scrutinium venire non possit, & habeat unum filium vel plures alios servientes, nec versentur continuo in domo paterna, relevatur tunc ipse per  
eos

eos si non est facta bonorum divisio inter eos, & non aliter, teneturque tunc unus eorum venire ad scrutinium semel annis singulis ex parte patris, ut est superius expressum.

CAP. XII. *Si homo liber à tributo velit renunciare libertati.*

SI homo liberæ conditionis velit mutare statum, redeundo ad conditionem tributariorum, quod facere non potest nisi quando fit scrutinium armorum, & illi qui scrutinio nomine Regis præsent, causas cognoscent quare vult deferere libertatem, qui absque facultate diribitorum non discessurus est ex diribitorio.

CAP. XIII. *Si plures liberi vivunt mensa communi simul, ut sunt pater & filius, aut eorum gener, quomodo Regi famulabuntur.*

SI plures homines liberi à tributo simul vivunt, communem habentes mensam, & bona indivisa, ut pater & ejusdem filii cum eorum genero, potest tunc unus ex illis ad hoc magis aptus, pro aliis servire equo & armis, quamdiu simul sunt mensam habendo communem. Quamprimum autem ab invicem separantur, non possunt denuo ad

cohabitationem venire, sed quilibet pro se serviat qui ab indiviso recessit.

**CAP. XIV.** *Si quis latitat dum sit armorum scrutinium, vel non sit ullo legitimo impedimento detentus.*

**S**I quis ex liberis præsumit latitare, quando liberi ad serviendum evocantur pro defensione regni, vel cum debeat de equis & armis scrutinium fieri, sine veris impedimentis, ut sunt: Quia forte est extra regnum, vel in lecto infirmus decumbit, & hoc veridicorum æstimatione probandum: Sed qui aliter latitat, nec potest purgationem suam ostendere, prout dictum est, meretur libertate privari qua prius fuerat usus, illam nunquam recuperaturus nisi ex speciali gratia regis, & puniatur insuper multa XL marcarum.

**CAP. XV.** *Si quis fugerit, & deseruerit vexilla in bello regia.*

**S**I, quod absit, contingat ut aliquis exercitum deferat, faciendo fugam à vexillo Regis eo tempore quo est hostibus congrediendum, aut ab officiali Regis qui primicerius appellatur, aut fugit in expeditionibus quas Rex aut ejus officialis emittit, ille in his culpabilis



bilis repertus, vitam cum bonis amittet, nisi de gratia Regis vitam redimere possit. Si autem fugit ita ut capi nō possit, ipse profugus manebit, nunquam statum recuperaturus pristinum honoris, nisi hoc de gratia fiat. Si vero Capitaneus Regis imputat alicui tale crimen, & ille negat se taliter egisse, referatur ad XII viros qui in expeditione fuerunt, & nominentur VI utrinque.

C A P. XVI. *Si quis captivetur in expeditionibus bellicis cum jactura equi & bonorum.*

**S**I quis captus fuerit in obsequio Regis constitutus, tenetur Rex eum redimere, equum & arma restituere, & absolutum ab impedimento reddere. Et si alicujus liberi militis equus destruitur, interea dum ingreditur exercitum & revertitur domum, tenetur tunc Rex ei alium restituere: Debet nihilominus equus assignari Marschalco Regis si vivit, vel doceat sufficienter quod ipsum equum habuerit; At si equus aliter moritur quàm modo prædicto, emat sibi miles alium in locum mortui, ad militandum pro defensione Regni.

C A P. XVII. *Si famulus in servitio domini proprium deperdat equum.*

**S**I famulus in obsequio domini sui proprium deperdat equum, illum dominus equum in suo servitio bellico, aut alio negotio sibi exhibito deperditum, famulo compensabit, aliàs non: Verum equus cujus solutionem famulus à domino efflagitat, si vivus est, domino tum monstrandus, & famulus XII virorum iuramentum deponet, quod sua non sit equus culpa deperditus.

C A P. XVIII. *Si equus militis liberi moritur antequam lustratio fiat armorum.*

**S**I equus hominis liberi moritur antequam scrutinium armorum peragitur, & de illo constat per idoneos, qui præsentes fuerunt quando moriebatur equus: Tum scrutatores illi dabunt terminum VIII septimanarum, ad providendum sibi de equo valoris prius expressi, & termino præfixo ad scrutatores revertatur, & sit culpæ expers si sic fecerit; Tamen tenetur arma ostendere quando scrutinium fit, si libertatem vult conservare & ea frui.

C A P.

CAP. XIX. *Si miles aut militaris  
liberos reliquerit.*

**C**VM habuerit miles vel militaris filium unicum, vel plures post se relictos, ille vel illi tenebunt bona sua donec fuerint xv annorum. postea debent ipsi, vel alter eorum nomine, in servitio Regni militare pro suis bonis, vel faciant & solvant tributum sicut tributarii, si non ad prædicta munera regni fuerint sufficientes. Si autem miles aut militaris filiam post se habet relictam, ipsa gaudebit eadem libertate.

CAP. XX. *Si moritur homo liber,  
qualiter relictæ uxor gaudet libertate,  
quousque transferit ad  
secunda vota.*

**I**LLIS viduis quarum mariti meruerunt libertate gaudere, relinquentur libertates, & eorum filiis qui nondum sunt legitimæ ætatis, sine præjudicio libertatis populi: Itaque quamdiu vidua permanserit, tamdiu libertate gaudebit, in eum diem quo ad secunda vota transferit. Si tamen contrahit cum libero, tum liberat bona ejus, sed si contrahit cum tributario, reddet tributum sicut tributaria: Si miles vel militaris reliquerit post se filiam, illa gaudebit

libertate patris. Si autem vidua vel filia relicta, in fornicatione invenitur, perdet libertatem illam de qua nunc mentio facta est.

C A P. XXI. *Qualiter Archiepiscopus, Episcopi, milites, militares & præfecti Regem accedent, & qui aliter fecerint, quæ sit illorum pœna.*

**A**rchiepiscopus Regem accessurus, XL solum stipabitur equitibus, Suffraganeus xxx, officialis Regius totidem, & non pluribus, Miles vel militaris de Consiliariis Regiis xii; miles vero qui non est in numero Senatorum Regni viii, & non pluribus: Militares militibus similes vi, & non pluribus; Minor his & tamen liber, iiii, & non pluribus, nisi sit in expeditionibus. Hoc itaque modo præfati tenentur Regem accedere, ac ab eo recedere, ubicunq; volunt in Regno; Qui contra fecerit, solvat XL marcas, pœna Regi tantummodo debita.

C A P. XXII. *De hospitibus ac viis publicis, ac qualiter hospites recipiendi hospitio, & qualiter necessaria alimenta itinerantibus vendenda.*

**I**N publicis viis oportet hospitia esse, nec amplius duobus milliaribus vel semi

semilibus unum ab altero distabit hospitium; Sed præfecti regii debent esse in villis ubi non possunt hospitia publica constitui ad vendendum alimenta & pabulum: Legifer vero & xii territorii Assessores, in quovis territorio tabernatores, & præfectos hujusmodi constituent; Sin secus faciunt, & viator conquestus de hoc fuerit, mulctabitur Legifer v i marcis pro quolibet diversorio non constituto. Tabernator debet domum accommodare illis, qui cum benevolentia petunt, & stabulum, absque tamen ejectione gregis ipsius hospitis: Duo tabernarii debent esse in qualibet civitate, qui viatoribus vendent victualia, & pabulum pro equis, & omnia necessaria; In quacunque civitate hoc non servatur, solvet pro pœna quilibet Consul cl marcas, & quilibet Senator xx marcas, quæ pœna tantum Regi cedit. Bovem autem æstimationis sufficientis, tenetur rusticus aut mercator vendere pro xii oris, ovem antiquam pro ii solidis, libram lardi vel butyri pro ii denariis, brachium fœni pro iiv denariis, panem aut cerevisiam prout venditur die fori in proxima civitate. Pabulum pro equo, hordei nempe modius, emendus est ab hospite pro ii aut iv denariis

magis, quam venditur in proxima civitate, & quartale uno denario pluris ematur.

CAP. XXIII. *Si rustici recusaverint hospitem suscipere, vel plures diverterint ad tabernatorem quam fovere possit.*

**S**I tot diverterint hospites ad diversorium, quot taberna diversoria capere non potest, ablegabit superfluum hospitum partem tabernator ad vicinos villicos, tot quidem dirigens ad quemlibet, quot novit illum fovere posse, quibus necessaria alimenta pro pecuniis subministrabuntur.

Si autem rustici vel tabernator non vendiderint, nec hospites receperint, ut est dictum, solvant III marcas partibus tribus, Regi, actori & praesidi contraetæ. Non tenetur quisquam hospitem plusquam per unam noctem recipere in eodem transitu, & ad unam cœnam, pabulumque unius noctis vendere; Neque tenetur ad providendum de viatico & vecturis, nisi hoc ipsi placuerit.

Qui violenter aliquid accipit à presbytero, aut rustico, vel hospitatur ipsis invitis contra has constitutiones, & fuerit probatum sufficienter, oportet tunc Regem punire ipsum, auferendo ei vi-

ei vitam gladio, tam majoris quam minoris conditionis transgressori, propter tantam violentiam. Possunt quoque tales capi à Legiferis & à minoribus iudicibus, non tamen vitam perdere, nisi prius per Regem examinentur, vel per eum qui fungitur Regia auctoritate.

C A P. XXIV. *Si violenter se in hospitio gerentes, vulnus aut mortem referant.*

Q V I D si quis occiditur à defensoribus aut possessoribus cum tales excessus fiunt, occiditur impune, ac si gladio occideretur Regali. Quod si non solum fuerit priusquam hospes de domo recedit, hoc est raptum & non emptum; ac, si injuriam passus injuriantem accusaverit, puniatur ut est dictum: Iam vero si hospitantem, se contra injurias defendere volentem, hospites violenti occidant acie vel cuspidē, aut ad effusionem sanguinis vulnerent, vel aliam violentiam inferant, livorem vel vulnus infligendo, & capiuntur in flagranti crimine, vitam pro vita perdent omnes ea vice qui violentiam illam, verberando & pungendo fecerunt. Si vero non fuerint capti quando violentia committitur, securi Regem accedant,

vel Regis auctoritatem habentem, habeantque postea mensem prætermino, solvant deinde pœnam pro effusione sanguinis aut livore qui hoc fecerunt; Ast quicquid in fundo passi sunt à domestico, vel ejus uxore, vel filiis vel familia, non æstimetur, & in duplo sit eorum pœna quæ domesticis inferuntur in eorum fundo.

Si recedit hospes ab hospitio iratus, quia non potuit ea facere quæ volebat, & alia vice infert vulnera vel livorem eadem de causa, vel quempiam occidit, & fuerit convictus, subjaceat Legibus superius expressis. Alias in omnibus casibus tabernarius, ejus uxor, & filii cum familia gaudebunt immunitate, quando nemo apud eos hospitatur.

CAP. XXV. *Si quis violenter spoliat possessorem dispiciendo justas sententias.*

SI quis spoliat aliquem possessione domorum, sylvarum, aquarum, piscaturarum, vel reddit inutilia, sibi talia appropriando, vel etiam mobilia quæcunque, pecunias & similia, compensabit damnum, & punietur multa xl marcarum per tres partes distribuendarum.

CAP.



CAP. XXVI. *De pœna transferentis actionem in alium.*

**Q**Uicumque concedit actionem suam alteri personæ, perdat jus quod habuit in illa causâ, & illi cui sit concessio non respondeatur, neque de jure, neque de precio: Nemo recipiat in se aliorum causam, nisi secundum quod Leges permittunt: qui secus fecerit, ipse mulctabitur IIII marcis, in tres distribuendis portiones, & legitimo causæ possessori supplebit quælibet damna inde accepta; Sed si quis alterius causam in se susceperit defendendam, ille tenetur ad respondendum in illa causâ, & justitiam præstandam.

CAP. XXVII. *Si vir liber, vel mulier permutat, vel sibi acquirit terram tributariam fraudulenter, qualiter punietur.*

**S**I vir liber, aut mulier libera permutat, vel emit à tributario terram tributariam publice, ut Leges permittunt, & tamen clam inter se contrahant quod quilibet sua possideat, attrahendo sibi dolose redditus Regales, qui hoc facit furtum committit, secundum quod res distracta poterit æstimari: Et qui de simili furto convictus fuerit, punietur

nietur ut fur: Tributarius autem restituat tributum, quo defraudata fuit Corona singulis annis, mulctandus insuper XL marcis, Regi tantum numerandis. Sicut vero terra tributo libera, potest tributaria evadere, si requisita secundum Leges non fiunt inde servitia: Ita etiam terra tributaria, potest per hæreditatem fieri libera, quando vir liber, vel mulier libera est hæres tributarii; Atqui tributarius potest libertatem pacto memorato sibi comparare. Nemini denique tributariorum licet plus terræ tributariæ sibi emere quàm ipsemet colit; qui secus fecerit cum detrimento Regalium reddituum, attestantibus istud duodecim territorii iudicibus, damnum Regi compensare obligatur, præter XL marcas Regi loco mulctæ numerandas.

C A P. XXVIII. *De illo qui violat pacem per Regem alicui indultam.*

Q Vi invadit illum quem Rex sub suam recepit tutelam per suas parentes litteras, & fuerit captus, idque contra eum sufficienter probatum, sic convictus amittet vitā cum mobilibus bonis: Hæredes autem capiant bona immobilia, sed de mobilib<sup>9</sup> bonis actor tollat tertiam partē, & Rex reliquas duas.

CAP. XXIX. *Qualiter ille punietur, qui violat sententiam Regis, aut sui locum tenentis.*

**Q**ui violat sententiam quam Rex tulit, vel sui locum tenens, licet habeat litteras desuper sententiam continentes, solvat Regi XL marcas, quæ S. M. tantummodò cedent: Hæ XL markæ per XII viros extrahentur ab eo qui deliquit, primo de bonis mobilibus, quæ si non sufficiant, æstimentur domus ejus, si neque domus sufficiant, æstimetur terra, ita tamen quod sui consanguinei possint redimere terram infra annum & diem, pro quo detenta est. Quod si non sufficiat pro utrisque, videlicet actore, Rege atque contracta, deficiat tunc æqualiter pro omnibus, nisi in debitis; Dabitur enim creditori integrum ratione debitorum, & Regi integra portio pro pœna. Tertiam vero partem capiunt XII Assessores judicii, vulgo Nempdarii Regii nuncupati, multarum provenientium à violatoribus sententiæ Regiæ, pro labore & impensis suis.

CAP. XXX. *Si creditores proponunt querelam coram Rege.*

**C**um aliquis conqueritur Regi super debitis, & desuper litteras habet,

bet, ac debitor non est præsens, debet Rex committere uni vel pluribus, habitantibus in illo districtu ubi debitor moram trahit, qui actori iustitiam ministrabunt eo die quem Rex duxerit præfigendum cum suis litteris; Debitor adducat suam quitanciam, probando se solvisse: Quod commissarii significabunt Regi per suas litteras, qui præsentem fuerunt quando taliter erat actum.

C A P. XXXI. *De venantibus  
& venatoribus Regis.*

**Q**ui venantur in locis Regi reservatis, quicumque sit ille, perdit equum cum balista, & punitur xl marcis: & hoc examinent Nempdarii seu Assessorum, si captus non fuerit in recenti crimine; quæ multa applicatur tantum Regi: Campi autem Regis venatici, sunt fundi proprie Regii & coronæ, velut est peculium Vpsalense, & similia.

C A P. XXXII. *De xii deputandis  
in quolibet territorio, qui jurabunt se  
recte examinatueros quis delinquat  
contra illa, quæ habentur in libro  
ubi agitur de jure Regali.*

**Q**uia nonnunquam contingit aliquem delinquere contra ea, quæ habentur

habentur in libro isto ubi jura regalia conscribuntur; Ideo hunc propter casum oportet esse XII viros in quolibet territorio nominatos per Regem & populum illius territorii, qui habebunt auctoritatem in quolibet territorio, examinare & manifestare secundum quod fuerit eis demonstratum, providere etiam ne populus illius districtus, contra constitutiones Regales lædatur, qui tale præstabunt juramentum.

Nos precamur ita Deum nobis propitium esse, ac Sanctorum reliquias quas in manibus tenemus, quod non faciemus ullum culpabilem qui culpa vacat, nullum etiam excusabimus qui culpabilis est, secundum conscientiam & rationem quam Deus nobis dederit, hæc non omittendo propter amicitias, consanguinitates aut affinitates, aut timorem aut odium vel favorem; Et obligamus nos ipsos ad omnes prædictos articulos & sequentes observandum inviolabiliter sub iisdem pœnis, sic Deus sit nobis propitius, & istæ reliquiæ Sanctorum, quas manibus contrectamus.

Quem itaque isti XII vel VI ex eis purgant, sit purgatus pro Rege & contracta, actoreque; Quem vero reum dicant, reus esto, pœna Regia puniendus

duſ, & privandus manu, collo, bonis  
& pecuniis, Regi & contractæ juxta de-  
lictorum qualitatem numerandis; ac  
contra hos nemini licet appellare.

**C A P. XXXIII.** *Qualiter violentia  
deferri debet ad Regem, & in Placi-  
to proponi, qualiterque reus po-  
teſt rejicere II vel III ex  
XII judicii Aſſeſſoribus.*

**O**Mnem violentiam debet quis pro-  
ut facta eſt ſibi, primo die feſto co-  
ram parochianis, & coram vicinis, &  
in primo placito territoriali, vel Placi-  
to quod fit in contracta in qua habitat,  
aut infra vi ſeptimanas coram Rege,  
veleo qui ejus tribunal tenet, ſecundum  
quod res geſta fuit proponere; Si non  
conqueritur ut jam dictum eſt, poſtea  
non eſt audiendus, quia ejus actio ex-  
ſpiravit, & eſt inutilis facta, & accuſa-  
tus veniet ſecure ad reſpondendum co-  
ram illis, & ſecurus recedet, & habeat in-  
ducias XIV dierum: Quod ſi tunc non  
venerit, condemnabitur juxta delictum  
ſuum.

Si formidat accuſatus ne aliquis ex  
XII ducatur inord nato favore contra  
ſe, idque vel propter conſanguinitatem,  
affinitatem, amicitiam, aut perſecutio-  
nem, odium aut iram, & hoc probare  
pote-

poterit contra II vel III (siquidem contra plures non admittitur probatio,) oportet tunc tales de Nemda seu Assessorum numero excludere, & loco excludendorum alios in locum reponere pro illa vice, & non amplius.

LIBER OCTAVUS

De

IVRE SVECORVM GOTHORUMQUE placitandi.

CAP. I. De electione Legiferi  
& juramento ejus,

CVM eligendus est Legifer, fiat per Episcopum intimatio in Placito, & terminum præfigat VIII hebdomadarum, ut omnes ex territorio convenire possint ad illud Placitum territoriale. Episcopus autem veniat cum duobus clericis, & populus eligat VI de armigeris, & VI tributarios, illique XII cum clericis debent III eligere qui domicilium habent in illo territorio, præ oculis habendo Deum, quod tales sciant territorio utiliores secundum eorum conscientiam. De illis tribus postea unum Rex confirmabit, prout sibi fuerit divinitus inspiratum, & quem videt utilem esse populo. Qui vero per Regem electus

H

fuerit

fuerit & confirmatus, hoc juramentum præstabit:

Sic sit mihi Deus propitius, & reliquæ Sanctorum quas manibus meis tango, quod tam super pauperes, quam super divites per totum meum Territorium, in omnibus Sententiis sequar justitiam, & nunquam perversam contra conscientiam, nec justum perversando injustum vel injustitiam fovebo, neque propter timorem neque favorem, vel avaritiam, neque propter odium vel rancorem, neque propter consanguinitatem vel amicitiam; & ita Deus sit mihi misericors, sicut verum dico, & mihi, si mentior, irascatur.

C A P. II. *De electione Præsidis  
& ejus juramento.*

CUM autem eligendus est Præses, tunc oportet Legisferum & populum de Contracta ad Placitum convocare ad unum mensem prius, & fiat loco Placiti in illa Contracta; Debent tunc illi de Contracta nominare XII, & tertium decimum nominabit Legisfer; illi quos volunt nominabunt tres Regi præsentandos, de illis qui in Contracta domicilia habent; Ex illis vero confirmabit unum Rex quem vult & noverit ad hoc idoneum esse; Quo d si Rex non



non est in regno, faciat tunc hoc locum tenens Regis, & Præses jurabit eodem modo sicut Legifer juraverat.

CAP. III. *De Legifero aut Præsidente muneribus corrupto.*

SI Legifer judicaverit sumendo munera pro Sententia sua, det Regi quod accepit, & solvat XL marcas, & perdat officium Legiferatus, & nunquam recipiat illud: Quod si Præses per munera idem fecerit, sit idem jus; Quod si idem fecerit Exactor, sit idem jus; Quod si quis ex Assessioribus Iudicii seu Nempdariis idem fecerit, sit par jus & nunquam\* amplius habeat locum in Nempda: Quicumque vero potest aliquem convincere, quod occasione prædicta munera accepit, habebit tertiam partem, hoc est VIII solidos, & VIII marcas, quas delinquens pro pœna solvere tenetur.

CAP. IV. *Nemo ex Præsidentibus potest duabus Contractibus præsidere.*

Nemo ex Præsidentibus potest in pluribus Contractibus existere Præses, nisi in una tantum, sibi que debetur tertia pars ex omnibus mulctis quæ cedunt Contracte, & Contracta disponat de aliis duabus partibus restantibus: Omnis

deinde introitus Contractæ de rebus communibus, dividi debent inter populum Contractæ, secundum quod quis habet in possessione terrarum, de quibus tertia pars cedit Regi.

C A P. V. *De modo intimandi Placitum.*

**S**I occurrit dies placitandi in festo, vel die jejunandi, intimet Præses in Placito priori, quo die vult præsidere in Placito; Quod si non intimaverit, tunc non accedant Contractistæ impune, usque in alium diem quo Placitum tenere potest; At Præses solvat III marcas.

C A P. VI. *De temporibus placitandi in Contractis.*

**T**Ria sunt tempora placitandi in anno in quolibet territorio; Primum est à vigesima die nativitatis usque ad septuagesimam Dominicam; Secundum à festo S. Botulphi usque ad festum S. Olavi. Tertium à festo Michaëlis usque ad Adventum. His vero temporibus debent Præsides Placita tenere, uno die in qualibet septimana, & in loco consueto.

CAP. VII. *De temporibus placitandi in territoriis.*

**P**lacita territorialia teneri debent modo infra scripto: Primum feria 11 proxima post vigesimam diem natiuitatis; Secundum, feria 11 proxima post Dominicam quæ est in medio quadragesimæ. Tertium feria 11 post festum S. Petri. Quartum feria 11 proxima post festum Michaëlis. Quilibet autem Legislator tenetur Placitum tenere semel in anno, in qualibet Contracta in suo territorio; Quod si pluries vult, hoc ejus arbitrio relinquatur: Et hoc intimari faciat per quatuordecim dies priusquam velit Placitum habere.

CAP. VIII. *De citato inibus, & contumacibus.*

**Q**uando quis de altero conqueritur, tunc oportet quod conquerens, ad domum illius de quo conqueritur, accedat cum duobus domicilia habentibus, & citare eum ad Placitum, dicereque sibi quid habeat adversus eum; Quod si comparuerit in primo Placito, secundo vel tertio ad respondendum pro se, experiundo pro jure vel solvendo pœnam, bene est; Quod si non venerit, neque testes ejus impedimentum proban-

tes, tunc mulctandus est **iii** marcis propter contumaciam, & Præses ex tunc statim **xii** nominet qui reum accedant, & bona tollant pro pœna ad valorem **iii** marcarum; Atqui Aëtor procedat contra eum in primo, secundo vel tercio Placito de novo; Quod si nec tunc comparuerit non impeditus, tunc condemnatur in principali, & Præses nominet **xii** cum seipso & Exactore, ad compellendum ut Reus pareat iudicato, & ad extrahendum **iii** marcas pro contumacia.

C A P. IX. *De Reo comparente.*

**Q**Vando comparet ille cui aliquid obijcitur, infra terminum à jure statutum, super illis causis in quibus est conveniendus, responsurus, & Aëtor non vult, nec forte potest cum testibus convincere juxta decretum Præsidis, absolvatur tunc ille qui fuit citatus, & Aëtor in **iii** marcis condemnatur; Atqui testes ad probandum semel tantummodo admittantur in eadem causa.

C A P. X. *De modo instituendi Placitum apud aliquem, & non facienda executione, nisi causa discussa.*

**N**ON potest Præses Placitum ad aliqujus domum vocare, ad aliquid illi

illi auferendum, nisi prius XII desuper  
sint testificati, utrum sit legitime cita-  
tus, & contra eum sit legitime proces-  
sum, vel non; Et omnes testes produ-  
cti, jurent in eodem Placito quo debent  
testificari.

CAP. XI. *De præsidentia Præsidis  
omni die juridico facienda.*

**P**RÆSES in qualibet septimana præsi-  
debit in Placito; Dies Placiti erit in  
qualibet Contracta die Dominico in  
loco Placiti, quia frequenter veniunt  
nuncii Regis, aut ejus litteræ; Sed non  
sit accessus ad Placitum in causis, nisi  
semel in hebdomada.

CAP. XII. *De Reo convincendo per  
testes, & contestatione litis.*

**Q**VANDO Actor potest testibus con-  
vincere illum quem citavit, in illo  
die quo sibi respondere tenetur, si tunc  
Reus negat, debet Actor nominare te-  
stes suos, & proximo Placito facere illos  
jurare, & testificari facere, seu exami-  
nari. Quod si non obtineat responsum,  
antequam Placitum jam sit finitum,  
debet tunc in eodem Placito testes no-  
minare, & facere nominari: Quod si  
sit causa talis propter famam exorta,  
& non potest testibus probari, & ille

cui impingitur delictum semper negat, debet tunc ille contra quem fama est, se obligare ad purgandum se, & in proximo Placito se purgare; Et nisi responderit in ultimo Placito: tunc utrumque faciat in eodem Placito, obliget se ad purgandum & purget se, vel habeatur pro convicto: & Omnia iuramenta & testium depositiones, fieri debent in die quo tenetur Placitum, & in loco Placiti.

CAP. XIII. *De Reo comparente,  
Actore contumace existente.*

**Q**Uod si ille comparuerit in Placito, qui se vult iuramento purgare, & Actor non comparet, vel est præsens & non vult dare formam iurandi, juret tunc Reus, & tale iuramentum censetur esse legitime præstitum; Quod si quis vult tale iuramentum annullare, jurabunt tunc ut quod iuramentum fuit legitime præstitum, & postea annullare volens non auditur, nisi Rex velit inquirere veritatem. Si quis autem movet causam aliquam in uno Placito, & in alio aliam, dicitur variare, & si cuicumque hoc impropertur, & vi compurgatores eum purgaverint, sit immunis à pœna; Quod si non poterit se purgare, solvat Actori  
vi Oras;

VI Oras: Postea vero prosequatur causam, sicut in primo Placito proponebat; In hoc casu si se purgarit, vel non, sive sit Actor, sive Reus, sit idem jus.

C A P. XIV. *De eo qui à pluribus est citatus.*

Q Vando unum plures ad Placitum faciunt citari ad unum diem in quo Placitum tenetur, respondeatur tunc illi qui primum citavit, & postea unicuique prout citatus fuerit; Quia non potest unus nisi ad unam objectionem in uno Placito respondere, neque juramentum prestare nisi unum: Quod si quis dicat se prius citasse quam alius, debet tunc Præses illi primum iustitiam ministrare qui prius vult alium convenire, & postea aliis, prout causæ se habent.

C A P. XV. *De præsidentia quam facere tenetur Præses.*

O Mni die juridico debet Præses; vel ejus locum tenens, ad Placitum venire in loco Placiti, vel solvere iii marcas illi qui de eo conqueritur, & tunc Actor & Reus sint ejusmodi juris, sicut fuissent si Præses in priori Placito affuisset; Quia omnes legitimæ probationes,

& juramentorum delationes, debent  
secundum Sententias procedere.

C A P. X V I. *De causis in quibus Præ-  
ses allegat se jus ignorare.*

**Q**Vando aliquis venerit ad Placitum,  
& petit justitiam sibi ministrari à  
Præside, & si ostendit se nescire jus in  
illo casu, tunc potest causam suspende-  
re, & deliberare usque ad proximū diem  
juridicum, quo tunc tenetur Præses illi  
justitiam ministrare, vel solvere III  
marcas, nisi juraverit se ignorare jus  
in illo casu, referaturque tunc causa ad  
Legiferum.

C A P. X V I I. *De jurejurando, &  
quando unus dicit esse juratum,  
& alius negat.*

**Q**Vando aliquis venerit ad Placitum  
juramentum delaturus, vel testimo-  
nium factururus, quod si Actor, Exactor  
& Præses juramentum remiserint, va-  
leat tantum ac si jurasset; quod si alter  
dicit juramentum esse remissum alius  
non, probetur per vi qui in Placito fue-  
runt quid verum sit: Cuicunque autem  
aliquid obicitur, in quo aut debet ab-  
solvī aut condemnari, hoc fiat in loco  
ubi delictum est commissum, & loco  
domicilii solvat pœnam.

C A P.



CAP. XVIII. *De termino comparitionis post citationem.*

**Q** Vicunque citandus est, si talis est extra Contractam, & tamen in Legiferatu seu Territorio, debet tunc citari coram parochianis in die festo, vel Placito; Et habeat terminum *iii* septimanarum ad comparendum postquam fuerit legitime citatus; Quod si extra territorium, & tamen in regno est, habeat pro termino comparitionis *vi* septimanas, postquam fuit legitime citatus, & citetur ut superius est dictum.

CAP. XIX. *De executionibus Sententiarum, seu exactione pœnarum.*

**Q** Vando quis condemnatur pro suo delicto, Actor vadat ad Placitum, & hoc nunciet Præsidi, & Præses nominabit illi *xii* qui accedant condemnatum, & bona immobilia ac gregem primo æstimabunt; Quod si hæc non sufficiunt, æstimetur tunc frumentum & fœnum, & si talia sint in domibus obseratis, & Reus non vult aperire, potest tunc impune janua rumpi; Quod si neque ista sufficiant, æstimetur tunc domus; Quod si nec domus sufficiat, æstimabitur tunc ejus terra; Quod si nec illa sufficiat,  
tunc

tunc illa æstimetur à XII prout in villa eadem carius vendi solet: Et quæcunque æstimanda est terra pro executione sententiæ, potest tunc talis contra quem fit executio, redimere terram infra III annos, secundum quod æstimata fuit: Quod si non potest, possunt tunc consanguinei infra idem tempus, & ille capiat agrarium qui eam tenet, & nihil defalcet in summa sibi debita: Quod si non redimatur infra III annos, retineat tunc ille terram cui adjudicata fuit, & nemo habeat ex consanguineis jus reclamandi, vel redimendi: Quotiescunque vero maritus fit pœnalis, semper pars uxoris prius extrahatur tam in bonis immobilibus quam mobilibus; Sed si mulier deliquerit, & maritus fuerit condemnatus, solvatur tunc pœna de bonis mulieris.

C A P. XX. *De fugitivis & solutis  
& quando possunt captivari.*

**Q**Vando ille committit maleficium qui est vagabundus, & non habet quod perdere timet, & facit homicidium, vel vulnus infligit, vel rapinam exercet, accuset tunc eum injuriam passus in uno, & postea in alio, & deinde in tertio Placito; Si venerit talis  
&

& offert se ad standum juri, præsumitur pro eo; At si non comparuerit in quarto, tunc eo ipso habetur pro confesso & condemnato, qui se ipsum condemnat, & ad pœnam solvendam tenetur, iuxta delicti vel maleficii qualitatem: Quod si non habet domicilium, tunc conveniatur ibi ubi maleficium vel delictum est commissum. Postquam vero est ita condemnatus, permaneat tunc apud Actorem per unum annum pro quibuslibet iii marcis quasolvere tenebatur; Et eodem modo satisfaciat pro pœna debita Regi, & postea sit liber à pœna Contractæ debita; Quod si fugerit, solvat iii marcas quotiens hoc fecerit, & serviat per unum annum ultra, quam prius servire tenebatur.

Quod si ille fugerit qui delictum aliquod commisit, & injuriam passus eum apprehendere tentat, & si contingat illum fugitivum cædi, hoc potest impune fieri, nisi mors sequatur, tunc est pœna homicidii xx marcarum, ad tertiam divisionem applicandarum, & sic capiatur sine metu pœnæ; Quod si injuriam passus non vult illum captivare, faciat tunc hoc Exactor & Præfectus regius, aut ille cui pœnæ Regales ex aliqua concessione debentur: Actorem vero talem in nullo molestat.

si ille qui delictum commiserat, fugit quando adhuc est in illius servitio cui fuerat condemnatus: Quicquid autem talis agit vel patitur, est judicandum sicut de libero homine judicatur in pœna solvenda.

C A P. XXI. *De habente domicilium quando propter delictum fugit.*

Q Vando domicilium habens committit in Legem, & parat fugam, sit caussa qualiscunque, si per se vult stare juri, in nullo puniatur; Quod si non vult, procedat tunc contra eum Actor in illa caussa, & executio fiat per Præsidem & alios in Contracta ad solutionem pœnæ, & quilibet partem suam accipiat, qui in caussa particeps est: Quidquid vero sic tollitur ab aliquo per sententias & rationes, si judicabitur postea restituendum, restituat tunc unusquisque prout ceperit cum juramento; Nec tales punientur pœna raptorum, quia recipiebatur per sententiam & rationem.

C A P. XXII. *De gravato in executione.*

Q Vod si quis dicat se gravatum fuisse in executione, quia æstimatores plus ceperunt quam pœna fuit, standum

dum est tunc juramento æstimatorum, qui æstimatores jurabunt, se non plus extraxisse quam pœna poscebat.

CAP. XXIII. *De executione ubi as alienum est in bonis Rei.*

**Q**Vando ille contra quem debet fieri executio, habet intus secum agrarium vel decimas, hujusmodi non æstimetur pro pœna; Quod si plures cum eo in bonis communicant, vel habent in depositum, vel societatem in grege cum aliquo contractam in præsentia testium, hoc non cadit sub æstimationem pro pœna, sed est segregandum, & deinde mulcta extrahenda.

CAP. XXIV. *De modo exequendi, quando executores debent fieri.*

**Q**Vandocunque est facienda executio contra aliquem, tunc debent æstimatores intrare domum Rei, & æstimare de bonis pro unoquoque litis consorte quod illi debetur, & relinquere partem principalis Actoris, donec partem suam requirat.

CAP. XXV. *De pana XII Assessorum nolentium absolvere vel condemnare.*

**V**Bi duodecim Assessores judicii tenentur unum colligatorum absolvere, & alium condemnare, & id non faciunt in eodem Placito, solvat quilibet ipsorum III marcas, nisi illi XII qui Regis judicium præferre debent, jurant causam non satis manifestam, ideoque sequenti Placito dijudicandam: In omnibus vero probationibus, juramentis & testimoniis debent esse viri domicilia habentes.

CAP. XXVI. *De præconizatione que fit per bacillum, vulgo Budkaffla.*

**Q**Vando nuntius Regis venerit, aut litteræ Regis, Præses intimationem faciat in Contracta, emittendo *Budkaffla*, vel quando furtum est in Contracta commissum, vel homicidium sit factum, aut quis deprehenditur cum alterius uxore, vel mulier violatur, vel aliquis ab ecclesia extrahitur violenter, vel à cœmeterio, qui ibi potuit immunitate gaudere.

Signum id scilicet *Budkaffle*, quod facit Præses in qualibet trium partium Contracta debet procedere & non retrocede-

trocedere; Vidua autem non obligatur ad transferendum tale signum, nisi habeat filium qui xv compleverat annum: Quod si signum illud allatum fuerit ab oriente in villam, exeat ab occidente, & si à meridie, ad septentrionem vadat.

Omnes vero obligati sunt ad transferendum illud signum, tam tributarii quam coloni, & semicoloni, sive sint liberi à tributo, sive non, & sive coloni sint eorum qui liberi censentur, sive eorum qui libertate fruuntur: Quod si qui contendant, & alius dicit signum illud allatum, alius negat, præsumitur pro illo qui dicit signum allatum cum duobus testibus, & idem fit de illo juramento sicut de aliis. Qui denique procurat quod signum tale recta via non vadat, aut supprimatur pro Legifero vel Præfide, solvat III oras; Sed qui hoc facit impediendo ne Placitum fiat, cum venerit nuncius Regis, solvat similiter III oras.

CAP. XXVII. *De objectione quam facit Exactor contra aliquem.*

Quando Exactor objicit alicui quod vulnus infligit, vel sanguinem fundit, aut aliàs verberavit, aut quaecunque crimen objiciat, & Reus dicit se

occulte contentasse illum cui damnum intulit, at ipse negat, si Exactor habet testes idoneos qui hoc volunt jurare, quod id visum & declaratum in eodem die, habeat Exactor idem jus convincendi Reum sicut Principalis; At ille Principalis jus perdat quod habuit, & qui deliquit, solvat pœnam tam Regi quam Contractæ: Quod si Exactor non potest probare, ut est dictum, Principalis in nullo condemnetur.

CAP. XXVIII. *De desistente  
ab agendo.*

**Q**Vando Actor venit ad Placitum, & alteri aliquid objicit, ac postea desistit à persecutione causæ, prosequatur tunc Exactor, & ibi Actor tacendo suum jus perdit.

CAP. XXIX. *De Assessoribus judicii  
seu Nempdarius Regis.*

**C**UM Rex vult videre Nempdarios suos, debet tunc Præses nominare XII ex Contracta pro medietate nobiles liberos, & pro reliqua medietate tributarios, in quos consentiunt litigatores & homines de Contracta; Præses autem debet veridicos nominare, & non mendaces, aut lites habentes, vel voluntarie favorizantes, & Præses pro se debet



debet esse unus de Nempdariis, & nemo alius in ejus loco, nisi impedimentum habeat, ut prius est dictum. Quando nominatur aliquis in Nempdarium in Placito præsens, & non vult intrare, solvat *iii* marcas tributarius, & liber *vi* marcas.

C A P. XXX. *De exceptionibus contra Nempdarios faciendis.*

Q Vando Actor aut Reus suspectum habet aliquem de Nempdariis, debet suspectus surgere, & alius ejus loco deputari donec causa terminetur; Quem deinde illi *xii* condemnaverint vel absolverint, pro tali inviolabiliter habeatur, & contra illam Nempdam nemo potest appellare, nisi appellare velit priusquam juraverit, & non admittitur per juramenta, neque aliam Nempdam contra hanc inducere potest.

C A P. XXXI. *Qualiter & quando est à Nempda appellandum.*

Q Vando quis vult à Nempda appellare priusquam juraverit, ponat tunc in vadium Actor *vi* marcas, & quilibet de Nempda marcam unam, de quibus *vi* accipiat Rex, & *vi* apponentes: Quod si appellans succubuerit, solvat *vi*

marcas, III Regi, & III Nempdariis; Omnes vero testes coram Rege, vel Legifero, aut Præsidente seu Nempdariis producti, debent jurare super omnibus in quibus testificantur, & rogare Deum sic sibi esse propitium, sicut ipsi velint verum testimonium perhibere in illa causa: Quod si tales testes reprobantur in iudicio Regis, solvant tunc III marcas dividendas in III partes, & nunquam postea erunt capaces facultate placitandi, jurandi aut testificandi; sed vitentur tanquam infames, & subeant poenitentiam, excludanturque ut perjuri ab Ecclesia, & solvant Episcopo III marcas.

CAP. XXXII. *Quando Nempdarii non sunt concordēs, quod standum sit sententia majoris partis.*

QVando Nempdarii non concordant, quem VII ex illis absolvunt, sit absolutus, & quem condemnant, sit condemnatus; Quod si illi XII neque volunt absolvere, neque condemnare antequam Placitum dissolvatur, solvat tunc quilibet de Nempda III marcas, in tres partes dividendas, Regi, Contractæ, & Astori.

CAP.

C A P. XXXIII. *De expensis pro  
Nempdarius faciendis.*

**Q**Vando Nempda talis est habenda, debet tunc Præfectus regius illis providere de expensis : illi quidem qui iudicium Regis habet cum viii equis, Cancellario cum iii equis, Præfecto cum v equis : Præses autem provideat de expensis Legifero cum viii equis, & cuilibet Armigero de Nempda cum ii equis, cuilibet tributario de uno equo; At pro eo quod Præses debet huiusmodi expensas facere, levabit omnes multas, quilibet in sua Contracta.

C A P. XXXIV. *Quando appellandum est à Sententia Legislatoris  
vel Præsidis.*

**C**Um Legifer aut Exactor Sententiam protulerit, & condemnatus vult appellare, debet tunc appellare in eodem Placito ubi sententia fuit lata, & postea sublata est illi potestas ab illis appellandi.

C A P. XXXV. *Qualiter appellatur  
à Præsede?*

**Q**Vando quis appellat à Præsede, ponat in vadium xii oras, & Præses iii marcas ad Legiferum; Si succumbit

appellans, capiat Præses mediam marcam, mediam Actor, Legifer & Contracta mediam: Quod si Præses succubuerit, tollat unam marcam appellans, aliam Legifer, tertiam Contracta.

C A P. XXXVI. *De appellatione Præsidis vel alterius à Legifero.*

Q Vando Præses vel alius appellare vult à Sententia Legislatoris, ponat Præses, vel alius, in vadium 111 marcas, Legifer autem vi marcas; Quod si succumbit Præses aut alius appellans, tollat Legifer marcam unam, aliam Rex, tertiam Contracta; Quod si Legifer succubuerit, tollat tunc appellans 11 marcas, 11 Rex, & 11 Contracta.

C A P. XXXVII. *De pœna violentis sententiam Præsidis.*

Q Vi violat Sententiam Præsidis, solvat 111 marcas, pro Sententia Legiferi vi marcas. Istæ autem causæ debent terminari per Nempdam de Contracta, videlicet quando agitur de juramento regio violato; vulgo Edzöre, & causæ capitales, quando quis venit vita plectendus, vel agitur simul ad perditionem vitæ & bonorum, aut de homicidio clandestino, vel ejus pœna,  
 seu

feu rapina, & si sunt maiores vel minores causæ: Omnes etiam causæ super violationibus Sententiarum tam Legiferi quam Præsidis, nisi subjaceant Nempdæ regali.

CAP. XXXVIII. *De examine & veritatis inquisitione per Regem reiteranda.*

**R**EX potest de veritate inquirere, & ipse potest retractare male examinata, & quæcunque gravamina cognoscere: At Legifer debet causas per Leges decidere, nullusque innocens damnatur ad pœnam, & nemo bis pro eodem facto puniatur.

CAP. XXXIX. *De judicio Regio quod Râffst vulgo appellatur.*

**Q**UANDO Rex vult generalem inquisitionem de administrata justitia facere per totum regnum, vel qui ejus autoritate fungitur, debet tunc hoc Rex protinus intimare in quolibet territorio, per VI septimanas priusquam id facere velit; Omnes tunc veniant ad proponendum querelas contra illos, qui ipsos injuste læserunt; Postquam autem sunt lectæ litteræ Regis in primo Placito, vel apud Ecclesiam ubi non est Placitum, debet quilibet

suum adversarium citare intra xiv dies, Rex vel illius vicem gerens nihilominus ad judicandum procedet, licet non ille contra quem proponitur querela fuerit præsens : Hoc tenetur autem Rex intimare omnibus per suas litteras, quando vult talem reformationem seu tale Placitum facere, ut dictum est, & tunc non eo minus, quod quis venire recusat, debet Rex vel ejus vicem gerens justitiam ministrare in omnibus causis, ut jam est dictum, ac si talis compareret, nisi legitimum subsit impedimentum.

**H**Actenus regimen politicum & civile Sueciæ è legibus ipsis fideliter expressimus, nunc quæ superioribus annis consulto mutata fuerint, necessario explicanda. Ac quidem primo quod dicitur capite tertio, Regem assumi per electionem & non jure successionis, id anno 1544 Arosiæ unanimi & libero Ordinum regni & primariæ nobilitatis Sueciæ decreto mutatum fuit: cujus decreti exemplar hic ex Exegesi historica Stocholmiæ anno cldlxx edita adjungere operæ pretium visum.

*Vnio hereditaria Arosensis.*

**N**Os subsequentes, potentissimi Principis Domini GYSTAVI Suecorum, Gotho-

Gothorum & VVandalorum Regis, omnium nostrum dilectissimi & clementissimi Domini, regni & regiminis consiliarii, Equites & Nobiles, Laurentius Siggonis de Sundby, regni Sueciæ Marschaleus, Steno Erici de Loholm, Ericus Flemmingius de Suidie, Ivarus Flemmingius de Sundholm, Ioannes Turonis de Lindholm, Canutus Andreæ de Ockne, Turo Trolle de Berquara, Gustavus Olai de Torpa, Magnus Ioannis de Bro, Birgerus Nicolai de Vines, omnes equestri ordinis: Jonas Olai de Hakesta, Suanto Sture de Ekesio, Abrahamus Erici de Ekeberga, Petrus Brahe de Rydboholm, Axelius Andreæ de Lenna, Nicolaus Krumme de Orboholm, Georgius Normani, Bero Claudii de Leppos, Laurentius Turonis de Penningeby, Gabriel Christiani de Moreby, armigeri & Senatores regni; Axelius Erici de Heredfeter, & reliqui qui nominatim recensentur numero cxxvi Illustris regni Sueciæ Gothiæque nobilitas, nomine nostro & nostrorum successorum, hæredumque, vigore harum litterarum fatemur, & testamur, nos omnes unanimiter & peculiariter, (in nostro arbitrio relictis, non coacti, aut compulsi) cum generali congregatione, & adu-

nata Senatorum Regni Sueciæ Corona, Equitum, Nobilium, Episcoporum, Prælatorum, Indigenarum, Ordinum, & promiscuorum subditorum frequentia, adhibita in consilium ratione, diligenter perpendisse, quod nobis, qui universæ patriæ nostræ & Coronæ Sueticæ velut membra & fulcimenta sumus præcipua, non solum præsentia commoda, sed etiam futura, (adjuti gratia & auxilio divino) summo ingenio, sapientia, & prudenti consilio, ad opus gloriosum perducere, atque illa negotia, quæ Coronæ & omnibus regni indigenis sunt emolumento, incremento, utilitati, paci, & tranquillitati, considerare & studiose perpendere incumbat; Insuper quibus adminiculis regni & omnium nostrum detrimenta ac suppressiones præveniri, atque protelari, propensa voluntas, amicitia, amorque implantari, mutua concordia, certa fiducia, & jugis conspiratio, undique provenire valeant; Et alias, omnium seditionum, malarum suspicionum, similiumque passionum radix, ex qua periculosa simultates pullulare solent, funditus evelli queat, illa serio procurare; sicut etiam nunc, pro ingenii nostri facultate, studiosissime factitatum. Enimvero ex vetustis recentibusque in



memoria hominum adhuc vigentibus historiis exemplisque liquido perspicuum evadit, omnibus retro sæculis potissimum per capitis, id est, regiminis, & membrorum, videlicet subditorum, dissensionem, plurimas in Rebus pub. illasque periculosissimas metamorphoses derepente contigisse; Sicut etiam sæpenumero ex talibus scintillis perniciose erupisse incendia, unde rapinæ, cædes, tumultus, sanguinis copiosa profusio, aliaque detrimenta innumera, progressu temporis extiterant. Quocirca ubi regionum his contraria remedia, per Dei gratiam & naturam incolarum, providentiam, consilium, & cunctarum investigantur, ut inter Dominos & subditos firmus amicitiae nodus stringatur, fides, sincera confidentia, & obedientia, animis inseratur, & multa vigeat providentia, atque circumspexio, hætenus, & ab ipsis propemodum surgentis mundi incunabulis, testantur monumenta historiarum, ejusmodi regnorum incrementa singularia, celsitudinem, & constantiam, & pacem, tranquillitatem, atque felicitatem inusitatam. Quamvis vero hujusmodi regionibus, nonnunquam grandes tumultus, hostium impressiones, &

alia

alia infortunia acciderint : Nihilominus tamen plerumque sub indigenæ alicujus regimine , optime sunt gubernata, protecta, & propriis privilegiis conservata. Verum quandoquidem majorum exemplis, & facinoribus, undeque satis perspectum , atque cognitum, ex quo fonte, tot calamitosissima juxta ac periculosissima dissidia, regnorum ruinæ & interitus profluxerint, nimirum ex dissensione, & litigio, in Regum inauguratione oborto, in Rege designando, certantibus suffragio Regni ordinibus : E contra unde, & quibus adminiculis, pax interna, concordia, & fœlicitas rerum omnium introducta, & constabilita semper fuerint: Nam si rem suo momento examinaverimus, inveniemus profecto, enumerata ubertim inde pullulare commoda, quando in ejusmodi Regum designationibus, æquas sanctiones, atque patriæ leges, nec non genuinam sanguinis lineam comitamur, unde talibus in regno dissidiis obstacula petuntur, & optimus animorum consensus conspiratioque firmitus & profundius implantantur: Ideo ingenue fatemur, nos teneri, obligatosque esse, veluti synceros & primarios hujus regni indigenas, dum vitæ nobis munere licue-

rit frui, una cum reliquis incolis regni, pro tempore, Suecanæ reipublicæ & liberorum nostrorum, hæredum, & posterorum sempiternum subsidium, fælicitatem, pacem, atque unionem arctissimam, ad effectum gloriosum perducere imo omne periculû, & unde aliqua dissensio, aut perditio, futuris temporibus sensim suboriri posset, de medio prorsus tollere, & remove, ne ad illa offendant, velut obstacula, posteritas. Itaque unanimi Senatorum consilio, Equitum, Nobilium, Episcoporum, Prælatorum, Civitatum, Incolarumque omnium, & subditorum consensu, voluntateque, principio apud animum nostrum, sicut fideles & recte consulentes subditi, secundum præceptum divinum, Regni hujus pervetustas laudabilesque consuetudines statutaque sedulo ponderavimus, & justa trutina examinavimus, quod S. R. Gustavus noster, à præpotente Deo destinatus Dominus, & à nobis universisque Regni Sueciæ inhabitatoribus unanimiter electus, & coronatus, & ad hoc regni fastigium, dignitatem, & laboriosum regimen, non velut externus quispiam, aut per vim & arma, evectus sit; sed secundum regalis lineæ propaginem, & sanguinis scaturiginem illustrem, ascenderit; ac  
velut

velut is, qui ad ejusmodi honorem & regium solium proximus hæres extiterit; nec minus ob deperditi prorsus regni hujus & incolarum vindicationem, liberationem, consolationem & prosperitatem, gravissimo regni & regiminis oneri humeros promptè submiserit; Et quidem ea tempestate, cum patria charissima (nullo jure, causa, titulo, aut legitima expostulatione præmissis) in maximi & perniciosissimi hostis, Christiæni secundi Regis Daniæ, violentas manus, tyrannidem, & extremam necessitatem incidisset, atque hinc rapinis, cædibus, incendiis, sanguinis profusionibus, & aliis permultis tribulationibus iniquissime pergravata afflictaque diu fuisset; Regni quoque indigenæ, sine libertatis assertore, vindice & protectore, prorsus ad extremam perniciem suppressionemque omnes derelicti essent; Deinde non secus ac Princeps vere Christianus, fidelis Patriæ defensor, pro nobis & liberis nostris, inclyto Sueciæ Regno, præsentibus & subsequuturis Regni inquilinis, & in nostram consolationem, atque rerum augmentum, & quidem pro ingenito amore erga tellurem Suecanam, suosque sympatriotas, & subditos, opibus sanguinique nequaquam peper-

pepercerit, ut nos & nostros posteros  
 pristinae libertati restitueret, multis tri-  
 bulationibus & ærumnis maximis beni-  
 gne ereptos : Proinde ut præpotens  
 Deus pro tam ineffabili sua gratia lau-  
 dem atque gloriam consequatur, & cle-  
 mentissimus Dominus noster atque Rex  
 Gustavus, nec non S. M. illustris filio-  
 rum posteritas nata, & nascitura, ani-  
 mi quampiam gratitudinem, & officio-  
 rum promptitudinem in nobis subditis  
 & velut membris Regni primariis de-  
 prehendat, Regnum quoque univer-  
 sum, & nos illius incolæ, in pace &  
 tranquillitate ( divino opitulante auxi-  
 lio ) confirmemur, & conservemur ;  
 Præterea ne periculosa dissensiones in  
 hoc Regno ( unde armorum tumultus  
 & alia Regni detrimenta gliscere con-  
 sueverunt ) denuo emergant ; Sed po-  
 tius Regni Moderatores, & subditorum  
 frequentissimus cætus, eo firmiter sta-  
 bili & inexpugnabili concordia co-  
 ligentur & velut incorporentur ; Id-  
 circo nos unanimiter, & specialiter,  
 cum singulis & universis Nunciis ter-  
 restribus, in hisce & aliis Regni nego-  
 tiis plenipotentibus, potissimum ve-  
 ro & ante omnia in hoc magni mo-  
 menti & summo pene articulo, ad  
 communitatis & nostrum omnium  
 instan.

instantissimam petitionem proposito, ut videlicet tempestive, omnium consensu illud studiose perpendatur & tractetur, cujus beneficio hæc Regna, si fortassis quæpiam decessio aut animorum perniciosa fieret perturbatio, (quam Deus Opt. Max. quam diutissime clementer avertat) de legitimo Rege atque Domino segura & certificata existerent: Insuper ne in tali casu forte fortuna in suffragio electionis ferendo; aut aliàs quæpiam dissensio, vel tumultus, non sine summo Regni discrimine, suscitentur, & incendantur; Nos, inquam, una cum illis, illique nobiscum in nomine sanctissimæ & individux Trinitatis, Communitatis totius nomine votoque secundum incolarum omnium transmissam & nobis exhibitam plenipotentiam, desiderium, & petitionem flagrantissimam, tempestivo consilio annuimus, unanimi consensu conclusimus, & consensimus, elegimus, promissimus, & juravimus, Quod cum Serenissima pro tempore apud nos rerum potiens Regia Majestas clementissimus Dominus noster, Rex Gustavus, velut naturalis secundum lineam & hæreditarius Sueticæ Coronæ Moderator, & alias in regno prævisus, electus, & inauguratus, confirmatusque Rex existat;

existat ; Et apud Suecanam Rempubli-  
cam omnesque Regni Indigenas , sum-  
ma & innumera propemodum fide-  
litis officia ( qualia hisce Regnis vix  
antea vel ab ipsorum primis exordiis ,  
ab ullo eorum Rege & Domino col-  
lata ) benigne deposuerit ; Nimirum  
ad pacem & rerum felicitatem nos  
collapsos erexerit , atque ab extrema  
necessitate vindicaverit , & nunc R.  
M. prole hæreditaria ( quæ nobis &  
universo Regno futura consolationi ,  
& gaudio ) decorata sit. Nos eandem  
R. M. teneram progeniem hæredita-  
riam , natam , & in posterum nascitu-  
ram , velut etiam nos secundum natu-  
ram & leges Christianas decet, ac ratio-  
ne familiaris lineæ , convenit oportet-  
que , pro nostris legitimis Moderatori-  
bus, & proximis Sueticæ Coronæ hæ-  
redibus, prorsus, velut posthac efficaci-  
ter exprimetur, electuros : velut hisce  
etiam promittimus, eligimus & acce-  
ptamus ; Atque in transactione Ore-  
brogiana, à Senatorio ordine obsigna-  
ta , juramentoque confirmata , in o-  
mnibus suis articulis, uti par est, quàm  
diligentissime & solidissime de hac re  
asseritur ; ita hisce denuo confirme-  
tur, & stabiliatur, cujus vigore, atque hu-  
jus præsentis obligationis & literarum

robore, ejusmodi unionem, promissionem & obligationem, secundum jusjurandum à nobis omnibus depositum, stabilimus, & renovamus.

Nec minus unanimiter & specialiter hisce pro nobis & nostris successoribus, coram Deo; ejusque sacratissimo verbo pollicemur, (quod si quidem hæc electio, & inauguratio, secundum divinam ordinationem, & providentiam, pervetusta inprimis & laudabilia jura regni Sueciæ, Senatorii ordinis, Nobilium, Civium, & promiscuæ Communitatis consilium, assensum, decisionem, legitime, digne, utiliter, & nobis omnibus Regnoque universo in sempiternam fælicitatem & auxilium facta sit circa potentissimum Principem & Dominum Gustavum, Suecorum, Gothorum, & Vandalorum Regem electum, coronatum, & à Deo nobis præordinatum; atque circa S.M. hæredes, natos, & nascituros, non secus ac superior illa designatio, juramentum, & promissum suadent, quibus S.M. & Diademati Suetico obstricti sumus,) nos fideles & obedientes R. M. futuros, eamque promptitudinem, securitatem & magnanimitatem, quæ fidos subditos, Dei, omnium mundandarum & Regni hujus præscarum laudabi-



dabiliumque consuetudinum ergo con-  
 decet, atque convenit, firmiter, invio-  
 labiliter, & irrefragabiliter, nunc, &  
 perpetuis temporibus, sine intermissio-  
 ne præstituros, atque omnia diligentif-  
 sime facturos, ad quæ, ut fideles erga  
 Regem & Dominum nostrum subditi  
 sumus obligati; vitæ opibus, conjugi-  
 bus, liberis, & omnibus quæ possidemus  
 minime parcendo, pro suæ majestatis  
 & patriæ utilitate, in necessitate consti-  
 tuta, ita ut cum regia majestas hæc  
 exegerit promissâ, fideliter simus exe-  
 quuturi: cumque regia majestate vitæ  
 ac mortis stadium æquale ingressuri.  
 Deinde, (cum æque Magnatum, ac  
 omnium hominum vita, mortis sit pe-  
 riculo exposita) ubi Serenissimus Rex  
 Gustavus, Dominus noster clementif-  
 simus, ex hac vitæ statione ad æternam  
 accitus fuerit beatitudinem, pollice-  
 mur, nos obligamus, juramento con-  
 firmamus, & hisce eligimus quam fir-  
 missime, & perfectissime, & irrevoca-  
 biliter, unanimiter, & specialiter, quem-  
 admodum sæpenumero commemora-  
 tum, suæ majestatis majorem natu fi-  
 lium, Illustrissimum Principem Domi-  
 num Ericum, pro nostro proximo, à  
 Deo deputato & nunc inaugurato Re-  
 ge, qui immediato post Serenissimi Pa-

rentis sui ex hac mortalitate ad Superos felicem migrationem, ad regimen & regale fastigium ingressurus, ac Rex noster indubitate futurus; veluti nos pro nobis & nostris successoribus consentimus, confirmamus; & illum pro nostro Domino & Rege nunc acceptamus; ideoque illi fidelitatem exhibitori, & salubria præbituri consilia; Nec minus etiam, ut præfatum est, moderno Regi Domino Gustavo superstiti, tum temporis, perinde ac modo, fidelitatem, firmiter, constanter, & inviolabiliter exhibitori, & conservatori, vitamque ipsam cum sua majestate in discrimen (necessitate urgente) posituri: Quid multis? in omnibus consolationi & subsidio affuturi, idque facturi, & intermissuri, ut fidis & recte consulentibus subditis, pro tenore jurisjurandi, convenienter incumbit, quod è commodo suæ majestatis esse judicaverimus.

Sin vero talis forte obtigerit casus, quod Illustrissimus noster proximus Rex futurus Princeps Ericus, Deo ita disponente, Regiæ familiæ & Ducalis hæredes masculos nancisceretur, qui morti illius superessent, primogenitus illius Regni gubernaculo admovendus; & ita per sequelam, de linea ad lineam, ut decedunt,

cedunt, & accedunt, unus post alterum, ad regiminis apicem penetraturus, regnumque gubernaturus. Hoc pacto S. M. inclyti filii, nati, & nascituri, à nobis, & nostris successoribus, pro legitimis Regibus, hæreditariisque Dominis, ad sceptrum Suecanum inaugurati, designati, & jurejurando confirmati. Quod si vero Princeps Ericus, qui noster proxime futurus & jam designatus Rex est, ex voluntate divina, sine Regalibus & Ducalibus masculis hæredibus naturæ debitum compleret, proxime genitus benignissimi Domini nostri Regis filius, Illustrissimus Princeps Dominus Iohannes, qui secundum justam genealogiæ seriem secundò genitus est, omnino eadem ratione & modo, qui in Duce Erico inaugurando absolute expressus est, Regales fasces, veluti designatus juramentoque confirmatus Rex, capeisset; Quem volumus, & tenemur prædicto modo, & ratione, pro nostro Rege & Domino prorsus irrefragabiliter & irrevocabiliter assumere, designare, illi promittere & jurare fidelitatem, & securitatem, quæ sancte in perpetuum, sine omnibus effugiis dolosis aut contradictionibus, servaturi: Pari modo fidi, propensæ, morigeri, subsidio, consolationi, &



auxilio esse, & perseveraturi, promptè vitam & salutem nostram cuivis cum illo discrimini exposituri; Imò cum illo (velut fideles & rectè consulentes decet esse subditos erga legitimum Dominum, & Regem,) nullam detrectaturi fortunam: Eadem ratione, si Ducis Iohannis Regales & Ducales hæredes aliqui fatis superessent extremis, major natus filiorum, clavo Regni potietur; & deinde, qua præfatum ratione, & modo, de linea ad lineam, uno succedente alteri, quemadmodum in articulis electionis proxime futuri Regis Dn. Erici verbotenus est expressum, servandum, & perficiendum est; regiumque Diadema apud illum, aut illius natum, vel nasciturum filium, à nobis, & nostris posteris, pro hæreditario Sueciæ Rege designatum, electum, & jurejurando confirmatum, permansurum.

Et si autem contingeret Dominum Iohannem, hac designatione & electione secundo electum & designatum Regem, sine masculis hæredibus mortem oppetere, tum deinceps Regalis dignitas & sceptrum ad Sereniss. R. Gustavi clementissimi Domini nostri juniorem filium Illustrissimum Principem Dn. Magnum jure devolvetur, ac iisdem conditionibus, & rationibus, sicut de  
verbo

verbo ad verbum de duobus præmemoratis S. M. filiis, Dn. Erico & Dn. Iohanne fratribus expressum & enucleatum est, Sueonum Imperium, velut designatus, juramento confirmatus, & stabilitus Sueciæ Rex, acceptabit, illumque pari modo proxime secundum alios, pro Rege & Domino nostro firmiter & irrevocabiliter suscipiemus, designabimus, spondebimus, & jurabimus promptitudinem, fidelitatem, & subsidium virile jugiter, firmiter, constanter, & irrevocabiliter, sine omni tergiversatione, atque subterfugio, illi fideles, additi, recte consulentes, auxilio, & consolationi semper futuri, vitam, & salutem nostram cuivis periculo illius causa exponere nihil dubitantes, velut fidelibus & recte consulentibus subditis erga suum legitimum Dominum Regemque sese gerere convenit: Vbi etiam ejusmodi casus Duci Magno humanitus acciderit, ut universæ carnis viam ingrediatur, major natu filiorum ejus, in regimine & dignitatis Throno succedet, eoque modo, quo de vita decedunt, de linea ad lineam propagationis (quemadmodum in Erici & Iohannis designationis articulis, de verbo ad verbum commemoratum est) observandum: Atque ita eum, qui tum temporis pro-

ximus secundum lineam dignoscitur, acceptabimus, & confitebimur pro nostro & Regni designato ac electo Rege, illique iusjurandum, fidelitatem, opemque præstabimus; & cum illo vitam salutemque nulli subducemus discrimini; Et ut multa paucis complectar, ea moliemur, quæ fidis & bene consulentibus subditis jure conveniunt.

Quod si deniq; secundum Ducis Magni de vita migrationem nulli Regales & Ducales forent filii hæredes, is designatus & juramento confirmatus Rex Sueonum censebitur, qui deinceps per Dei provisionem, ex Regio sanguine, & filiis hæredibus, major natu in ejusmodi Regia progenie superstes fuerit, & illo pacto, de linea ad lineam, ut decedunt, unus secundum alterum in Regia prosapia, non secus ac de tribus præfatis R. M. Domini nostri clementissimi hæredibus filiis masculis, illustrissimis Principibus, & fratribus, Domino Erico, Domino Iohanne, & Domino Magno dictum, ac in eorum expressum est designationis articulis; Atq; illo modo sine subterfugio, aut dolo, illustrissima hac familia superstitite, jugiter procedendum; Quocirca nos obligamus, promittimus, & juramus, quod designationi huic stirpis Gustavianæ, velut

velut illa de verbo ad verbum hic expressa & confirmata est, quamdiu S. M. Domini nostri benignissimi Regalis mascula progenies & filii hæredes in vivis extiterint, constanter, firmiter, & irrevocabiliter adhærere velimus; ac quoad præfata Regis Gustavi familia perseveraverit, illam pro legitimis & naturalibus Regni nostri Principibus atque Dominis, de linea aut progenie, ad lineam seu progeniem, velut in hac Regia designatione commemoratum est, observaturi simus; Præterea vitam, bona, famam, salutem, uxores, & liberos, omnemque possessionem nostram, unâ cum illa objicere, vivere, & mori, ac quemvis fortunæ ictum simul præstolari velimus esse parati: Nec minus adversus externos & internos Regni Regisque hostes, qui pro tempore sunt, aut in posterum futuri, (neminem prorsus, aut ullam Nationem, Regionem, eminentioris aut humilioris conditionis Magnatem, excipientes) conabimur insurgere, cuique nos alacriter objicere, ipsisque factis declarare & perficere illud omne, quod nos erga legitimos indigenasque Reges & Dominos nostros ob patriæ nostræ libertatem, sicut fideles nationis Sueticæ viros & recte consulentes subditos

oportet, atque expedit, divino præcepto & juramenti obligationisque nomine obstricti sumus; Neque posthac quemquam alium, externum, aut internum, (quacunque tandem ratione id unquam fieri poterit, nihil excipientes) pro Domino aut Rege nostro sumus agniture; sed potius eum persequuturi, viriliterque suppressuri. Nam quousque Serenissimus Rex Gustavus & ejus prosapia viget, illam pro nostris & universi Regni naturalibus & electis Regibus agnoscimus, & deligimus; in contrarium neque inimicitia, amicitia, favores, munera, consanguinitas, odia, simulas, aut cujuscunque generis causæ, vel hominum fraudes, insusurrationes, vel minæ nos unquam permovebunt.

Sed si forte acciderit aliquem indigenarum, aut aliquam Provinciarum, unam vel plures, nunc vel futuris temporibus (quod tamen Deo auxiliante non fiet) secessionem à nobis facere, aut aliàs tumultum vel rebellionem suscitare velle, tum nos obstringimus, arctissime colligamus, sancte promittimus, & adstipulamur, quod vigore hujus juramenti, & obligationis ejusmodi tumultum pro voto R. M. atque postulatione sincere suppressere, & vindictam



Etiam à fontibus repetere simus adjutu-  
 ri; Nec iis palam aut clam, consilio vel  
 auxilio, hospitio, aut alimentis, armis  
 aliisque rebus necessariis succursuri; Sed  
 potius eosdem, etiam vita nostra in pe-  
 riculum adducta, persequuturi, ac ad  
 internecionem deleturi, tanta quidem  
 potentia, & multitudine, quantam S.  
 M. exigere voluerit, sine subterfugiis  
 auxiliando: Non absimili promptitu-  
 dine nos adversus alias ab externis im-  
 minentes impressiones, & arma, ne-  
 cessitate ita urgente, opponemus, pro  
 S. M. & liberorum incolumitate vitam  
 fideliter & viriliter cuiq; telo exponen-  
 tes: Quod si contingeret etiam (quod  
 Deus clementer diu avertat) R. M. Do-  
 minum nostrum clementissimum Re-  
 gem Gustavum lucis hujus usura pri-  
 vari, antequam proxime successurus  
 Rex ad annos legitimos pervenerit,  
 protinus post obitum R. M. quatuor  
 aut pluribus ex Equestri ordine, & ad  
 hoc munus aliàs præordinatis, qui una  
 cum serenissima Domina Margareta,  
 Suecorum, Gothorum, & Vandalorum  
 Regina, Regnum quam optime in tran-  
 quillitate interea temporis moderen-  
 tur, regimen commitemus; Quibus at-  
 que Serenissimæ Dominae nostræ Regi-  
 næ obedientes, subiecti, consolationi,  
 auxi-

auxilio, subsidioq; futuri sumus, quousque proxime gubernaturus Rex, Dominus Ericus, ipsemet regimini dextram admoveere poterit, perinde atque ille in gubernatione foret constitutus, nosque omni pacto fideles & recte consulentes subditos deprehendet.

Sin etiam R. M. Dominus noster benignissimus Rex Gustavus, aliis S. M. filiis, natis & nascituris, qui ad Regale culmen transcendere non possunt, secundum conditi testamenti & Ducalis sustentationis tenorem ac vigorem (quemadmodum literæ & sigilla ultimæ voluntatis, super hoc conficienda & confirmanda, exprefferint) quasdam Ditiones in hoc Regno, unde pro dignitate familiæ vivent, cum consensu Ordinum Regni assignaverit, præfatis Principibus, Moderatoribus, & Dominis nostris, sine omni tergiversatione, velut naturalibus assignatæ Provinciæ Ducibus & electis Dominis, fideles, addicti, & æqui consultores inveniémur; Atque cum illis aliud nihil acutabimus, quam quod fideles & probos perdecet subditos: Similiter Sueticæ coronæ, ejusque Regi debitam obedientiam & obsequium præstabimus, perinde ac fidelibus incolis atque subditis convenit, & ut in testamento regio comprehensum fuerit.

fuerit. In summa, adversus hæc præmemorata, & præsentem inaugurationem, sempiternamque unionem, nihil unquam moliemur; Sicut neque ab internis, aut externis, ut quidquam in illius præjudicium fiat, permittemus; Verum unanimiter præsentibus & futuris temporibus, ejusmodi inaugurationibus promissa, omnium nostrum beneplacito, velut expansis accepta ulnis, servabimus, illa magnanimiter protegentes; insuper R. M. & universi Regni salutem, pacem, atque tranquillitatem promovebimus. Si autem casus ita ferret, fortunæque inclementia, (quod Deus clementer prohibeat) R. M. illiusque masculos hæredes sine Regalibus & Ducalibus masculis hæredibus fatis concedere, filiabus, una aut pluribus de hac familia superstitis, tum temporis electio ad universos Regni Senatores reliquosque fidos Sueciæ incolas devolvetur, in quibus conquiescet, neque ad quemquam externorum & peregrinorum derivabitur, jure reluctantante patrio.

Similiter etiam ex universo Regno (velut ejusmodi Magnatum derelictis filiabus facere par est, & secundum regalis codicilli tenorem R. M. & hæredum regaliæ soboli fœminæ præstare tene.

tenemur) de honesta & digna dote providebimus, matrimonioque illustri elocabimus, atque alios testamenti regalis articulos irrevocabiliter fideliterq; adimplebimus, & irrefragabiliter exequemur: Deinde quidquid hac inaugurationis obligatione, aut nupera, ut etiam in Transactione Orebrogiana, & in omnibus aliis decisis scriptoque comprehensis Transactionibus R. M. ejusq; hæredibus, per nos, & alios Regni Senatores, Equites, & plebeios, viventes aut mortuos, promissum & subscriptum est, ac quicquid in Regio testamento de verbo ad verbum articulatim & perspicue comprehensum est, illis omnibus quam fidelissime sine dolo malo, mora, novis inventionibus, quacunq; humana astutia satisfacere, & ea inviolabiliter irrevocabiliterque exequi conabimur; Simili modo unanimiter, & peculiariter, vigore nostri juramenti, ratione famæ, conscientiæ, vitæ, fortunarumque, in verax & sempiternum testimonium illa stabilimus, & confirmamus; A quibus proinde neque gratia, munera, similitates, consanguinitates, amicitia, aut inimicitia, vel alia hominum passiones, instantia, vel adinventiones, nos unquam remorabuntur, aut dimovebunt, ita nos Deus adju-

adjuvet, & suum sanctum Euangelium, in cujus rei uberiores certitudinem, majorem securitatem, & confirmationem, quod hæc Transactio, perpetuus consensus, & unanimes decisio, ac quidquid præterea literis his commissum, secundum nostrum omnium, nempe universi Senatus, Equitum, Episcoporum, Prælatorum, Ordinum, Civitatum, Communitatis in toto Regno, unanimes, & diligentes obsecrationes, petitiones, consensus, in libera nostra relictæ conditione, non coacti, neque compulsi, pro salute totius Regni Sueciæ, & inhabitatorum prosperitate, tranquillitate, commodo, & emolumento peractum est, inviolabiliter sit servandum; idque ipsum esse promissum, juramento confirmatum & stabilitum, constet; Nos R. M. & Regni Consultores, Nobiles, & plebei, unanimiter, & peculiariter, nomine omnium confratrum nostrorum, & Ordinum Regni, cunctarum Civitatum, & Communitatis, præsentium, & absentium, quisque pro se, & suis successoribus hæredibusque, in perpetuum testimonium, quod scilicet præmemorata universa firmiter & inviolabiliter observaturi sumus, nostra propria & agnata sigilla, scienter hic infra appendere curamus.

Datum

Datum & exaratum Arosiæ, in octava Epiphaniæ Domini, quæ incidit in XIII Ianuarii, anno clō lo XLIV.

Secundò observandum, quum regnum jam à tempore Gustavi R. Romana sacra abdicaverit, etiam omnia quæ caliginem Romanam arguunt in usu esse desisse: itaque in solemni Regis inauguratione, reliquiarum tactionem jam dudū omitti, de quâ leges loquuntur libro secundo cap. IV; atque adeo solemni illi juramento, *sic mihi Deus sit propitius in corpore. & anima, ac Virgo Maria & S. Ericus, omnesque Sancti, ac reliquia Sanctorum, quas manibus tango; successisse hoc; Hoc juramentum sancte promitto atque spondeo omnibus meis subditis, junioribus & senioribus, natis & nascituris, non charis sicut charis, præsentibus ut absentibus, fideliter me servaturum, illud nullo pacto prævaricando, sed potius consummando, omni prorsus regio amoris affectu; ita Deus corpori & anima mea sit propitius, ut ego hac fideliter servavero: ut patet ex exegeſi in juramento à Sigismundo Rege præſtito: atque ad eundem modum in omnibus juramentorum formulis, quæ ab inferioribus magistratibus & aliis regni ministris præſtantur: ideoque neque legife-*

ros, uti dicitur lib. viii legum, cap. i,  
 super reliquias jurare. Quare & hoc,  
 quod capitulo de ingenio, moribus &  
 consuetudine Suecorum sub finem ex  
 iisdem legibus additum; *alia medietas*  
*pro anima ejus expenditur*; sane hodie  
 intelligendum, nimirum medietatem  
 illam non in missas pro defunctis, sed  
 in alios pios usus erogari. Hoc quo-  
 que, quod lib. ii, cap. xxi, dicitur de  
 equitibus Archiepiscoporum, hodie in  
 usu esse desisse accepimus. Deniq; quæ-  
 cunque ullo modo Romanam caligi-  
 nem sapiunt, jam mutata esse mone-  
 mus, postquam reformata religio se-  
 cundum Augustanæ confessionis teno-  
 rem in Regno fuit stabilita. Quæ uti  
 perpetuo & inviolabiliter custodiretur,  
 hæc asscuratio à Rege Sigismundo,  
 quia ipse Romanæ addictus erat, post  
 inaugurationem fuit accepta: Nos  
 Sigismundus, Dei gratia, Sueciæ ac Po-  
 loniæ Rex, notum facimus quod cum  
 Dei præpotentis clementi providentia,  
 & illo jure hæreditario, quod secun-  
 dum Ordinum Regni Sueciæ electio-  
 nem & litterariam obligationem ad  
 nos devolutum est, regni Sueciæ gu-  
 bernaculo, omnium consensu legitime  
 potiti simus; ideo hisce vicissim, amo-  
 ris & gratitudinis ergo, omnibus nostris

subditis promittimus & spondemus; primo & præcipue, nos omnes & singulos, summos & infimos, Ecclesiasticos & Politicos, Nobiles & plebeios, in pristina religionis libertate conservaturos, ut illa omnino libere sine omni impedimento fruantur, secundum Augustanæ Cōfessionis(quæ Carolo Quinto in Comitibus Vindelicis anno 1530 porrecta) tenorem, & velut avi nostri extremo, parentis autem (piæ memoriæ (primo gubernationis tempore, & nunc ad extremum anno 1593, mense Martio, ab omnibus hujus regni Ordinibus Vbsalia approbata & acceptata, omnes in ea protegentes religione, neque ullis scholis aut templis uspiam in regno erectis, bonis aut malis mediis violentiam illaturos; ut neque in Ecclesiasticis aut Politicis regni muneribus, ullius hominis utemur opera qui non hujus præfatæ & generalis per Sueciam fuerit sectator religionis; aliàs quiete & pacate sese gerentibus, legibus Sueciæ, privilegiis & prærogativis æqualiter cum aliis Sueciæ subditis, pro sua quilibet conditione & statu, integrum sit frui. Deinde, charissimam patriam nostram Sueciam, quo decet amore, prosequemur; indigenarum fidelium salutem & commoda fideliter semper  
circum



circumspiciendo, una cum iustitiæ singulari patrocínio, &c. Datum in arce Vbsaliensi, XIX Febr. anno clō 1ō xciv.

Cæterum ut de politico & civili regimine porro dicamus; Quinque sunt in regno Sueciæ collegia primaria, penes quæ Regni est administratio.

Horum primum est, IUSTITIÆ. Cujus tres sunt Ordines: Supremus, mediûs, & infimus. Ex quibus hunc obtinent Legiferi civitatum, plebei quidem, sed honestissimæ conditionis & juris Suecici periti: Istum provinciarum nomophylaces, communiter *lagmân* dicti, viri præcipuæ nobilitatis & dignitatis: Supremum vero illustrissimi regni Sueciæ Senatores. Ad hoc iudicium devolvuntur omnes causæ, quotquot in forum veniunt per universum regnum, criminales & civiles, ut iudicet an recte ab inferioribus iudicibus definitum sit vel secus: nec datur ab hoc iudicio provocatio, nisi ad ipsum regem, penes quem est, aut pænam mitigare aut crimen abolere. Huic supremo Tribunali duo alia subalternantur; criminalium scilicet, & curiæ seu cameræ.

Alterum collegium est MARTIALE; cui res bellicæ deliberandæ, omniaque militiæ negotia ordinanda commissa. Oportet enim regiam maiestatem non

solum legibus esse armatam; sed armis quoque instructam, ut pace & bello recte possit gubernare. Huic collegio præest præfectus generalis exercitus.

Tertium collegium est CANCELLARIAE; in quo tractantur omnes causæ, tam ad forum politicum, quam ecclesiasticum pertinentes. In hoc præsidet regni Cancellarius, qui diplomatibus, edictis, mandatis, epistolis, & aliis scripturis regiis conscribendis, atque signandis, quæque ad eum mittuntur, accipiendis & legendis præest. Dat etiam responsa regis nomine, & in senatu proponit de quibus rebus deliberandum est: denique senatûs consulta regiaque comitialia placita ac decreta literis mandat, & in publicum edit: est etiam cognitor privatarum querimoniarum & provocationum, quæ ab urbanis & oppidanis atque adeo præfectorum iudiciis ad regium tribunal devolvuntur: in summa secretariis, scribis, sacerdotibus, cæremoniisque Ecclesiasticis moderatur.

Quartum collegium est AMMIRALITATIS; cui curæ sunt omnia navalia, classes, machinæ bellicæ, comæatus, miles nauticus, omnisque bellicus in re navali apparatus, denique omnia, quæ ad tutandum imperium, & mare ab hostibus

stibus & piratis tutum præstandum pertinent. Huic collegio præest Ammiralius regni, qui & sub se alium habet Ammiralium, & in singulis navibus singulos præfectos.

Quintum collegium est REGIAE CAMERAE seu Fisci; in quo omnium totius regni reddituum, seu tributorum, tam castrorum, quam prædiorum, nec non teloniorum, tam in mari quam in terra, rationes redduntur, examinantur, expunguntur atq; laudantur. Huic collegio præest Præfectus generalis ærarii; qui secum duos ex nobilitate habet, & scribas multos ex plebeiorum ordine; qui pro labore annuatim habent stipendium. Hic quoque præfectus est promus & condus thesauri regii, symbolorum seu insignium regni, qualia sunt corona, pomum, sceptrum & gladius: monetariæque officinæ magister. Denique stipendia, tam militaria, quam aulica, absolvit: reddendæ rationi soli regi obnoxius.

Inter hos præfatos primarios regni administratos, recensendus MARSCALCHVS, aulæ regię magister, & administrator concilii publici; penes quem est jus convocandi senatum ex mandato regis, imperandi silentium, & attentionem indicendi; faciendi potesta-

tem in comitiis dicendæ sententiæ; legatos externos excipiendi, illisque de rebus necessariis providendi; ejiciendi è concilio eos qui ad id non pertinent; decreta regia in causis infamiæ & ultimi supplicii exequendi; pompas publicas ordinandi; compescendique motus inquietorum & turbulentorum. Marschalco quoq; competit in aulicum comitatum, administratos mensæ regię, & similes, jurisdictio & animadversio. Denique in publicis conventibus & regi in publicum prodeunti præfert baculum erectum ligneum.

Proximæ post hunc dignationis tam regni quam regis administrati, sunt Connestabilis, Marschallus exercitûs, Pincerna, Camerarius, Secretarius, Referendarius, Quæstor publicus, Assessores judiciorum criminalium, & Assessores curiæ seu cameræ.

Porro, hoc regnum, non solum in Provincias, Ducatus & Comitatus, sed quælibet etiam Provincia dividitur in territoria sive præfecturas, vulgo *Härads* dictas; quæ parochias aliæ plures, aliæ pauciores comprehendunt.

Quælibet provincia habet suum Marchionem seu gubernatorem, quem Suecica lingua *Landzherre* seu *Stathaller* vocant. Ejus munus proxime ad regiam  
maje-

majestatem accedit. Quælibet præterea præfectura suum *Leensmannum* habet; & quælibet parochia suum *nembdarium* seu *nemdemannum*. Quæ officia omnia distincta sunt & subordinata; ab hoc fit accessus ad istum; ab isto ad prætorem, & legislatorem; ab his fit appellatio ad præfectos & legiferos; ab his ad judices curiæ, si quæstio est de re tributaria; vel ad judices criminalium, si quæstio est capitalis; ab his ad concilium supremum Iustitiæ: ab hoc ad ipsum regem. Scitum porro in Comitibus Stockholmiensibus anno 1602 in hunc modum: Quanquam diversis temporibus, patentia prodierint in vulgus diplomata, velut lura & regni Statuta mandant, ne ullæ querelæ, quæ in judicio territoriali sunt examinandæ, in aula excipiantur, priusquam illic examinatæ & dijudicatæ fuerint; & deinceps nisi ruri decidentur, legitima quadam appellatione, eminentiori subjiendæ judicio: Attamen paucos admodum hujus rei observatores invenire licet, sed quotidie S. C. infinitis obruitur querelis, ut impossibile sit S. C. universas semper decidere. Quamobrem nunc statui-  
mus, ut præfata exequutioni tradantur mandata, omnibus querelis in judiciis territorialibus discussis primo, & legiti-

me dijudicatis : postmodum vero qui hac sententia non fuerit contentus, ad aulæ forum appellet, ubi justitia illi administrabitur, à quo nemini licebit appellare. Si quis igitur ad aulam aliquas detulerit querelas, non hac ratione prius discussas, remittendus est.

Quot sunt provinciæ, tot sunt itidem Legiferi; nempe undecim. quibus plus quam trecenti Vicecomitatus seu territoria subjiciuntur. Legiferi partem suæ provinciæ quotannis circummeunt & perlustrant, donec omnes & singulæ provinciæ visitentur. circulo quodam absoluto, ad priorem partem denuo visitandum revertuntur. Quæ res quemadmodum ad statum reipub. sigillatim dignoscendum, & ad remedia opportuna morbis publicis adhibenda, mirifice prodest, ita populos sublevat recreatque: quandoquidem ex territoriis, & parochiis, quas visitaverunt, tributum alternatim exigunt, ne universæ simul aggraventur.

Denique hæc quoque è Comitibus Lincolniensibus anno 1599 adjicere visum. Sextò etiam perpendimus, & æquali lance examinavimus, ut quandoquidem jura mandent Suetica, quo judicia prætorialia pro dignitate peragantur in iis Regni ditionibus, in quibus necessi-

tas illa postulaverit, ut unicuique, diviti  
æque ac pauperi, summo ut infimo, qui  
alterum alicujus nomine jure posset  
cōpellare, justitia administretur; Cum-  
que ejusmodi judicia hac hominum  
memoria vix in hoc regno celebrata  
deprehendantur, & ideo plurimæ con-  
troversæ inter familias, & varias partes  
adversarias, non decisæ adhuc persi-  
stant, examinari & determinari non  
valentes, priusquam in memoratis judi-  
ciis sub legitimo fuerint examine: :  
Quamobrem cum Illustrissimus Prin-  
ceps Dux Carolus id consultum duxerit,  
ut semel aut bis in anno hæc judicia  
prætorialia instituantur; nimirum hye-  
mali tempore Vbsaliæ in nundinis Di-  
stinganis; æstate autem circa festum S.  
Petri hic Lincopiæ: Ideo nobis etiam  
necessarium videtur, ut hac ratione  
utroque anni tempore, aut certe uno  
eorum, prout commoditas, tempus,  
& negotia postulant, hæc judicia pera-  
gantur.

Quando autem ejusmodi tribunalia  
celebrantur, secundum jura citra sex  
hebdomadas publicata judices terre-  
stres ad præfata judicia accedent, & non  
alii eorum loco, sine legitimo impedi-  
mento: His igitur judiciis omnes con-  
troversæ, quæ aliàs coram judicibus

provincialibus decidi nequiverant, examinabuntur & decidentur, cum aliis pluribus quæ illa consultatio super hac re conscripta comprehendit, & admonet, prout S. C. ante biennium etiam regni Ordinibus Vbſaliæ deliberandum proposuit, atque propediem ex typo divulgandum; Proinde quicquid in hoc foro prætoriali, inter partes adversarias judicatum & conclusum fuerit, firmum fixumque sine revocatione permanſurum, contra quod nemo potestatem habiturus est appellandi, velut jura nostra illud etiam expresse vetant: Quod cum ita sit, provinciales judices, & qui eorum loco munus obeunt, in Regni Cancellaria sua deponent juramenta; Quod etiam secundum Leges Sueticas in judiciis provincialibus, priusquam potestate & munere judicis fungantur, faciuri sunt.

Similiter à nobis unanimiter & concorditer approbatum & conclusum est, ut quandoquidem multis annis superioribus lustratio bonorum regalium in hoc regno sit intermissa, & conditio reipublicæ hoc tempore summopere postulet ut ea instituatur, quò partim regni corona cognoscat, quæ ad illam jure spectent bona, sine impedimento retinenda, partim etiam alii  
quod



quod ad illos legitima possessione pertinet, illo libere fruantur, & utantur; Ideo summopere necessarium est, ut ejusmodi bonorum regalium lustratio primo quoque tempore in regni ditionibus instituatur & peragatur: Cumque ad hoc prudentes, & justī requirantur viri, qui sine respectu & ullius auctoritate illud legitime examinent, quod passim in illo munere & tempore occurreret; Proinde S. C. statuendum relinquimus, quorum opera ad hoc S. C. velit uti; nobis certo certius persuadentes, neminem eorum quos huic expeditioni idoneos S. C. judicaverit, & justitiæ amantes fuerint, hunc pro reipublicæ emolumento laborem detrectaturum.

Septimo, inter alia etiam illud deliberandum suscepimus, quod ut regni hujus gubernator probe cognoscat, quantæ copiae ex provincia quavis, & pedestres & equestres, sint expectandæ, ac quanta fiducia, belli necessitate ingruente, in illis sit collocanda; Sicut etiam ne indigenarum multitudo toties militum conscriptionibus, velut hætenus factum est, molestetur. Quare à nobis unanimi consensu statutum est, ut certus quidam numerus equitum & peditum in quavis provincia, regni impensis annuatim & continuo alatur, in tanta  
multi-

multitudine, quantam S. C. ordinaverit, quorum salaria & sustentationes, quando domi remanent, neque in aliqua expeditione militari constituti sunt, ex coronæ proventibus tantæ numerabuntur, quantas super hac re ordinatio certa constituenda permiserit: Verum quando in expeditione aliqua militari, contra regni hostes, totus exercitus ex quavis ditione, aut aliquot illius cohortes terra vel mari expediuntur, tum cupimus, ut ex provincia de qua miles desumitur, tantum victualium contribuatur, quantum continuandæ tempus militiæ postulat, quo non sit necessarium, ut una provincia contribuat pro altera, aliumque militem sustentet, quàm cum qui ex eadem ditione egressus est, unaquæque suis copiis prospiciens: Atque cum in quavis provincia non sit æque numerosus miles, sicut neque indigenarum frequentia æqualis ubique, quæ subsidia latura est; Ideo etiam super hac re certa ordinatio constituta est, ut auxilia quæ hac ratione exercitus sustentationi impendantur, sint ubique æqualia, tam in una quam alia regni ditione, ut non major unius provinciae inhabitatori, quam alterius incumbat subsidiorum militarium contributio: Deinde si militum

tum in una provincia major esset numerus, quam contributione ex provincia facta sustentari in expeditione militari possit, ille defectus sustentationis ex annuis coronæ in eadem provincia redditibus supplendus, ut militi necessaria ex quavis ditione, pro tot mensibus, quot in expeditione est commoraturus, subministrantur: Quæ ordinatio semper observanda, siue copiarum militares domi morentur, siue sub signis contra hostem militent.

Octavò, quandoquidem jura Suetica titulo de Ecclesiasticis commendent, ut decimarum in agro ex decimo quovis manipulo seu fasciculo seponantur, ex quibus triens sacerdoti pendendus: Itaque ut ejusmodi decimarum, qua illa triens, qua reliquum quod in granarium Ecclesiæ inferendum, legitime secundum jura contribuantur, ut quilibet suam portionem sine diminutione obtineat, propterea cum præfatis decimis in posterum sequenti modo procedendum. Etenim omnes qui prædia tributaria inhabitant, atque colunt, frugemque aliquam referunt, siue ex agris, siue sylvis ustulatis, nullo excepto, decimum quemque fasciculum elargientur, ab una incipientes agri semita, & desinentes circa alteram, ab illo manipulo facto

exordio, quem primo ex agris deportant agricolæ, quousq; decem fasciculorum fuerit completus numerus; Deinceps sacerdos trientem inde accepturus est, ipsum suo proprio granario inferens, & quando placuerit tribulis extundere curans; Verum residuum à colono tribulis extusum, granario Ecclesiæ inferetur, velut hætenus factum. Denique ut dignoscatur quam juste & legitime persolvantur decimæ, quidquid Sacerdos obtinuerit decimarum, deposito juramento retinebit: Atque si præfectus decimarum in rei veritate cognoverit, aut Sacerdotem perverse faslum, aut rusticum injuste Sacerdoti vel granario Ecclesiæ decimas persolvissè; partem citabit ream ad judicium, secundum jura Suerica mulctandum: Insuper omnes præfatas decimas persolvere tenebuntur, sive sint generi, sive famuli, aut quicumque tandem agrorum culturam exercentes, nemoque prorsus ab illis pendendis sit liber, præter nobiles, quoad illa solum prædia, in quibus ipsi met commorantur, quantum ad illam portionem, quæ granario Ecclesiæ inferenda; Verum trientem sacerdoti pendendum unusquisque persolveret, cum suo sacerdote super hoc concordans.

IV.

DE VECTIGALIBVS  
REGIIS.

**R**IA sunt genera vectigalium, ex quibus præcipui redditus regi Sueciæ annuatim proveniunt.

I. Primum *Fodina*; è quibus non modo cuprum, ferrum, plumbum, copiose eruitur, sed etiam argentum, ex quo thaleri Suecici cuduntur, qui propter argenti absolutam perfectionem inter meliores censentur. Minerarum vero aliquæ impensis regis effodiuntur, aliquæ privatarum personarum. illarum quidquid effoditur, rex habet: harum, non minus quam siliginis, frumenti, hordei, piscium, boum, pellium, rerumque similium, consequitur decimam. Ex cupro & ære, quod ex duabus tantum fodinis extrahitur, rex per hæc tempora 1050 *schipundt*, & aliquando amplius colligit. Atq; ex abundantia dictarum fodinarum fit, ut non modo ad muniendas arces, sed etiam ad armanda navigia magnus reperiatnr numerus tormentorum bellicorum, quorum summa ultra octo milia ascendere dicitur, quæ ex ære confata

flata sunt: & in sola arce Stocholmensi quadringenta tormenta majora numerantur: & plura confici possent si opus esset. Quod si etiam rustici diversarum fodinarum venas, quæ sæpius reperiuntur, non absconderent, haud frustra creditur futurum fuisse, ut ad longe majorem summam ascenderet utilitas, quæ ex illis fodinis extraheretur.

II. Alterum est *fructus frugum & telonia*, tam terrestria, quam maritima; nam rex per omnia regna tributum exigit & decimas, frugum, siliginis, hordei, butyri, boum, piscium, pellium, rerumque similium; quarum rerum summa & numerus annuus certo intelligi non potest, quamvis in fisco regio certa eorum ratio habeatur; interim ad novem vel decem milliones ascendere credibile est.

De teloniis hoc in comitiis Stocholmiensibus anno 1602 scitum invenio: De censu telonario, quem regni hujus incolæ persolvunt, more solito observandum, nimirum ut merces extra regnum mittendo mediatum censum persolvant indigenæ; ex transmarinis autem oris merces excipiendo sint liberi: tamen qui mercimonia emittunt aut recipiunt, rationibus & juramentis in veritate demonstrabunt, quod nullas ad

ad peregrinos spectantes suis mercibus supposuerint: &, si quis deprehensus fuerit, quod hoc pacto alienigenarum merces occultet & emittat, tam illis quam etiam propriis spoliandus.

In comitiis item Norcopiæ celebratis anno 1604: Siquidem ex antiquo tempore consuetudo viguerit laudabilis in hoc regno, prout Historiæ, & nonnullæ Constitutiones à Regibus, Gubernatoribus, Senatoribus, & regni Ordinibus factæ testantur, ut pro mercibus quæ ex hoc regno exportantur, certa quædam summa solidorum thalerorum, aut etiam argenti non signati, in usum cudendæ monetæ, pendatur. à mercatoribus: Itaque ut optima moneta in regno signetur, eandem constitutionem renovandam duximus, ita ut omnes mercatores negotiantes, tam interni, quam externi, pro centum thalerorum mercibus quas hinc in exteras nationes transmittunt, in telonio decem solidos thaleros deponant, aut certe dextantem argenti, atque pro his protinus recipiant ex moneta Suetica, nunc per regnum usitata, integram suam persolutionem, pro quovis scilicet thalero imperiali triginta sex grossos Sueticos, & pro quovis argenti dextante sedecim grossos Sueticæ mo-

netæ: Proinde quicumque pro omnibus & singulis centum thalerorū mercibus, tot solidos thaleros aut argentum non deposuerit, quot dictum est, illi prohibenda mercium exportatio: Sueticis tamen mercatoribus eo usque liberum erit præfati argenti in telonio depositionem suspendere, quousque redierint, negotiatione & profectio in exteris expedita: Tum vero pro quibusvis centum thalerorum mercibus quas secundum telonii ordinationem ex regno exportarunt, inferent in regnum nonaginta thalerorū varias merces, atque pro iis nonaginta thaleris, aut decem solidos thaleros, aut dextantem argenti per commutationem legitimam Telonario numerabunt secundum telonii ordinationem, nimirum pro quovis thalero triginta sex grossos Sueticos, & pro quovis dextante argenti Sueticæ monetæ sedecim grossos: Quicumque hæc non fecerit, prima vice quadraginta marcarum Sueticarum, secunda vice mercium quas importat, sustinebit jacturam & mulctam.

Pellium reditus & vestigal modo majus est, modo minus, prout frigora magis minusve intensa, & nives abundant; nam quo eæ magis excresecunt, eo plura capientur animalia.



Ex regione Lapponum, qui in ultima septentrionis plaga degunt, rex majorem pellium copiam extrahit; Vtque earum certiolem habeat rationem, quotannis illuc ministrum mittit, quem scribam appellant: Is adeo diligenter in captivorum animalium multitudinem inquit, ut regium ærarium difficulter defraudari queat. Hæ pelles ad regem allatæ inter consanguineos regis distribuuntur, interque amicos; & iisdem plerique donantur; iisdem & mercatores compensantur, qui ad usum aulæ suas merces dederunt, vel sunt daturi.

Tertium redituum genus consistit in vestigalibus arbitrariis. Nam quotiescunque regi militares copię conscribendæ sunt, vel ad bellum à finibus regni propulsandum, vel hostibus inferendum; comitia regni solet indicare. in quibus exponitur, quanto comœatu, atque aliis, ad bellum gerendum opus sit; & ordines regni consentiunt in certam contributionem; quæ & crebra & interdum valde onerosa accidit subditis pro belli gravitate aut diuturnitate. Quare ut subditis aliquantulum succurreretur, in comitiis Stockholmiensibus, in quibus Sigismund. R. abdicatus fuit, statutum invenio in hunc modum. Ad

extremum, concordibus suffragiis à nobis statutum est, quod, licet in privilegiis Nobilium permissum sit, ut quibus territorialis iudicii authoritas reditusque feudo cesserunt, eam partem multæ pecuniariæ retineant, quæ territorio adjudicata est; Tamen, quum illud repugnet è diametro Iuri Suetico, iustumque sit ut quilibet sine impedimento sua prærogativa fruatur, ideo quodlibet territorium dimidium illius trientis, quem jura territorio adscribunt, & iudices territoriales hætenus obtinuerunt, consequetur, ut in qualibet ditio-  
ne, necessitate exigente, sit in promptu aliquid, quo opus non sit toties regnum contributionibus & novis exactionibus onerare: unde etiam indigenæ territoriorum iis providere poterunt de viatico, quos ad comitia aut alia negotia publica expedienda subinde ablegant: Quamobrem ejusmodi proventus in scrinio territoriorum, sub quorundam fidelium virorum, sigilloque territorii, adservabuntur. altera autem pars trientis iudici territoriali cedit, velut antea.

Et in comitiis Stocholmiæ secundò habitis anno 1602. Quamquam Suder-  
copiæ conclusum, ut certus iudiciorum  
codex, de omnibus negotiis toto anno

trans-

transactis, ex quovis territorio in cancellaria deponeretur, alter autem in scrinio territoriali; similiter hinc Stockholmæ anno 1599 decisum fuerit, ut quodlibet territorium dimidium ex illo triente, quem jura territorio attribuant, & judex provincialis hætenus percepit, retineret, in scrinio territoriali illa pecunia asservata, territorii & fidelium quorundam virorum sigillis obmunita, quo in urgentibus reipublicæ necessitatibus aliqua sint in promptu subsidia, neque opus toties contributiones & exactiones ditionibus imponere: Attamen post illud tempus, quo hæc constitutio facta, pauci admodum codices judiciorum ad regni archivum sunt destinati; sicut neque in scriniis territoriorum multum in promptu deprehensum. Proinde judicibus provinciarum posthac incumbet, ut suos judiciorum codices præsentent sine diuturniore mora; qui à nonnullis prudentibus viris sunt revidendi, ratioque ab illis reddenda, quantæ annuatim multæ judiciaræ obtigerint, & quid ex illis in scrinium territoriale devenerit. quicumque secus fecerit, jurisdictione judicis provincialis privandus est.

Est nihilominus in hac contributione hæc differentia, quod nobiles pari-

terq; eorum subditi nihil ut plurimum contribuunt, nisi summa necessitas ita flagitet.

Verum quoties decernuntur bella consensu nobilium, & defectus in com-  
meatu reperitur, tunc ipsorum subditi  
medietatem taxationis pendant pariter  
cum iis qui regiæ majestati immediate  
subjecti sunt.

Tenentur præterea subditi vecturas  
præstare non modo regi sed & nobili-  
bus : de quibus hæc invenio constituta  
fuisse anno 1597 in comitiis Arbogien-  
sibus, ex responso Caroli, tum Ducis  
Sudermaniæ, & Regni Gubernatoris;  
quod ita se habet; Postremo, quamquam  
clementissimus, Princeps & Dominus,  
Dominus Carolus, media excogitarit,  
quibus promiscua multitudo mitiga-  
tionem & libertatem sentiret plurima-  
rum vecturarum, quibus hætenus fue-  
rat onerata, maxime ab illis, qui testi-  
monia & jus liberas vectiones exigendi  
prorsus nullum habuerunt; nimirum  
ut in hunc finem ii, qui in regni aliisque  
necessariis negotiis emitterentur, certa  
commeatus insignia adferrent, de tot  
equis adipiscendis, quot indigerent: Ve-  
rumtamen, quum hæc insignia in mul-  
tiplicem usum devenerint, hoc nem-  
pe modo, quod plurimi insignia, quot

&

& qualia voluerunt, confici procuraverint ; itaque jam edictum & conclusum est , ut una cum ejusmodi vectiorum insigniis , viatoriae Illustrissimi Principis litterae adjungantur , quibus significabitur , quot equos singuli per hæc insignia exigere debeant, quoad generaliter ab Illustrissimo Principe & Regni Ordinibus deliberatum fuerit, quomodo ordinatissime atque tolerabilissime in celeberrimo hoc regno , æque ac in reliquis bene ordinatis regnis , hæ vecturæ procedant ; ita ut subditi & eorum & publicam utilitatem fuisse quaesitam inveniant. Quicumque vero plures equos , quam ejus testimonia perhibent , exigere ausus fuerit , juste puniatur ; atque hoc ipso nomine Scultetis & reliquis , tam generalibus , quam specialioribus , harum vectiorum officariis , defensoriae litterae communicabuntur , ne quisquam præsumat quemquam cogere vel compellere. Et , si exigere non reveriti fuerint , nemo tamen ad eos testimoniis destitutos quovis vehendos sit obligatus.

Denique in Comitibus Norcopiensibus anno 1604 de his constitutum in hunc modum : Licet nonnihil præteritis Comitibus consultatum sit, qua ratione innumeræ illæ vecturæ, quibus regni

inhabitantes gravantur, quam commodissime tollerentur: Attamen ad hoc usque tempus ad optatum effectum non pervenit, neque subditorum gravamina hoc pacto quicquam diminuta, licet S. C. de hac re plurimum fuerit sollicita, & partim optimis quibusque ordinationibus, partim etiam publicis mandatis, ea subditos molestia liberare studuerit. Itaque cum ejusmodi vecturæ & hospitalitates per anni curriculum inæqualiter transcant, subditique præter modum illis graventur, & exhauriantur, ut annua tributa persolvere nequeant, ideo commodiori adminiculo visum est nobis, non posse hæc gravamina removeri, quam ut subditi certam pecuniae summam contribuant (ad quam sese promptos obtulerunt) ac deinceps tabernatores secus quodlibet iter constituentur, & ubi necdum sufficientes sunt, duo aut tres, vel etiam plures, prout necessitas postulaverit, ordinentur, qui omnes hospitalitates excipient, ad quos unusquisque, tam regni Senatores, quam alii per regnum proficiscentes, divertent, pro cibo & vectura legitime persolventes, secundum tenorem illius Mandati, quod clementissimus Princeps & Dominus noster in suo Ducatu super hac re publicaverat, illudque

illudque quantum ad proprios regni servitores aut nobilium famulos spectat: Verum alii qui per regnum proficiscuntur, velut mercatores, aut quicumque tandem, cum tabernatore quàm possunt optime de solutione convenient: Atque si plures ad tabernatorem diverterint hospites, quam possit domo suscipere, & necessaria suppeditare, ad vicinum suum eorum quosdam expediet, sicut jura loquuntur, qui eadem jurisdictione, qua tabernator ipsemet, fruetur: Quare cum exercitus equestris aut pedestris ad lustrationem vel militarem expeditionem evocatur, menstruum, aut hebdomatarium, pro temporis conditione, illi numerabitur salarium, ideoque ubi per regnum transierit, in diversorio solvere tenebitur, apud nullum Sacerdotem aut rusticum diversans, sine persolutione; In quibus Commissarii, una cum aliis Ductoribus militaribus, diligentem inspectionem circa equites & pedites habebunt, nisi pro meritis, si secus factum fuerit, pœnam sustinere velint.

Similiter viri nobiles, intra Senatorium ordinem aut extra constituti, cum illi aut eorum famuli per regnum iter instituunt, pro se, ubi ad coronæ sub-

ditos pro aliqua promotione obtinenda diverterint, velut regii servitores solvent. Atque idcirco cum suis propriis rusticis de aliquo subsidio hac in re impetrando, prout cum illis conspirare poterunt, tractabunt. Neque regni etiam Domini, aut illorum famuli, nobilium subditos vectationibus aut hospitalitatibus molestabunt, nisi pro solutione legitima. Verum si contigerit, regni Senatores in reipublicæ negotiis longinquum aliquod iter instituere, regni Gubernator illis de viatico providebit. Hæc unanimiter de vecturis & hospitalitatibus statuere omnino decrevimus: & si quispiam his in contrarium fecerit, sine persolutione apud Sacerdotem vel rusticum diversans, officarii per regnum, & præfecti, una cum militibus & plebecula viciniori, illum comprehendent, sive unus aut plures sint, & deinceps sententiam in eos ferent, pœna legitima subsequente, sine omni gratia reis facta, & appellatione ad superiorem Iudicem, quemcunque tandem: Ideo in his Castellani, Præfecti, & Officarii diligentem inspectionem habebunt, ut cum ejusmodi negotiis legitime & rationabiliter procedatur; aliàs pro infidelibus reipubl. viris æstimandi & officio exuendi, si  
ami



amicitiæ aut alterius cujuscunque habuerint respectum.

Similiter tenentur subditi contribuere ad dotem matrimonialem filiarum regis, cū earum aliqua nubit; Summa autem contributionis hujus, hucusque fuit centum millium thalerorum, præter argentea vascula, & reliquam suppellectilem domesticam; nihilominus rex illud superaddere potest, quod honestati consentaneum est.

De hisce Comitibus Norcopiensibus anno millesimo sexcentesimo quarto loquuntur in hunc modum: Quum jura Suetica mandent, ut quando rex prolem suam matrimonio jungere voluerit, teneatur omnis indigenarum multitudo dotem contribuere, atque in Gustavi regis (laudatissimæ memoriæ) Testamento præcipiatur, ut quævis filia regis connubium initura, pro dote centum millia thalerorum consequatur, in legibus Sueticis vel Testamento præfatto, ne verbo quidem facta mentione, quantum pro suo statu quilibet teneatur ferre suppetiarum; Proinde in his Comitibus assensimus ut S. C. una cum Regni Senatoribus hac super re ordinationem constituat, secundum quam nos postmodum, ubi hoc forte fortuna regis cujuscpiam nostri evenerit filia, non

non tamen prius, lubenter auxilium la-  
turi sumus, ita ut præfata summa quæ  
in Testamento exprimitur, nimirum  
cētum millia thalerorum, compleatur.

Quoties vero rex procerum aliquem  
beneficio afficit, debet ei certum ali-  
quem rusticorum numerum largiri, qui  
tanquam subditi & tributarii sub domi-  
no vivant.

## V.

DE POTENTIA REGIS  
Sueciæ, tam mari, quam  
terra.

**R**EX Sueciæ, præter triremes,  
quarum in illo mari non exi-  
guus usus, ut plurimum supra  
quingenta naves bello pa-  
ratas jam olim habuit; quarum quedam  
ad sexaginta, septuaginta, & octoginta  
æneis tormentis instructæ sunt. hodie  
haud dubio longe plures habet. Nec dif-  
ficile ipsi est sex nautarum millia inve-  
nire, non solum remiges & navales so-  
cios, sed etiam magistros & ministros  
navium; quia universus tractus Findlan-  
dici maris, qui quadraginta millia pas-  
sum in longitudinem occupat, item  
maris Roderici, qui duplo major est, &  
insulæ

insulæ non paucę, continuâ suppeditant incolis occasionem in mari versandi. unde experti audacesque nautæ evadere queunt. Illorum nautarum acquirendorum, nec non detinendorum ratio, Regi non admodum dispendiosa est, quandoquidem ex tributo, quod provinciæ pendunt, distribuit inter ipsos carnes, pisces, butyrum, siliginem, hordeum, pro majori stipendiorum parte.

Hæ naves pacis tempore in varias regnorum partes distribui solent: Majora navigia in portu Stockholmensi stationem habent; qui adversus incerta ventorum ita munitus est, ut naves hic absque anchoris tuto possint consistere; & ab hostili insultu admodum securus, quum in intimo recessu jaceat, ad quem nonnisi per infinitos scopulos viginti quatuor milliar. navigatione patet accessus.

Reliquæ regiæ naves in reliquis portubus locantur; maxime Findlandiæ, ut adversus Moscum præsto sint, si forte quid hostile moveat. Aliæ impediunt, ne ex Germania, aliisque portubus, illuc afferantur ea, quæ in regni Succici perniciem converti possint: ideoque regia majestas non admittit, ut illuc naves ullæ accedant trajiciantque, nisi ante licentiam ab ipso impetraverint, &

scripta,

scripta, sua manu vallata exhibeant, quæ *paß* vocantur, & à Lubecensibus aliisque magno pretio comparantur.

Quid multa? Rex Sueciæ mari longe potentissimus est. Nec minus quoque terra valet; nam magnum numerum peditum è subditorum delectibus potest educere; qui jam tot annis, quibus nunc cum Mosco, nunc cum Dano, & maxime cum Polono, belligeratum est, summâ in armis tractandis industriam sibi compararunt, fortitudinemque à majoribus acceptam in immensum auxerunt; ita ut rex inprimis hisce copiis fidat. Quatuordecim dierum spatium, cum subita necessitas ingruit, è suo regno rex duodecim peditum legiones, tribus millibus in singulas computatis, cogere per delectus nullo negotio potest. quas ei extra regnum ipsum, & ad Indos, si volet, educere jus fasque est.

Nec caret ad quæcunque belli munia obeunda idoneo & commodo equitatu Suecia, atque Finlandia; quippe quæ utraque magna equorum vi abundat; qui quantum reliquis Germaniæ & aliarum nationum equis cedunt magnitudine, tantum forte præstant bonitate. Certe strenui sunt, fortes, & in illa humilitate robustissimi, laboris  
supra

supra cæteros assueti & ad stuporem tolerantés, facillimi deniq; pastus. Sola illorum humilitas in causa est, cur ad sustinendos magnorum præliorum impetus eques fere ex Germania hætenus lautioribus stipendiis fuerit allectus.

Quantum deniq; exercitum tam perditum quam equitum possit educere, vel præsens expeditio quam rex suscepit ut cognatos & confœderatos suos à tyrannide Cæsarianorum liberaret, facile fidem fecerit: in quam tantas copias eduxit (quibus & magna celeritate & non minori fortitudine atque prudentia tantas res hoc anno gessit) ut difficile sit numerum earum inire; historiæ nostri ævi memoriæ æviterne consecrabitur, & omnis posteritas admirabunda obstupescet.

Multa quidem ab Oratore Pontificio (uti videtur) in relatione illa ad Pontificem Romanum de Regno Suecico, quæ extat apud Honorium; commemorantur, de militarium copiarum hujus regni per provincias distributione, de numero illarum, disciplinaque, & stipendiis; quæ quia hodie penitus in melius mutata sunt, & ad meliores hodiernæ militiæ leges composita; supervacaneum existimavimus hic adjicere.

alios *extra patriam* genti, quæ rege BERICONE civilium bellorum metu sedes mutaverit, imperasse, & inter eos fuisse vigesimum secundum.

22. COTISONEM, Getarum regem, cui Iuliam suam Augustus despondit; quo tempore sibi invicem filiam ejus in matrimonium petierat M. Antonius; ut intelligendus est in Augusto Tranquillus. Cæterum *in tempora Servatoris* imperium incidit ERICI, tertii, cognomento *Diserti*, illud fastigium per merita adepti; cujus gravia in Frotho-nem Danum, & una cum illo ad sanio-rem mentem & arctiorem amicitiam reverso, in Slavos & Hunnos memoran-tur bella. Succedere Erico

41. GODRICHVS filius: dein

42. HALDANVS. Hujus temporibus floruit monstrum illud fortitudinis (à qua ei & nomen) STARCHERVS; cujus non minus quàm Tyræi cujusdam in-centiva ad virtutem extant carmina, Latine ex Suevico eleganter versa ante quadringentos annos à Saxone Gram-matico. Post illos longa continuatur regum series; sed quorum maxime me-moranda longa videntur damnata no-cte, veluti in gente, actionibus potius, quam scriptis, æstimante immortalita-tem. Ac longe quidem felicioris fatis re-

liquum orbem migrationibus & imperiis inundarunt Ostrogothorum, VVeſtrogothorum, & qui illis imperarunt, Theodericorum, Attalarici, Attarici, Totilæ, Teiæ, Radagiri, Alarici, Ataulphi, Sigerici, Valliæ, Roderici, reliquorumque nomina, quibus ipſi Romani, dum virtutem nec in hoſte ſilent, ut ſuam extollant, digni obtigerunt vates.

100. Sub BIORNO, regum domeſticorum centeſimo, cum occidentem regeret Ludovicus Caroli M. filius, anno 816, Chriſto primum nomen dediffe Sueciam, laborante S. Anſgario, monacho Corbeiendi, author eſt Ludolphus de Bebenburg, libro de zelo Chriſtianæ religionis veterum Germaniæ Principum.

124. ERICVS SANCTVS; poſt quem Suercheri & Eriſi poſteritas alternis vicibus, & expletis utrinque odiis, regnat. Hic Ericus, Ingonis regis gener, poſt Suercherum, Gothorum Suecorumque regem, à proprio ſervo occiſum, virtute regnum adeptus, nec ſanctitate vitæ & imperii, nec legum, quas ſuis tulit, æquitate, nec expeditione convertendis ad Chriſtum Finlandis, feliciter conſecta, obtinuit, quo minus ſcelere quorundam ex nobilitate, & Henrici Dani Magnique huius filii, qui præci-

præcipuæ faces extiterant, occideretur, anno 1160.

125. CAROLVS, Suercheri filius, cum biennium jam Erico regnante Ostrogothis, qui à Suecis in eligendo rege Erico dissenserant, imperasset, octo deinde annos utrique regno religiose præfuisse, odio propter amicitiam Danicam flagrans, à Canuto, Erici S. filio, persuaso Carolum cum Danis eadem paternam fuisse machinatum, in insula *Visingr* occiditur anno 1168.

126. CANVTVS, Erici S. filius, pœnitentia ob eadem Caroli acta, & ab impugnatione Danorû prudentia Lundensis archiepiscopi aversus, moritur anno 1192.

127. SVERCHERVS, Caroli filius, vir militaris, prudens ac facundus, vindicandi in Canuti posteritatem pruritu à seipso mutatus, auxiliis suis, quos contra regnum ex Dania exciverat, terminio ad Lenam VVestrogothorum devictis, cruento altero bello à suis occisus occubuit anno 1210.

128. ERICVS, Canuti filius, Suercheri manibus elapsus, felicissime annis septem, quos ut annos abundantia & fertilitatis summæ annales notant, regnat; sed hanc felicitatem Sueciæ ostentam fata octavo regni anno ultra esse



non sinunt, extinguuntque una cum fertilitate, anno 1216.

129. IOHANNES, juvenis, pius, Suercheri filius, spe de se maxima concitata, anno regni tertio, præmatureto fato rapitur, anno 1222.

130. ERICVS Balbus, Erici S. pronepos, anno 1229. Contra eum affinis Canutus Folchungus conspirat, regno affinem ejicit; sed victoria mox versa occisus pacatum Erico regnum relinquit. Itaque arma in Tavestios infideles Ericus convertit, misso contra eos tertiæ sororis marito Birgero, Ostrogothorum Principe, viro magnarum virtutum, ac mox victis conversisque Tavestiis moritur, anno 1250.

131. VALDEMARVS, Birgeri filius, opera militis strenui, Ivani Blaa, absente patre eligitur. Pater, à Tavestiis reversus, dum sibi potius regnum deberi arbitratur, magnanimo Ivani responso (qui ex tunica sua, si, quod Birgerus objecerat, reges Sueciæ regno deficerent, se excussurum reges dixerat) territus, filio tutor, regnumque optime administrat. Birgeri morte sibi relictus Valdemarus, instinctu Danicæ uxoris fratres indigne tractat, donec à Magno, Suecorum studiis sublevato, capitur, & mox Gothico etiam regno, quod ei humanitas

ntas fratris permiserat, à proceribus privatur.

132. MAGNUS LADOLOS, fratri anno 1276 substitutus. cui cum Valdemarus, Danorum opera, continuo rem faceretur, post male fidam aliquoties initam reconciliationem captivitate tandem Valdemari lis sopitur. Fraudi ei potissimum fuit, peregrinos ac Danos rerum summæ præfecisse: quippe à Dano proditore inter sacra hospitalis mensæ ipse captus est; ac de cætero acre Suecorum, & Folchungorum præsertim, odium contraxit; ipsis vicissim tam infensus, ut eos fraude circumventos & ad convivium simulata amicitia vocatos cum præcipuis familiæ capitibus trucidaverit, extincta tantum non tota Folchungorum gente. Mutata sub finem vitæ hominis crudelitas est sanctitate, & in divini cultus exornationem propenso affectu; mortuusque est in insula Visfingiana, postquam filium regno, filio tutorem Turgillum Canuti, dedisset.

133. BIRGERVS, Magni filius, anno 1282; dehonestamentum sui & Suecici nominis, author fraternæ, qua nihil scelerius annales habent, tragædiæ. Remoto quippe Furgillo postquam felicia regni primordia sævior Principis natu-

ra inclinasset, fratres prodicionis infirmulavit, & in aperta cum iis bella descendit. à quibus primum captus, mox varia compositionis reconciliationisque simulatione delusos fratres, tandem ad convivium allectos capit, & in carcerem detrusos squalori & fami exanimandos relinquit, abjecta, ne ulla ratio subveniendi miseris superesset, in profundum præterfluentis fluminis clave. Quam crudelitatem pertæsi Sueci Gothique, arreptis armis regem regno ejiciunt, qui misere in Dania, unà cum uxore, moritur.

134. MAGNVS SMEECH, filius Erici, à Birgero fratre occisi, anno 1319. Nequicquam patruī vestigiis territus, contemptu sacrorum, portentis libidinum, & efferata crudelitate, publici prædonis meruit elogium. Indigne filiorum in regno consortium, quod velle simulaverat, ferens, in Ericum armat percussorem, quo ante scelus oppresso, filium mater Blanca Gallica veneno intoxicat. Ab Haquino altero Norvegiæ rege, bello captus, sed mox liberatus, in Dania fugit; sponsam filii Holsatiæ Ducem intercipi curat, Margaretam Danicam invito obtrudit, & dum vim majorem parat, interim in Sueciæ proceres fulmen proscriptionis ejaculatur.

135. ALBERTVS, Megapolitanus, Magni ex sorore nepos, à proscriptis Procerum eligitur, ac paulo post Stockholmæ consensu publico confirmatur. In regno constitutus concordiam Magno offert; sed is ad belli pejora versus capitur, ac septennio integro detinetur, donec à filio Haquino liberaretur. Albertus vero cum à Comitibus Vismariensibus redux Suecos contemptum haberet, ipse contemptum & intolerabilis habitus bello cum Margareta, ad cujus ambitus nonnulli inclinabant, implicatur, capitur, totoque & ipse septennio detentus, fide tandem Suecos absolvere cogitur, anno 1394.

136. MARGARETA Danica, Haquini Norvegiæ regis uxor, trium regnorum Domina, anno 1395; mulier magni animi, si in virtutem potius impetus illi & perpetui motus inclinassent. Verum illa, cum à strictis regni legibus, quas promptissimo tamen animo juraverat, jurejurando ut puerorum astragalus habito, resiliere, avaritia inexplebili omnia fœdaret, præcipua Suecorum hostibus crederet; Suecorum odio in Daniæ cessit, postquàm minis & terroribus Erico, ex sorore nepoti, quatuordecim annorum puero, regnum obtinuisset. Hujus illud est; Cum monita esset ne

contra verba concepta arces, tutelam regni exterorum fidei comitteret, Servate vos (dixit) qua potestis diligentia literas nostras; nos curabimus arces servari. Mortua est Flensburgi, & sepulta anno 1412.

137. ERICVS, Pomeraniæ Dux, anno 1396. Amitinæ perfidiæ lacte imbibito, violator pactorum, Nobilitatis, per bella externa, & navigationibus per sævas tempestates mandatis, extirpator, domi spoliator, contrarios habet Engilbertum, ex nobili Principem Dalcarlorum electum, &, hoc insidiis Danorum è vivis sublato, Carolum Canuti, regni gubernatorem. Profugus in Daniam, &, jam Danis quoque infensus, tentato & mox desperato in Sueciam, quæ redire & pactis stare volenti tendebat manus, reditu, Gothlandiam occupat, unde navigantes Aquilonares piratica infestaret. Verum tandem à Carolo Canuti obsessus, & à Danis sibi metuens, in ditionem avitam & ocium concessit, cum à coronatione regnasset annos quatuordecim, anno Dom. 1437.

138. CHRISTOPHORVS Palatinus, Dux Bavariæ; Erici ex sorore nepos; in quem, Danorum studiis evocatum, nonnisi post longam dubitationem & ad plurimam Danorum commendationem consen-

consensum est, anno 1442. Ejus præclara initia dissensione & mutuis Suecorum supplantationibus mutata in peius. Gessit cum Anglo bellum. quo victor, dum astu Lubecam adoriri, sed frustra, parat; ad Sueciæ littus passus naufragium, animum occupandi Vandalicas civitates despondet. Libidinem ejus fame ac peste regni Deus vindicat: ipse amissis in mari, quos ex Suecia exportabat, thesauris, in Dania moritur improlis, anno 1448.

139. CAROLVS CANVTI, à proceribus jugum exterorum fastidientibus, post aliquot annorum interregnum rex constitutus, an. 1458, Norvegiam subjecit; bello à Danis moto gravissimis eos damnis mulctat. In eum populus, Præfectorum insolentia emotus, sed classicum potissimum canente archiepiscopo Vpsalensi, insurgit: dumque Carolus à Polonia rege advocaturus auxilia Gedanum secedit, Christiernum Daniae regem regno obtrudit & coronat. Catillus interim, ex episcopo Lincopensi factus miles, archiepiscopi nepos, collectis undique copiis, regno ejicit quicunque Christierno favebant; ipsum Christiernum, utpote qui nullis omnino patetis staret, glaciali & memorabili pugna devincit; Carolumque ex Prussia revo-

cat. Qui reversus, recuperata favoris popularis aura, præfectos populo gratiores sufficit. Denique laudis ex virtute, non minus quam vitæ & regni, satur, obiit anno 1470. Post Carolum in serie regum nonnulli ponunt: 140. *Christiernum*. 141. *Ioannem filium*; 142. *Christiernum Ioannis filium*. Verum Ioannes Magni tres istos, qui *Principum* tantum nomine imperarint, substituit, omisis prioribus illis, quos ipse nonnisi factiosorum reges & usurpatores existimavit.

140. STENO STIVRE, ex sorore Caroli nepos, *Christiernum*, qui classem & exercitum mœnibus Stockholmiæ ad-moverat, victum fugatumque, à Suecia repetenda toto vitæ tempore abstinere cogit. Inde *Ioannem* filium ejus, evocatis Russis, & per occasionem discordiæ inter Stenonem ac Suantonem Sueciam aggressum, coronatumque per factiones, reprimit. Dum Ioanni marito captam Daniæ reginam in Smalandiam reducit, in convivio contracta ægritudine obiit anno 1503, regiminis trigesimo. Vir maximarum virtutum, sed hoc major, quod oblatum diadema respuit.

141. SVANTO, Ostrogothorum Princeps, & regni Consiliarius, Princeps Suecorum

corum eligitur, delato clam Stocholmiam, arte Gaddi Lincopensis episcopi & militis strenui, defuncti Stenonis corpore. Inita cum Lubecensibus confederatione, bellum cum Christierno secundo Ioannis (quem filii odio jam multi expetebant) gessit: in quem dum maiora molitur, anno 1512, Principatus octavo obiit; à virtutibus insigniter instructus, liberalis, & prævia severitate mitis.

142. STENO STURE junior, filius Suantonis; fraudes & insidias Christierni, missis ad familiare colloquium, quod ille petierat, Gaddo & Gustavo Ericson, prudentia evadit. Dum autem Christierno, cum novo exercitu Sueciam infestanti, strenue se opponit, inter fortissime dimicandum ictu bombardæ occiditur. Quo sublato, & Suecis dissipatis, Christiernus à Danicæ factionis proceribus vocatus coronatur: procerum præcipuis, quos sibi contrarios credebat, ipso coronationis die in convivio trucidatis: cæterum ob efferam immanitatem eodem, quo venerat mense, à regno exclusus, anno 1510.



## RELIQVA SVECICORVM

Regum successio,

*E Thuani Historia & actis publicis.*

**C**Hristiernus primus, qui extincta veterum Daniæ regum stirpe ex Comitæ Oldenburgico ad regium Daniæ fastigium Senatorum regni suffragiis est euectus, commendatione præcipue Adolphi Holsati avunculi; seditione in regno Sueciæ suborta, & Carolo Canuto rege ejecto, Ioannis Benedicti archiepiscopi Upsalensis factione evocatus, rex Sueciæ constituitur. inde Danis jus in Sueciæ regno. Ioannes patre mortuo regnum Daniæ xxxii annos tenuit: rexque ipse à tumultuantibus Gothis, Stenone seniore ejecto, qui Carolo avunculo successerat, eligitur: sed inde mox deturbatus, & à Suantone, qui favore Henningi Gaddi, ecclesiæ Lincolniensis antistitis, ab Ordinibus regni Stenoni suspectus erat, multis præliis victus in Daniam postremo se recepit. Suantone in civitate Arosiensi mortuo, Principe egregiis virtutibus cum paucis comparando, Steno Stura junior filius, vix tandem post multas contentiones, factione Danica Ericum Trollum Stenoni opponente, sed prævalente recenti pater-

paternorum meritorum memoria , à regni Senatoribus rex ordinatur. Bien-  
nio post Suantonem mortuum Ioanni  
decedenti successit Christiernus II, qui,  
pars magna cladium à patre accepta-  
rum, jus, quod ex successione avi & pa-  
tris in regno Sueciæ sibi vindicabat , ar-  
mis persequi decrevit. Steno, ut sibi vi-  
debatur, in regno confirmatus, jam adu-  
latorum , qui nimis multi sunt in au-  
lis Principum, consiliis corruptus, mul-  
ta perperam administrabat, & alienatis  
à se procerum animis, benevolentiam  
multorum ex populo amiserat: quibus  
compertis Danus, oportuno id rebus  
suis ratus , magno collecto exercitu in  
Stenonem ducit, & Stocholmiam Sue-  
ciæ regiam magna operum vi cingit:  
sed adventante Stenone, obsidionem  
solvit. quumque reflante vento exer-  
citus toto trimestri transmittere non  
potuisset , summa omnium rerum pe-  
nuria pressus à Stenone , qui illius ami-  
citiam omni studio demereri satagebat,  
commeatum & fidem accepit , quo se-  
cure cum exercitu incolumi redire in  
Daniam liceret. Tantam humanitatem  
quadriennio post Danus detestanda frau-  
de pensavit. nam , petito cum Stenone  
colloquio, quum paulum abfuisset quin  
Steno incautus in hostilem navem de-  
scendit.

scendiſſet, hac ſpe frustratus, legatos à Stenone miſſos, Gaddum & Guſtavum Erici filium, captos ſecum in Daniam contra fidem datam abduxit. Summum violatæ fidei ſpecimen cùm eo anno Chriſtiernus edidiſſet, ſequenti multo majus crudelitatis & perfidiæ ſimuledidit. nam, potentiori cum exercitu excuſſione in Veſtrogothorum terras à Danis facta, & pugna ſupra mare congelatum commiſſa, ictu tormenti in femore vulneratus Steno cum paulo poſt obiſſet, & Duce ſublato numeroſus Suecorum exercitus ſtatim diſſipatus eſſet, Chriſtiernus victor à proceribus regni, qui Danicæ factionis erant, evocatus, corona regia Stocholmiæ ornatur; eodemque die, veritus ne ſe abſente Stenonis liberi à contrariæ factionis Principibus ruruſus in regnum reſtituerentur, clauſis urbis portis, præcipuos ex omnibus Ordinibus viros convivio à ſe acceptos, populo aſtante & trepidante, ad xciv obruncari jubet, relictis ante prætorium ad horrorem per triduum cadaveribus. Stenonis ipſius corpus terræ paulo ante mandatum novi tyranni juſſu eſtoditur, & cum reliquis crematur. Viduæ denique, & filii interfectorum, bonis ſpoliantur. Ita Stocholmiâ proſectus cum multa

sæpe in multos passim perpetrasset, incolis ad facti famam ad xxx millia cum armis occurrentibus, ipse per devia & sylvas noctu potius quam interdiu iter faciens, in Daniam vix tandem revertitur; ubi tot cædibus efferratus, quum ne suorum quidem sanguine cruentam sitim restringere posset, à Friderico patruo Holsatiæ Principe, & Lubecensibus bello petitus, terrente conscientia, cum uxore Isabella Cæsaris sorore & liberis, in Zelandiam profugit, tertio post Stocholmiensem laniemam anno, qui fuit seculi xxiii.

143. Interea GYSTAVUS Erici fil. qui è manibus Dani evaserat, specie procurandorum Christinæ Stenonis viduæ negotiorum, Stenonis filia in uxorem accepta, procerum favore ac Lubecensium in prius opibus, regni vacui possessionem adeptus est. Is postea religionem majorum antiquavit, & confessionis Augustinæ doctrinam suscepit; & postquam regno summa prudentiæ laude totos xxxviii annos præfuisset, decessit anno dñi 1510, tertio kal. Octob. relinquens ex Catharina Magni Saxonie Ducis F. Ericum, qui in regno successit; ex Margarita vero Erici Abrahami Lotholmii fil. Joannem; & Carolum Sudermannie Ducem.

144. ERICVS patri Gustavo in regno  
 successit, Stocholmiæ anno clō lō LXI  
 coronatus. Hic grave bellum cum Da-  
 nis & Lubecensibus aliquandiu gessit;  
 & vicinorum omnium odia in se con-  
 citavit; &, quasi id parum esset, etiam  
 suorum animos in se irritavit. Ioannes  
 frater, Finlandiæ Dux, cui turbulenta  
 regis fratris consilia parum placebant,  
 ducta vidua Catharina Sigismundi Po-  
 loniæ regis sorore, per Livoniam men-  
 se Decembri itinere factō, Revalia in Fin-  
 noniam redierat, cxx clō Ioachimico-  
 rum Polono sororio creditis; pro qui-  
 bus arces & præfecturas aliquot Livo-  
 niæ pignoris loco acceperat. quod à fra-  
 tre factum Ericus, ut erat suspicaci in-  
 genio, sinistre interpretatus, quasi con-  
 scio, aut etiam fœderis contra se à Po-  
 lono cum Dano initi socio, primum  
 belli impetū in eum convertit, captum-  
 que cum uxore ac tota familia in oppi-  
 do Finlandiæ, cui Abo nomen, Hol-  
 miam duci, & publico iudicio accusa-  
 tum in custodiam dari, ac plerosque ip-  
 sius familiares supplicio affici iubet. is  
 quadriennium totum in carcere habi-  
 tus, postea libertati restitutus, Ericum  
 fratrem anno post, vices alternante for-  
 tuna, regno exutum carceri perpetuo  
 mancipavit anno clō lō LXVIII.

145. IOANNES, Erico fratre exauthorato, rex Sueciæ magno procerum & omnium Ordinum consensu & applausu renunciatus est. Huic quoque bellum cum Dano fuit, atque Mosco; & quidem cum hoc valde grave & diuturnum. Concessit fatis anno 1610, xii, vii kal. Decemb. relicto filio Sigismundo, Poloniæ rege electo. Ioannes eandem quam Gustavus parens religione doctrinam, confessioni nimirum Augustanæ congruentem, secutus, licet filium Sigismundum, à Catharina matre instructum, Romanam religionem in arcano amplecti passus fuerit, tamen in recepta per totum regnum à parente suo religione nihil immutari voluit: & Carolum Finlandiæ Ducem fratrem suum, ei summopere addictum, tanquam vadem, apud populos suos constituit, nihil in eo negotio novatum iri, quum illum per filii absentiam pro regis titulo Sueciæ præesse testamento iussit.

146. SIGISMUNDVS, Ioannis fil. Poloniæ rex, etiam anno 1590 Sueciæ rex designatus, quum superiore autumno ad regnum hæreditarium capeffendum in Sueciam appulisset; anno 1610, xiv regni Ordinibus ad insignia regni capienda diem epiphaniarum Vpsaliæ indixit. Erat in comitatu regis Franciscus

cus Malaspina, Urbini episcopus, pontificius orator; qui solennes ritus in regis coronatione usurpari solitos peragere satagebat; quod si obtinebat, majorum religionis in regno instaurandæ in spem erigebatur; id summopere rex cupiebat. Sed Senatus & regni Ordines repugnabant, instigante præcipue Adamo Andracano, qui in Synodo proxima mense Martio celebrata Vpsalensis archiepiscopus designatus fuerat. Is contra majorum instituta & regni leges fieri dicebat, ut alius, quam Vpsalensis præsul, coronam regi imponeret, & ante omnia oportere ut rex sacramento adigeretur, quæ de confessione Augustana ante LXIV annos Carolo V exhibita, sola in Suecia recipienda, postremis Gustavi suæ majestatis avi, & primis Ioannis III parentis temporibus, tum ab regni Ordinibus nuper in Vpsaliensi concilio decreta fuerant, se servaturum: nec templa ulla in urbibus alteri quam Augustanæ confessionis religioni destinaturum. de cætero, quum in Suecia esset, solenni sacrificio, quod in privato palatii sacello celebraretur, interesse contentus esset. Ad hoc, intercessio Poloniæ procerum, qui cum rege venerant, adhibita, & protestatio à regni Ordinibus facta xv kal. Feb.

ac tandem quatrIduo post, quum aliter non posset, Vpsalæ rex, Adamo Andracano officio defungente, regia insignia cepit, & Erico Sparre, regni cancellario, jurisjurandi formulam per solemnem stipulationem recitante, religiose promisit, justitiam ac veritatem se servaturum; injustitiam ac mendacium jure potentiaque regia compressurum; jus æquum inter Suecos, tam divites quam egenos, secundum regni leges dicturum; regnum cum Principe Carolo & regni Suecici Senatu administraturum; consilia cum indigenis, non cum exteris, captrurum; neminem extraneum in Sueciam asciturum; neque regni arces, provincias aut Vpsalæ desertas, ulli nisi indigenæ commissurum; nulla nova vestigalia regno impositurum, nisi necessitate exigente, ut quum exercitus extranei provincias regni vastabûr, aut seditio intestina urgebit, aut regis filius vel filia matrimonium contrahet, aut ad iter S. Erics, sive solennem regni lustrationem, aut sacriendas arces, aut in desertis Vpsalæ ædificandis quicquam necessarium requiretur; præterea omnia privilegia, libertates, immunitates proceribus, episcopis & populo Suecico concessas confirmaturum, pacem ac tranquillitatem publicam



procuraturum. addita clausula sacramento, *Ita Deus anima mea & corpori sit propitius, ut hæc omnia ex animo juro.* Comitia deinde habita, in quibus de regni per regis absentiam administratione leges ex Ordinum sententia constitutæ; & rex mense quintili in Poloniam remeavit. Verum postea ab omnibus regni Ordinibus regno fuit abdicatus, in Comitiiis Stocholmiensibus, anno 1599 celebratis. Et rursus anno 1600 cum sobole & posteris suis à regimine omni in Suecia exclusus, in Comitiiis Lincopiensibus. quæ ita se habent:

Nos infra scripti regni Sueciæ Ordines, atque Senatores, Comites, Barones, Episcopi, Nobiles, Ecclesiastici, copiarum militarium duces, cives, & plebecula, in his Lincopensibus comitiis congregati, omnibus quorum interest notum facimus, quod, si quidem superioris ætate, mense Julio, in comitiis à nobis regni Ordinibus Stocholmiæ celebratis, inter cætera unanimiter fuerit conclusum, ut, cum rex Sigismundus in præjudicium aviti testamenti & admonitionis, à vera evangelii doctrina exorbitaverit, perversæ Pontificis religioni adhærens, & deinceps contra omnem naturalem affectum, per Pontificis subdolas machinationes, aliorumque

rumque hominum inquietorum consilia, cœusque se deduci passus, ut S. M. peregrino exercitu stipata, in natale solum sese contulerit, qua patrum suum serenissimum D. Carolum, qua etiam nos omnes & universam patriam vehementissime persequutura, & quibusvis cladibus affectura; Vnde plurimi quoque Sueonum atque peregrinorum ad extrema vitæ discrimina sunt protracti: Quo tempore sane, si illa machinatio pro votis S. M. cecidisset, dubio procul id accidisset, ut non solum erronea Pontificis doctrina universo huic regno obtrusa, contra R. M. juramentum & assècurationem, (velut cuique exploratum, id propositi regio animo viguisse,) verum etiam vitæ & bonorum jacturam illi omnes sustinuissent, qui hac ex parte sese pro domo Dei opposuissent, firmiter regio juramento & assècurationi, ac iis laudabilibus statutis, transactionibusque, quæ ab universis regni Ordinibus diverso tempore laudabiliter fuerant celebrata, adhærere cupientes.

Quamobrem, sicut etiam propter alias plurimas, easque maximas rationes, quæ ex typo propediem divulgabuntur, summopere coacti sumus, hujusmodi S. M. regimini prorsus renun-

tiare, omnem fidelitatem, & obedientiam, quibus omnes secundum unionem hæreditariam, & jura Suetica, obstricti R. M. fuimus, abdicando; prout præfatis Stocholmiæ comitiis celebratis unanimiter conclusum & pronuntiatum.

Attamen insuper approbatum, potius ob eam animi propensionem, qua in R. M. ferebamur, & adhuc erga illam progeniem regalem ferimur, quam jure aliquo, ad R. M. filium spectante, ut, si R. M. citra spatium semestre, post commemorata supputandum comitia, sese vellet resolvere, utrum filium suum in hoc regnum expedire cuperet, serenissimo Duci Carolo, velut proximo & propinquiore tutori, aliisque probis & fidelibus regni Sueciæ viris commendandum, atque in sincera evangelii doctrina instituendum; Hac conditione præfatum Principem R. M. filium, intra sex menses illud semestre comitantes, in Sueciam destinatum, præ omnibus aliis pro legitimo nostro Domino, & Rege, illum cognosceremus, & acceptaremus, ubi ad eam perveniret ætatem, in qua nobis & universo regno præsidere, ac eo pacto assècurare posset, quo secundum jura & regni hujus veteres prærogativas consuetudinesque assècurare

rare par est: Verum si R. M. intra præfixum temporis spacium super his conditionibus sese non resolveret, neque filium suum citra spacium illud semestri immediate subsequens prædicto modo in hoc regno educandum transmitteret; omni diademate & regimine Suetico etiam filius exutus foret: ita ut neque ille aut ejus posteritas, unquam ad regale Sueciæ solium habitura foret accessum, sed & pater, & filius ex illo deturbarentur, sicut ipsum decretum Stocholmense porro attestatur. Proinde ad R. M. protinus perscriptum, quæ ratione super hoc negotio esset statutum, humili adjuncta petitione, ut R. M. super desiderio Ordinum regni Sueciæ sese quamprimum resolveret.

Itaq; cum rex Poloniæ necdum quicquam hoc super negotio responderit; non solum sex mensibus interim evolutis, quibus R. M. animum suum declaratura; sed etiam illud tempus nunc labatur, citra quod R. M. filius in regnum fuerat transmittendus; ut quinque duntaxat ex præscripto tempore restent menses, nullo prorsus de illius adventu increbrescente rumore; Ea præter etiam alia negotia interim inciderint, quæ pro emolumento regni perpendenda,

atque decidenda; Ideo nos regni Sue-  
ciæ Ordines, illustrissimi Principis litte-  
ris convocati, & hac necessitate stimu-  
lati, huc confluximus, ejusmodi nego-  
tia pro necessitate & dignitate æstima-  
turi, & conclusuri. Atque jam de omni-  
bus articulis ita convenimus, & statui-  
mus, quemadmodum sequitur.

Inprimis, etiamsi S. C., quantum ad  
illum de regni gubernatione articulum,  
id consilii communicaverit, multisque  
ostenderit rationibus, se regiam digni-  
tatem, nomen, vel titulum minime af-  
fectare, aut desiderare; in quo tamen  
ut consentiret S. C. obnixè postulavi-  
mus: Tamen quandoquidem, ut præ-  
memoratum est, quinque adhuc men-  
ses residui sint, citra quos postulavimus  
ut R. M. Poloniæ suum expediret ad  
nos filium: ideo etiam præfato tempo-  
ris spacio S. C. censuit nobis præstolan-  
dum: Atque si tum temporis ita usu  
veniret, ut R. M. suum filium citra præ-  
fatum temporis spacium in hoc regnum  
transmitteret, iis conditionibus, quibus  
eum postulavimus, pro nostro & regni  
totius rege illum acceptaremus, & reti-  
neremus, nec ullum alium, ubi ad an-  
nos regimini idoneos perveniret: Abso-  
lute tamen regni non admittendus re-  
gimini, priusquam in legitimis annis fo-  
ret

ret constitutus, nimirum vigesimo quarto ætatis anno: Interea temporis, siue R. M. filius in regnum adveniret, siue non, illustriss. Dux Carolus, sub ætate minorenni hoc Principe constituto, gubernaculo regni affideret. Verum si forte fortuna accideret, ut S. C. vitæ usura privaretur, priusquam memoratus Dominus minorennis, aliquæ de eadem familia Principes, ad legitimam pervenirent ætatem, unanimis atque concors nobis ineunda conspiratio super uno, aut duobus, vel ad summum tribus, quos gubernationi in patriæ emolumentum fideliter præfuturoscognosceremus, designandis, quibus fidelem omnem obedientiam exhibituri essemus, illisque, qui hac ratione reipub. gubernatores & minorennium Principum tutores constituti fuerint, obligati essent, ut quam diligentissime curarent, præfatos Dominos in vera evangelii religione, & omnibus Christianis atque regiis virtutibus moribusque educari, regno Sueciæ & illius emolumentis ita in omnibus rebus invigilantes, prout coram Deo, & progressu temporis apud illustrissimos Principes, regnique Ordines, sicut etiam Christianitatem, secure vellent possentque respondere.

Cum vero regis Sigismundi filius regio Sueciæ throno potiretur, regni Ordinibus prout par esset, omnimode asscuratis, suo patruo illustrissimo Duci Ioanni, de honesta atque Ducali sustentatione provisurus esset, præcipue illo Ducatu, quem (inclytæ memoriæ) Dux Magnus in Ostrogothia quondam possedit, eum contentando; illis tamen bonis exceptis, quæ serenissimi Ducis Caroli Ducatui in Ostrogothia adjecta & litteris confirmata sunt, quorum loco serenissimo Duci Iohanniali bona assignanda forent, redditibus non inferiora illis, quæ Dux Carolus obtinet, eumque Ducatum cum ejusmodi privilegiis Dux Iohannes possideret, sicut regis Gustavi ( celeberrimæ recordationis) testamentum & litteræ donationis Duci Magno super hoc datæ testantur & exigunt: Deinceps Dux Iohannes pro sua parte nihil amplius ex regno expendendum haberet, iis bonis hæreditariis duntaxat exceptis, quæ ad S. C. paternæ & maternæ hæreditatis nomine jure devolvi poterunt: Alter autem minorennis Dominus illustrissimus Princeps Dux Gustavus Adolphus, parentis sui serenissimi, Ducis Caroli, sine impedimento integrum aditurus & occupaturus esset Ducatum, iis quidem Ducalibus

libus privilegiis sub quibus illum dominus parens possedisset.

Atque si rex Sigismundus citra tempus præscriptum, filium suum in Sueciam non expediret, pari se cum ratione diademate regni Sueciæ & jurisdictione illum spoliens, nemo præter illustrissimum Ducem Carolum, quoad lucis hujus usura frueretur, regni gubernaculum moderandum susciperet; Sin vero contingeret, S. C. è vivis discedere, priusquam aliquis nostrorum minorennium Dominorum ad legitimam ætatem transcenderet, eum pro regni gubernatore accepturi essemus, quem S. C. in ultimo suæ voluntatis testimonio ad hoc munus promoveret; velut uno abhinc anno lenocopiæ unanimiter consensum & approbatum est. Aut etiam si ejusmodi successoris substitutio ob repentinam S. C. ex hac vita migrationem, vel etiam pro singulari sua prudentia sereniss. Dux Carolus superstes de hoc nihil constitueret, denuo de duobus fidelibus reipublicæ viris unanimiter & concorditer eligendis conspiraremus, qui fideli clavum regni moderarent dextera. Cum vero illustrissimi Domini minorennnes legitimam attingerent ætatem, ut ipsi met manum regni clavo admovere possent,



sent, cum unanimi consilio & consensu ex præfatis Dominis in regem Sueciæ eum designaremus, quem regni utilissimum gubernationi deprehenderemus, siue contingeret secundum lineam hæreditariam regis Iohannis filio illustris. Duci Iohanni hæc regalis dignitas, siue etiam ex Ducali familia sereniss. Principi Duci Gustavo Adolpho, aut aliis pro tempore superstitibus, cum pluribus conditionibus requisitis, quas S. C. partim de regimine, partim etiam de assécuratione ab iis deponenda, qui ad gubernationis munus promovendi, condidisset & præfixisset.

Veruntamen S. C. multa persuasione, humili petitione, & admonitione, ad aliam deduximus opinionem, de qua, sicut etiam de aliis subsequenter articulis, hac ratione conspiravimus. In primis, cum rex Sigismundus, velut antea inculcatum est, partim hac de causa eam jurisdictionem amiserit, quam S. M. ad regni Sueciæ habuit coronam, quod ab avito exorbitaverit testamento, & vera evangelii religione contempta, Pontificiæ religionis acerrimum sese præbuerit sectatorem, quam omnibus in hoc regno etiam obtrudere meditabatur; partim etiam quod binis vicibus ex hoc regno, nobis insciis, discesserit;

post-

postmodum contra omnem naturalem & Christianum affectum, juraque Sue-  
tica, peregrinó in natale solum milite  
copiosissime juxta ac infensissime ad-  
vecto, & aliàs multis modis in præjudi-  
cium sui jurisjurandi, litterariæque asse-  
curationis, quæ nobis omnibus præsti-  
tit, actitaverit; Atque nunc ad extre-  
mum non tanti nos fecerit, ut vel ha-  
ctenus unica syllaba humillimæ nostræ  
petitioni atque litteris ad S. M. expe-  
ditis respondere dignaretur, in quibus  
significamus, nos S. M. filio regni Sue-  
ciæ axioma deferre, si intra præscrip-  
tum tempus in regnum expediretur,  
modoque & ratione prædictis educare-  
tur: Quocirca eidem S. M. filio, aliis-  
que ejus hæredibus & successoribus,  
prorsus renunciamus, omni jurisdictione,  
quæ aliàs secundum unionem hære-  
ditariam ad eos jure spectaret, illos ex-  
uendo, ita ut neque R. M. aut ullus  
de ea progenie, posthac quicquam juris  
ad diadema regni Sueciæ sit habiturus,  
prorsus omni obligatione, qua S. M. &  
ejus hæredibus tenebamur obstricti, nos  
subducendo; Sicut etiam omni fidelita-  
ti, securitati, & virili assistentiæ R. M.  
antea præstandis renunciando.

Quanquam vero illustrissimo Duci  
Iohanni, secundum unionem hæredi-  
tariam;

tariam, jam regia foret dignitas committenda; Sed quandoquidem perpendamus, atque metuamus, ne S. C. in regio Sueonum culmine constituta, & amore permota naturali, cum fratre suo, aut ejus hæredibus, ea pacta ineat, & consentiat, quæ in nostram & patriæ totius vergeret perniciem extremam; in hoc unanimiter conspirantes, ut vindictam de illustriss. Duce Carolo aut illius successoribus earum rerum poscant, quæ hoc turbulento tempore, justissimis quamvis de causis, adversus regem Sigismundum, & ejus familiam, consanguineosque actitatur in hoc regno; fiatque hoc pacto malum posterius priore pejus, ut vix unquam pacem huic regno restituendam spes aliqua sit emicatura; Præterea regni & hujus temporis moderna conditio jure suo postulat, ut certum prospiciamus hac tempestate regni gubernatorem, nisi plurima magni momenti negotia neglectum iri velimus, non absque incomparabili totius regni detrimento, ex quibus nostra salus dependet, neque proinde à puero expediri queunt; Itaque unanimi consilio & consensu statuimus, ut illustriss. Principi Iohanni de honesta & Ducali ex regni provinciis sustentatione provideatur, unanimiter illum deferendo, & assig-

& assignando S. C. Ducatum, quem S. C. patruus (Christianæ recordationis) Dux Magnus in Ostrogothia possedit; Illis tamen bonis exceptis, quæ sereniss. Duci Carolo, ex præfato Ducatu, perpetuo sint vigore litterarum super hac re datarum concessa, quorum loco illustrissimus Dux Iohannes alia ejusdem valoris reportabit prædia, velut Braborg & Leckö, cum horum bonis feudalibus, aliisque quæ præfatos redditus adæquare poterunt: Hunc autem Ducatum Dux Iohannes iis possessurus conditionibus, quas regis Gustavi testamentum, & litteræ donationis, Duci Magno super hoc traditæ, commemorant; atque ita præfatus Princeps, his contentus, nihil amplius pro sua parte ex regno petiturus, iis bonis hæreditariis exceptis, quæ ad illum ratione hæreditatis paternæ & maternæ spectare poterunt: Neque integrum S. C. futurum, quicquam de suo Ducatu, vel bonis hæreditariis, ad possessionem perpetuam alicui donare, nisi id fiat tali conditione, ut regnum aliquam jurisdictionem circa illud progressu temporis expectet. Atque etiam idem Dux illustrissimus obligatus erit, nemine in suis servitiis uti, qui discordiam inter regalem & Ducalem familiam seminare intendit; Sed  
semper

semper quam diligentissime & fidelissime ad ea incumbet, quæ concordia & optimæ fiduciæ inter consanguineos reconciliandis & stabiliendis quam maxime serviunt, ac in commune patriæ emolumentum & subsidium suo pondere vergunt.

Quandoquidem etiam serenissimus Dux Carolus, unicus secundum Deum fuerit, qui divino auxilio fretus, præsentissimo vitæ discrimine, molestiis atque sumptibus, nos & patriam nostram, ex tenebris Pontificiis, & servitute peregrina, vindicare pro virili elaboraverit, quæ cervicibus nostris injectare nostri voluerunt adversarii; Et aliàs pro nobis, & nostra salute, commodoque, tam in spiritualibus quam corporalibus negotiis, sanguinem, & vitam suam, omnemque possessionem in discrimen adducere non dubitaverit, non solum hoc tempore, sed aliquot vicibus antea; clementer promittens insuper, atque spondens, quod S. C. inprimis & ante omnia nobis omnibus & singulis, Ecclesiasticis & Politicis, summis & infimis, cuique pro suo statu & conditione, in Christiana & sincera evangelii religione (cui nos omnes in hoc regno firmiter alligavimus) vivere sit permissura; nulla re prorsus in ea fide variata, sed, velut in  
conci-

concilio Vpſaliæ celebrato anno 1593  
unanimiter approbata fuit, ſemper per-  
ſiſteret; Sicut etiam jura Suetica, &  
uniuſcujuſque à majoribus acquiſita  
privilegia atque libertates nullo pacto  
transgreſſura; ut S. C. horum nomine  
regni hujus gubernationem præ reliquis  
promeruiſſe & jure acquiſiuiſſe videat-  
ur: Proinde his, atque aliis maximis  
de cauſis commoti fuimus, ut modo,  
velut etiam aliquot vicibus antea, una-  
nimiter & concorditer poſtularemus,  
quo S. C. dexteram regimini admove-  
re, & verticem diademati ſubmittere  
dignaretur.

Quod tamen S. C. etiam atque etiam  
renuit, & detrectavit, variis rationibus  
à S. C. in contrarium allatis, etiamſi di-  
ligenter & aſſiduo S. C. ſuper hoc ſol-  
licitaverimus, atque rogaverimus: Ni-  
hilominus tamen S. C. ad extremum  
tandem ſe clementer ſecusque permo-  
veri paſſa, nempe quod proximum  
quinque menſium ſpatium, invitatio-  
ni Principis VVladislai aſſignatum ex-  
pectare vellet, promittens, ſe poſtmo-  
dum noſtræ humili petitioni locum cle-  
menter aſſignaturam; Interim tamen  
S. C. cum ſuis aſſinibus, atque amicis  
in exteris conſtitutis, ſuper hoc conſul-  
tatura, & cognitura, quid nimirum S.

C. super hoc negotio suadeant, atque consulant quam utilissimum esse. Nos vicissim ut S. C. toti mundo excusata reddatur, quod neque minis aut sollicitationibus ad gubernaculum sese intruferit, sed à nobis unanimiter ad regimen capessendum frequenter molestata, (quandoquidem nostra, & totius regni fœlicitas, ejusmodi gubernatore magnopere postulaverit;) Ideo apud omnes Christianitatis monarchas, S. C. ab ejusmodi suspicione, atque ambitione, omnino liberatam cupimus & rogamus, sicut etiam coram Deo & quovis honesto viro protestamur, S. C. in his satis esse excusatam.

Quamobrem hisce, in nomine atque invocatione sanctissimæ & individue Trinitatis, unanimiter, & concorditer, ac ex voluntate spontanea approbamus, & confirmamus, neminem scilicet alium quàm illustriss. Principem Ducem Carolum, regem nostrum futurum. Cui etiam hisce literis unanimiter & concorditer omnem obedientiam, fidelia obsequia, securitatem, & virilem assistentiam, velut naturali & dilecto regi nostro, promittimus nos exhibituros; Ut etiam, fideliter ea omnia exequuturos, quæ S. C. in suum atque totius patriæ commodum injunxerit ac mandave-

daverit: Nec minus pro S. C. & illius incolumitate, vitæ & sanguini, possessionibusque nostris minime parafuros. Quanquam vero S. C. regni diadema renuat acceptare; tamen five fuerint adhibiti coronationis ritus & ceremoniæ, five non, nihilominus agnoscemus & observabimus S. C. pro legitimo nostro Domino & Rege, illi omnem regiam jurisdictionem, & nulli alteri, exhibentes atque præstantes.

Præterea consensimus, & confirmavimus, ut secundum S. C. ex hac vita migrationem (quam Deus omnipotens ad multos annos procrastinare dignetur) filius S. C. illustriss. Princeps Gustavus Adolphus, ad coronam regni Sueciæ acceptandam proximus sit, & post eum legitimi illius hæredes masculi, ab hærede ad hæredem, quousque vel unus superstes fuerit. Verum si S. C. (quod Deus avertat) sine hæredibus masculis ex hac vita migraret, aut etiam ejus successores, ut nemo ex ea linea amplius legitimus hæres masculus superesset; tum promittimus, atque spondemus pro nobis, & nostris successoribus, nos neminem deinceps ad regni Sueciæ solium sublimaturos, præter Illustriss. Ducem Iohannem, si in vivis fuerit, aut etiam ejus legitimos hæredes masculos,



si aliqui superfuerint; & quamdiu illa linea perstiterit, gubernaculo regni Sueciæ præter ejus hæredes nemo assidebit. Proinde si illustrissimus Princeps Iohannes, aut illius successores, ad regium promoverentur fastigium, unà cum illo promittere & spondere tenebuntur, se & suos successores cum rege Sigismundo, vel ejus hæredibus, nullum unquam pactum aut unionem inituros; Præsertim hoc modo, ut ad aliquam partem aut gubernationem in hoc regno transcendant; sicut neque eos pro suis consiliariis & servitoribus electuros, qui aliud suasuri videntur, quam quod ad internam concordiam spectet, & pacem regni augeat, confirmetque; Atque ante omnia cavebit illustriss. Dux Iohannes, cum suis successoribus, ne ulla ratione sese ad erroneam Pontificis doctrinam permoveri patiatur; nisi ille cum universa sua progenie, hujus nomine eam jurisdictionem amittere velit, quam ad regnum Sueciæ habet, prout S. C. accidit fratri: Quandoquidem hæc pronunciatum & conclusum velimus, quod nemini in posterum ad regni thronum aditus concedetur, qui nobiscum in vera evangelii religione (cui nos omnes adstrinximus) non fuerit consentiens.

Quod

Quod si vero noster serenissimus Princeps & rex electus, Dux Carolus, prius vitam cum morte commutaret, quam S. C. filius Dux Gustavus Adolphus ad eam ætatem, qua regimini manus ipsemet admoveere possit, deveniret, (gubernatione autem absoluta non est potiturus, priusquam annum vigesimum quartum attigerit,) tum temporis ita conclusum & consensum volumus, ut eum pro regni & minorennis Domini moderatore tutoreque agnoscamus, quem S. C. in ultimo suæ voluntatis testimonio ad hoc designaverit ex fidelibus regni Sueciæ, & non peregrinis viris, cui obedientiam, in emolumentum minorennis Domini, & totius regni fælicitatem, exhibituri sumus. Hæc omnia promittimus, & spondemus per honestatem nostram, fidem Christianam, veritatem, & perpetuam animæ nostræ salutem, nos sine malo dolo fideliter & inculpabiliter servaturos, & absque bonis aut malis mediis, aut quacunque fraude ab hominibus excogitata: ita nos Deus quoad animæ & corporis salutem adjuvet.

147. CAROLVS, Gustavi fil. Sudermanniæ, Nericiæ & VVermelandiæ Dux, Sigismundo Poloniae rege ita ab Ordinibus Sueciæ abdicato, regni gu-

bernationem sine regio titulo suscepit, atque ita continuavit ad annum 1597: quo magno omnium Ordinum consensu in regem Sueciæ coronatus est; unione hæreditaria (ut vocant) jam ante, anno 1604, Norcopiis ad hunc modum renovata:

Quandoquidem potentissimus & serenissimus Dominus Carolus, regni Sueciæ designatus rex, Dux Sudermaniæ, Nericiæ, & Vermelandiæ, de nostris hæreditariis Principibus sit primarius, quem antea pro legitimo & à Deo nobis prævise Domino agnovimus, acceptavimusque; Cum unicus secundum Deum fuerit, qui nos hoc periculoso tempore, paterna sua diligentia ac labore ex manibus inimicorum nostrorum ereptos, in agnitione & doctrina veræ religionis servavit; Sicut etiam secundum jura Suetica & cuncta legitime acquisita privilegia gubernavit; ut, licet adversarii nostri omni astutia, violentia, & potestate, nostro atque patriæ inihiaverint detrimento; attamen (Deo laus in æternum) nihil prorsus efficere potuerint, regni Sueciæ limitibus necdum quicquam imminutis; Cujus nomine, post Deum, S. C. summopere gratulandum est, quæ pro nostra incolumitate vitam suam in discrimen ad-

duce.

ducere minime dubitavit, tantaq; nobis beneficia exhibuit, quanta vix ullo unquam tēpore Sueonibus sunt declarata.

Quocirca, ut divinæ bonitati inprimis, & ante omnia pro ejusmodi beneficiis, laus atque honor persolvatur, & illustrissimus ac clementissimus Dominus noster atque rex hæreditarius designatus gratitudinem vicissim nostram experiatur, unanimiter & peculiariter modò, velut aliàs frequenter, designavimus acceptavimusque S. C. pro absoluto & legitimo nostro rege; cui etiam (ita nos Deus quoad animæ & corporis salutem adjuvet) omnem fidelitatem & securitatem, virilemque assistentiam, prout ex debito veri subditi, & præcepto Divino, cunctisq; mandatis constitutionibus, atque celeberrimis antiquissimi regni hujus consuetudinibus tene-mur, exhibituri sumus, & sine intermissione facturi, observaturi ac culturi omne id, quod velut fideles subditi erga legitimum nostrum regem declarare obligamur, præstando; & pro S. C. & patria nostra, vitæ, bonis, & omnibus possessionibus nequaquam parcendo, ingruente necessitate; &, S. C. postulante, fideliter cum S. C. in discrimen adducendo; In summa, vivere & mori cum clementissimo Domino nostro para-

ti sumus futuri. Atque cum S. C. (æterno Deo laus) masculis hæredibus, nobis & regno universo in consolationem auxiliumque, decorata sit, heroumque vitæ tempus, perinde ac omnium hominum vitale flamen, in manu divina repositum; ideo, si ex hoc ærumnoso mundo ad æternam fælicitatem S. C. à nobis evocaretur, (quod præpotens Deus in multos annos prolongare dignetur,) promittimus, obligamus, juramus, & approbamus hisce quam firmissime, perfecte, & irrevocabiliter, unanimiter & peculiariter, veluti prædictum est, S. C. majorem natu filium, illustriss. Principem Gustavum Adolphum, immediate secundum serenissimi parentis sui fælicem ex hoc mundo migrationem regimine & regali auctoritate potiturum, regemque nostrum futurum; sicut etiam pro nobis & nostris successoribus asserimus & confirmamus; illum pro nostro Domino & rege acceptando, parique modo fidelitatem in omnibus exhibendo: ita ut vitam unà cum illo in discrimen adducere parati simus futuri, quo illi auxilio, consilio, & consolationi in omnibus existamus, id facientes & intermittentes, quod fidelibus subditis ratione honestatis & promissi omnino incumbit.

Junior

Iunior vero S. C. filius, illustriss. Princeps Dux Carolus Philippus, paterno Ducatu Sudermannia, Nericia, & VVermelandia, Vasbogia, & territorio Valensi, una cum aliis pluribus potietur, secundum testamēti vigorem, adjunctis spiritualibus & sæcularibus jurisdictionibus, prorsus velut illustriss. parens, clementiss. Dominus noster Dux Carolus, priusquam Sueciae gubernaculo admoveretur, eum Principatum possederat: Verum sereniss. Dux Iohannes illum Ducatum, qui Duci Magno permissus erat, consequetur; quem in hisce comitiis bonis feudalibus & pluribus jurisdictionibus auximus, prout literæ donationis, præfato Duci Iohanni super his datæ, testantur. Quod si autem rex noster designatus Dux Gustavus Adolphus, ex singulari Dei providentia aliquos regales aut ducales hæredes masculos legitimos nancisceretur & post se relinqueret; tum major natu filiorum regni gubernaculo admovendus; & deinceps, illo sublato, de linea ad lineam, uno secundum alterum, ad regale solium penetrabit, illique S. C. filii, pro tempore illo nati, vel postmodum nascituri, à nobis & nostris successoribus pro legitimis & hæreditariis regni Sueciae regibus designabuntur, & perman-

nebunt. Sin autem Dux Gustavus Adolphus, noster proxime futurus & electus rex, divina providentia ita disponente, sine masculis hæredibus vitam cum morte commutaret, sequens clementiss. Domini nostri & regis filius, illustriss. Dux Carolus Philippus, qui secundum lineam secundò genitus est, eodem prorsus modo, sicut de Duce Gustavo dictum est, regni clavum ac diadema, velut designatus, electus, & confirmatus Sueciæ rex, acceptabit; quem proinde commemorato modo, pro nostro Domino, & rege, hisce omnino firmiter & irrevocabiliter acceptare, agnoscere, promittere, jurareque volumus fidelitatem, obedientiam, atque virilem assistentiam, sine omni tergiversatione & subterfugio illi à nobis exhibenda; Similiter quod ei consilio, subsidio, ac consolationi simus futuri, pro illius incolumitate possessiones & vitam nostram nulli discrimini subducendo, & cum illo, velut fideles & constantes subditi, omnem fortunæ aleam experiendo. Deinde, si fatis illustrissimi Ducis Caroli Philippi aliqui hæredes masculi legitimi superessent, major natu filiorum regni habenas moderabitur; ac deinceps, modo & ordine prædictis, de linea ad lineam, unus post alterum,

rū , perinde ac in articulis inaugurationis regis nostri designati Ducis Gustavi de verbo ad verbum est expressum , servabitur , & exequutioni mandabitur, sceptrumque apud eum, aut illius natos vel nascituros permansurum hæredes, qui à nobis & nostris successoribus pro legitimis regni Sueciæ hæredibus designandi & confirmandi. Eodem etiam modo & tenore procedendum , ac observandum, sicut de Duce Gustavo Adolpho, & Duce Carolo Philippo, commemoratum est, si præpotens Deus clementissimo regi nostro designato, Duci Carolo, adhuc hæredes aliquos masculos, unum aut plures, largiri dignaretur, ita ut jure generationis immediate post Ducem Carolum Philippum regali fastigio & gubernaculo de linea ad lineam unus secundum alterum potiantur.

Denique, si illustrissimus Dux Carolus Philippus , secundò electus rex noster , sine legitimis hæredibus masculis vitæ munere defungeretur, nullo præterea ex serenissimi regis nostri filiis hærede masculo legitimo superstite, regales fasces postmodum ad serenissimum Principem Ducem Iohannem devolventur, eodem prorsus modo, & verbotim, sicut de illustrissimis Principibus, Duce Gustavo Adolpho, & Duce Carolo  
Phil



Philippo, fratribus, expressum est; quem nos proxime secundum alios pro rege & Domino nostro hisce firmiter & irrevocabiliter acceptare, designare, & jurare volumus fidelitatem, obedientiam, & virilem assistentiam, constanter atque inculpabiliter, sine omni tergiversatione & subterfugio servanda, illi auxilio, subsidio, & consolationi existentes; vitam & omnes possessiones nostras pro illius incolumitate asserenda nulli discrimini subducendo; cumque illo nullum fortunæ vultum, velut fideles erga Regem & Dominum suum decet subditos, formidando.

Deinde, præfato Duce Iohanne de vitæ theatro sublato major natu illius filius legitimus regni adipiscetur insignia; & hoc pacto, prout de vita migraverint, de linea ad lineam, sicut de Principe Gustavo Adolpho, & Carolo Philippo, ac eorum hæredibus, in articulis inauguraliis verbotim commemoratum est, observandum, & procedendum: Vnde, qui proximus secundum lineam tum temporis fuerit, eum acceptabimus, & confitebimur pro nostro & regni designato ac electo rege; illi fidelitatem, obedientiam, & virilem assistentiam irrevocabiliter jurando, & servando, cum eo nullum vitæ discrimen.

men adire, & pro illo possessiones nostras effundere non dubitantes; insuper ea omnia aggrediendo & tractando pro illius incolumitate, quæ fidelibus & obedientibus conveniunt subditis. Quandoquidem vero luculentum historiæ perhibeant testimonium de tumultibus, dissensionibus, atque detrimentis multifariis, quæ magno agmine in respubl. sese ingerunt, quando familiæ legitimæ non observatur linea, regno & regimine in periculosa gubernatorum electione periclitantibus, cum unus huic candidato, alter illi suffragatur indigena; Sicut etiam è contra ex historiis colligere liceat, multam in republica concordiam & tranquillitatem semper viguisse, quando secundum Dei providentiam à recta & legitima regni familiæ non exorbitant regni Ordines linea. Quocirca si hoc infortunii, regno Sueciæ obveniret, (quod Deus clementer avertat,) ut tota Gustaviana progenies mascula prorsus de medio vitæ tolleretur, hæredibus fœminis superstitibus ex eadem Regali & Ducali familia; porro adhuc ex prompta voluntate & maturo consilio promissum volumus, sicut etiam hisce promittimus, & juramus unanimiter & concorditer, universaliter & singulariter, pro nobis omnibus

omnibus & singulis, cunctisque nostris  
succelloribus, nos accepturos eam Prin-  
cipem & regis filiam, si fuerit illa super-  
stes, aut etiam Ducis natam, pro regina  
Sueciæ; nullum S. C. virum præter ejus  
voluntatem & consensum obtruden-  
do; & præsertim neminem unquam ex  
illo populo S. C. permittendo & procu-  
rando sponsum, qui nationem Sueti-  
cam persequutus est, & illius detrimen-  
to ac ruinæ aliquomodo invigilavit;  
sicut neque aliquem perversæ religionis  
& alienam à nostra fide Christiana do-  
ctrinam sectantem. Hisce tamen pro-  
hibitum volumus etiam reginæ, ne cum  
persona hujusmodi nationis & religio-  
nis matrimonium ullo modo contra-  
hat, ni jure suo & jurisdictione spoliari  
velit; Sed potius & prius alicui nationis  
Sueticæ viro, regno utili, & S. C. ama-  
bili, aut certe cuipiam nubat ex iis Du-  
cum familiis in Germania Principi, quæ  
ex regno Sueciæ & celebri regis Gustavi  
progenie profluxerunt, illo in religio-  
ne consentiente nobiscum, nisi illud  
matrimonium sanguinis propinquitas  
impediat.

Verum cæteris Regalibus & Ducali-  
bus filiabus, eo tempore superstitis ex  
hac familia, de honesta & convenienti  
dote circumspiciemus, & exhibebimus,

una cum aliis rebus necessariis, pro statu & conditionis dignitate, secundum regis Gustavi testamentum, & in his comitiis fabricatam ordinationem: Attamen illis conditionibus & cautionibus, ne commemorata Regalis aut Ducalis filia ullum contrahat matrimonium, nisi id fiat cum regni Ordinum consensu, & libera voluntate; Verum sub his nulla ratione regis Sigismundi filiabus (si quas nancisceretur) aut ejus sorore intellectis; quibus, velut dictum est, prorsus renunciatum volumus, nulla iis unquam jurisdictione in hoc regno permittenda. Cæterum, quandoquidem omnis ille tumultus, discordia, atque bellum, quæ nobis magnum facessunt hoc tempore negotium, inde potissimum originem traxerint, quod rex Polonia à regni hujus ordinibus alienus in religione fuerit, atque in præjudicium aviti testamenti nostram deseruerit religionem Christianam, erroneam Pontificis doctrinam acceptando; Idèò conspiravimus nos, univimus, & statuimus, quod in posterum ad hujus regni gubernaculum neminem sublimaturi sumus, qui unius nobiscum non fuerit religionis: Atque proinde quicumque Principum hæreditariorum à puro Dei verbo, in prophetis & apostolicis libris

libris comprehenso, sicut etiam à vera & genuina confessione Augustana, Carolo quinto Imperatori anno 1530 in Comitibus Vindeliciis porrecta, & in Dei verbo fundata, desciverit; nec minus etiam ab aliis præteritis transactionibus, & laudabilibus constitutionibus, partim regis Gustavi tempore, partim etiam deinceps factis, & spectantibus in primis & ante omnia ad ecclesiæ Christianæ veræque religionis ædificationem ac optimæ politiæ tam in spiritualibus quam in sæcularibus conservationem; quique id omne non facit, & promovet, quod ad Dei honorem, & sinceræ incrementum religionis, ut dictum est, spectare cognoverit, velut etiam patriæ emolumento & prosperitati in omnibus invigilaverit: Ille prorsus sua jurisdictione hæreditaria spoliandus est, qua aliàs secundum hanc unionem hæreditariam fruiturus esset.

Simili modo nostri Principes hæreditarii, sub privatione jurisdictionis hæreditariæ, nullam ducent uxorem, quæ erroneæ fuerit religionis, & alterius quam illius antea commemoratæ, ne hinc quæpiam in religione discordia oboriatur inter subditos & regni Dominos, velut cum rege Sigismundo factum est. Ut neque ulli matrimonio  
fese

fese permiscebunt, regni Ordinibus in-  
sciis, & non prius interrogatis, an regno  
& prefatis Ducibus ejusmodi cōnubium  
sit utile. Proinde si quispiam ex regni in-  
habitoribus, nunc viventibus, aut post-  
hac viſturis, eminentioris aut humilio-  
ris conditionis, extra aut intra collegium  
Senatorium constitutus, consuluerit no-  
stris Principibus hæreditariis, impiam  
aliquam religionem acceptandam, aut  
in alia educandos, quam quæ commemo-  
rata est: illum pro regni perditore ac  
etiam perduelle nefario ducemus. Atq;  
ut omnis occasio tempestive huic in-  
constantia præcidatur, nemini alterius  
religionis quam prædictæ in hoc regno  
licebit commorari, vel ad ullum offi-  
cium ascendere; Sed, velut de Principi-  
bus hæreditariis statutum est, nimirum  
ut, quicumque illorum à vero & saluti-  
fero Dei verbo exorbitaverit, jurisdictio-  
nis hæreditariæ ad hoc regnum susti-  
neat dispendium: Ita quoque vicissim,  
quicumque ex regni inſcitoribus à  
Christiana nostra religione desciverit,  
bonis suis privabitur, proximo consan-  
guineo subſcitiendis, atque ex regno pro-  
scribetur, ne occasionem habeat suum  
evomendi venenum.

Similiter unanimiter consensimus,  
& statuimus, neminem ex hæreditariis

Q

noſtris

nostris Principibus ad regalem apicē promovendum, qui aliud regnum acceptavit: Sicut neque rex hæreditarius ullus potestatem habebit, alias ditiones & regna acceptandi, nisi semper in regno Sueciæ commorari voluerit; Quandoquidē partim superiorum temporum transactionibus, partim etiam ex modernis tumultibus, liquido cognoverimus, atque experti simus, quanta detrimenta hinc profluxerint, quod Sueciæ reges externum assumpserint sceptrum. Quocirca nos copulamur, obligamus, promittimus, & juramus, quod pro tenore hujus juramenti nostri, hanc inaugurationem & designationem regum hæreditariorum, velut de verbo ad verbum hic expressā & comprehēsa est, quamdiu clementissimi regis nostri electi & S. C. hæredes masculi, atq; deinceps illustriss. Principis Ducis Iohannis & S. C. legitimi hæredes masculi, in vivis & præmanibus fuerint, firmiter & irrevocabiliter observaturi atque sequuturi simus; Ac, quousque hæc Regalis & Ducalis familia perseveraverit, ex illa nostros legitimos Reges & Dominos, de linea seu familia, ad lineam seu familiam, petituri; prorsus ut in hac unione hæreditaria commendantur: Insuper pro illorum incolumitate, nostram salutem, bona, & vitam

vitam ipsam cuique discrimini objicere minime dubitabimus; pro viribus & facultatibus, externis ac internis regni ac illorum hostibus, moderno, aut progressu temporis, futuris, (nemine aut ulla natione, ditione, eminentiore aut inferiore magnate vel ordine exceptis,) resistendo; factisque ipsis id omne exhibendo, quod nobis erga legitimos nostros Dominos & Reges, patriamque, velut fidelibus nationis Sueticæ viris atq; subditis, præstare convenit, atque secundum Dei mandatum, nostrum juramentum, obligationemque tenemur; in posterum nullum alienigenam, aut indigenam, (quocunque tandem pacto illud unquam fieri posset, nullis exceptis,) pro Domino aut Rege nostro acceptantes, aut agnoscentes, verum ex Gustaviana solum progenie oriundum; Atque potius eos persequemur, qui secus attentaverint, aut fecerint: Et quamdiu hæc Regalis & Ducalis prosapia vigerit, ex illa nostros & regni naturales designatosque reges atq; gubernatores duntaxat petemus, à quibus nullo pacto odium, inimicitia, simulas, aliæve rationes, velut hominum astutia, suggestio aut seductio, nos permovebunt, aut avocabunt, sub salutis nostræ, honoris, bonorum, & prosperitatis amissione, ac



perditione. Deinde, si contingeret, aliquem indigenarum vel unam vel plures regni ditiones moderno aut futuris temporibus (quod tamen Deo auxiliante non fiet) ab his deficere, vel aliàs tumultum quempiam aut inconstantiam velle commovere; pro tenore juramenti, & obligationis nostræ robore, promittimus, & spondemus, nos pro desiderio & petitione regis nostri electi, serio in illorum suppressionem & punitionem auxilia laturos; iis rebellibus neque palam aut clam, consilio vel auxilio, diversorio, aut ullo pacto, cibo vel potu, armis, aut aliis rebus necessariis succurrendo, & roborando, sed eos pro viribus, & quantum nobis possibile, persequendo, ac ad internecionem delendo: Pari modo contra alias omnes externas impressiones, ac irruptiones, si ita necessitas postulaverit, fideliter & viriliter accurremus, atque pugnabimus, nullum vitæ discrimen subterfugiendo. Hactenus de unione renovata.

Multis rebus præclare gestis, & republ. constituta, in bello, quod cum Danis gessit, lethali morbo contracto, obiit xxx Octob. anni cldlccxi, duobus filiis, Gustavo Adolpho & Carolo Philippo, & una filia, relictis: anno ætatis suæ lxi.

148. GYSTAVUS ADOLPHVS patri successit,

cessit, anno clōlōcxī, admodum adole-  
lescens, (quippe ix Decemb. anno clōlō  
xciv natus,) inauguratus, & anno clō  
lōcxvii coronatus. De rebus ab ipso  
præclare gestis historiæloquuntur. Duxit  
in uxorem anno clōlōc xx Mariam Eleo-  
noram sororem Georgii Guilielmi Ele-  
ctoris Brandenburgici; quæ peperit illi  
aliquoties, sed infelicitè. Primo & feli-  
ciori partu edidit filiulam Christinam,  
anno clōlōcxxiv, mense Octobri; quæ  
eodem anno in vivis esse desiit. Secun-  
do partu, alteram filiulam, etiam Chri-  
stinam, enixa est, quæ adhuc superstes  
est, & declarata regni hæres in comitiis  
Stockholmiensibus, anno clōlōc xxvii,  
mense Decembri. Decreti verba in primo  
articulo ita se habent;

Quumq; propositum hostis nostri du-  
dum nobis innotuerit, fiducia haud levi  
decessus S. R. M. ex hac mortali vita in-  
nixum; quumq; multi ex plebe simplices  
non probe intelligant articulū, in unione  
hæreditaria Norcopiæ anno clōlōciv ab  
Ordinibus approbata, concernentem  
jus hæreditariæ successionis, competens  
filiabus regiis: Itaque libera voluntate  
& deliberato eandem hæreditariam  
unionem jam redintegrare, declarare,  
omnibusque in memoriam iterum re-  
vocare volumus. Obstringimus pro-

inde nos singulos & universos, tam præsentes quam absentes, jam natos aut post nascituros, quod si quid humanitus evenerit S.R.M. sine legitima prole mascula emori; nos pro vera Principe nostra hæreditaria ac regina agnituros illustrissimam ac serenissimam Christinam, Suecorum, Gothorum ac Vandalorum Principem hæreditariam; & omne suæ celsitudinis jus regium tuituros, secundum dictæ unionis hæreditariæ decretum, & regni Sueciæ scriptas leges, quæ huic nostræ obligationi non adversantur.

CAROLVS PHILIPPVS, hæreditarius Sueciæ Princeps, Dux Sudermaniæ, Nericæ ac Vermelandiæ; cælebs obiit in Livonia,

*Ordinum regni Sueciæ decretum, ab  
ipsis unanimi consensu factum, in co-  
mitiis Stocholmiæ habitis 24*

*Decembris, anno 1627.*

**N**OS regni Sueciæ Senatores & Ordines, Comites, Barones, Episcopi, Nobiles, Clerici, Milites, Cives, denique promiscua multitudo, ad hæc comitia jam cum bono Deo feliciter absoluta, tam nostro nomine quam aliarum provinciarum delegatione, habenda congregati; notum facimus, quod à sereniss. ac potentiss. rege ac Domino, domino Gustavo

stavo Adolpho, D. G. Suecorum, Gothorum, Vandalorumque rege, Magno Duce Finlandiæ, Duce Esthoniæ ac Careliæ, Domino Ingridiæ, &c. Domino nostro clementissimo, ob regni quædam ardua negotia ad hæc comitia evocati, pro-  
 rinus subiectissime comparuimus, & super rogationibus à S. R. M. ad nos clementissime perlatis, & à nobis summa cura summoque studio perpensis, S. M. consilia ac sententias nostras sub-  
 jectissime exposuimus, & unanimiter ita de iis scivimus.

1. Accurate excussimus rationes pacis componendæ cum Polonis, à S. R. M. hosti in Borussia ultimum oblatas; deprehendimusque eas tales, ut nullatenus emolliri aut mutari possint. Suademus itaque R. M. ne de rigore illarum quicquam demere, aut hosti ulla ratione cedere velit; tum, ne viribus fraudulentis ac imposturis aliqua accessio fiat, plura, quam par est, concedendo: tum etiam, ne, regnum illos deseruisse, qui se ac fortunas suas fidei ejus commiserunt, & tot impensis tantoque labore in ipsa victoria contra terras ac regiones tam præclaras nil aliud quam pacem ignominiosam turpiter commercatum fuisset, videatur. Quin potius, si dictis legibus hosti certum est nolle pacisci, præstare

arbitramur rem Deo ac fortunæ iterum  
committi, quo arrogantia ac fastus ho-  
stilis ulterius retundatur; freti certissima  
spe, Deum Opt. Max. pari benedictione  
nobis in posterum quoq; adfuturum, &  
omnia ex parte nostra ad felicem exi-  
tum perduciturum. Promittimus autem  
ac pollicemur; nos pro virili non defu-  
turos S. R. M. & pro S. R. M. ac patriæ  
tam justa causa fortunas omnes, ac vitā  
ipsam, cum usus factus est, profusuros.  
Cumq; propositum hostis nostri dudum  
nobis innotuerit, fiducia haud levi deces-  
sus S. R. M. ex hac mortali vita innixum:  
cumq; multi ex plebe simplices non pro-  
be intelligant articulum, in unione hæ-  
reditaria Norcopiæ anno 1604 ab Ord-  
inibus approbata, concernentem jus hæ-  
reditariæ successionis, competens filia-  
bus regis: Itaq; libera voluntate & de-  
liberato eandem hæreditariam unionē  
jam redintegrare, declarare, omnibusq;  
in memoriam iterum revocare volui-  
mus. Obstringimus proinde nos singu-  
los & universos, tam præsentēs quam  
absentes, jam natos aut post nascituros,  
quod si quid humanitus evenerit S. R. M.  
(quod tamen Deus clementer in longum  
differat) ita ut contingat S. R. M. sine  
legitima prole mascula emori; nos p̄  
vera Principe nostra hæreditaria ac re-  
gina

gina agnituros illustrissimam ac serenissimam Christinam, Suecorum, Gothorum, & Vandalorum Principem hæreditariam; & omne suæ celsitudinis jus regium tuituros, secundum dictæ unionis hæreditariæ decretum, & regni Sueciæ scriptas leges, quæ huic nostræ obligationi non adversantur.

2. Cum à clementissimo rege nostro abunde nobis demonstratum sit, in maximis, si unquam antea, periculis (quæ tamen Deus à nobis clementer avertat) versari patriam nostram: non melior ratio defendendi regni pro re nata iniri potuisse visa est, quam si delectus militum fiat ad eundem plane modum quo superiori anno habitus fuit: ita tamen ne Nobilitatis immunitates ac privilegia futuris temporibus hoc ipso corrumpantur; & ne ejus alacer ac promptus in reipublicæ commoda animus, ipsi aut posteris ejus ullo pacto fraudi sit; utque liceat clero servos suos retinere fundis colendis ac conservandis.

3. Consentimus quoque, ut singulis jumentorum capitibus tributum, quod superiori anno pensum fuit, rursus imponatur, nec quisquam eo liberator; nisi quod Nobilium pecudes quæ pascuntur in prædiis, ubi ipsi morantur Nobiles, hac lege eximi placet. De agris ac semente

idem obtineat. Pendito itaque, quisquis se incolam ac subditum regni agnoscit, pro qualibet tonna seminis vi oras; quolibet equo xxiv semis; equa xii & quartam partem; equa juvencula vi; pullo equino sex annorum vi; bove xxiv semis; vacca xii & quartam partem; tauro xviii semis; juvenco xii & quartam partem; juvenca vi; ove annosa ii & quartam partem; ove juvene i semis; hirco iv & quartam partem; capro ii & quartam partem; capra juvene i semis; capra plurium annorum ii & quartam partem; sue iii oras. Sintque termini exigendo hoc tributo festa Matthiæ, & Philippi Iacobi. Nos quoque clericis, ultra subsidium hoc universale, pro taxatione ejus quod nobis cedit in vicem stipendii, in medium conferemus. Cives item pollicemur exhibituros nautarum numerum. Quod si vero hæc mala, cum quibus conflatur regnum, hoc anno cessatura non sunt, (quod Deus omen avertat;) neque dabitur opportunitas iterum indicendi comitia, convocandique ordines; Promittimus universi, sponte nos dictum subsidium in annum prorogatueros: Ita tamen ne hæc promptitudo publica mala sublevandi cujusquam libertatibus ac privilegiis ullatenus officiat; quod etiam

S. R. M.

S. R. M. nobis clementissime pollicita est.

4. Cumque experientia comprobatum sit, molas trusatiles privatorum, vectigal publicis molendinis impositum valde imminuisse, cum maximo reipubl. damno; Volumus tolli & abrogari omnes hujusmodi manuaras molas. Verumtamen cum adhuc incertum sit, an pro multitudine ac usu populi molarum reperiuntur extructæ, S. R. M. clementissime indulget clero ac plebi usum molarum suarum in annum, cujus privilegii dies cedat à principio novi anni 1628, exeat vero cum anno, hac lege, ut gratitudinis loco exactoribus regiis pro capite puberis hominis solvant matricam unam, idque ad festum Matthiæ; pendendo tamen vectigal pro molitura. Et ne qua fraus fiat huic vectigali, utque constet omnibus, an quisquam redditus publicos intervertere conetur, vel non; edictum promulgari jussit S. R. M. quo, quid in dicti vectigalis exactione, quid in erogatione observari convenit, uberius ac plenius declaratur, quoque nos ac collegas sociosque nostros absentes obstringimus, plane ut fideles ac obsequentes æquum est subditos.

5. Cum item S. R. M. per Senatores regni nobis clementissime significarit, quanto-



quantopere ex usu reipubl. sit, si nonnullos ex corpore nostro delegerimus, cum quibus S. R. M. secreta quædam regni negotia seorsim posset communicare; nobisque considerandum reliquerit, an, quæ utilia factu judicaverint S. R. M., senatores regni, & viri à nobis delecti, calculo nostro non aliter ac publice acta consultaque approbare, executionique, ut fideles subditos decet, mandare velimus: Itaque plane acquiescentes iudicio regio, ad hoc deputavimus ex nobilium ordine, generosos ac nobiles, Iohannem Sparrium, Baronem de Bolmeryth, &c. ex ecclesiasticorum numero reverendos ac doctos, D. Petrum Kenicium, archiepiscopum Vbsaliensem, &c. ex civium ordine, spectabiles ac prudentes viros, Iohannem Henrici, consulem Stocholmensem, &c. denique ex plebe, honestos viros, Magnum Davidis, &c. ut, quicquid illi consilii dederint S. R. M., & S. R. M. cum illis decreverit, plane ratum ac firmum habeamus, jam & in posterum, ac si à nobis omnibus scitum ac confirmatum foret.

In fidem actorum manus nostras adscripsimus, & sigilla propria, civilia, territorialia, ac provincialia adfiximus. Actum Stocholmiæ, 24 Decemb. 1627.

PACTA

PACTA INDVCIARVM,  
inter GVSTAVVM ADOLPHVM, Sue-  
corum, &c. & SIGISMVNDVM III,  
Poloniæ, reges, &c. ad sex annos  
initiarum, usque ad primam Iulii,  
anni cIdo cxxxv.

NOS GVSTAVVS ADOLPHVS, Dei  
gratia, Suecorum, Gothorum, Van-  
dalarumque Rex, Magnus Princeps Fin-  
landia, Dux Esthonia & Carelia, In-  
griaque Dominus, &c. Notum facimus  
universis quorum interest; dedisse nos  
mense præterito Iulii commissarios no-  
stros plena potestate & mandato in-  
structos ad tractandum, interveniente  
mediatione amicorum regum & Prin-  
cipum, de pace aut induciis cum serenis-  
simo Principe ac Domino, domino SI-  
GISMUNDO III, Rege Poloniæ, Magno  
Duce Luthuania, Russiæ, Prussiæ, Ma-  
sovia, Samogithia, Livoniaque, &c.  
consanguineo nostro, ac republica Polo-  
na. Qui congressi cum Ser. ejus & rei-  
publicæ Polonæ commissariis, sequentia  
pacta, uti verbotenus infra sunt expres-  
sa & inserta, inierunt &c.

Nos, serenissimi potentissimique Prin-  
cipis ac Domini, Dn. GVSTAVI ADOL-  
PHI, Suecorum, Gothorum, Vandalor-  
umq; regis, Magni Principis Finlandiæ,  
Ducis

Ducis Esthoniæ & Careliæ, nec non In-  
griæ Domini, &c. Domini nostri cle-  
mentissimi, regnique Sueciæ, commissa-  
rii, *Axelius Oxenstiern*, sacræ regię M.  
regnique Sueciæ senator & cancellarius,  
ad exercitum in Borussia legatus, ibi-  
demque partium S. R. M. subiectarum  
gubernator generalis, & liber Baro in  
Kymitho, Dominus in Fyholmen & Ty-  
doen, eques auratus, &c. *Hermannus*  
*Wrangelius*, S. R. M. exercituum campi  
Marschallus, Hæreditarius in Ahlo &  
Scogkloster, &c. & *Iohannes Banerius*,  
tribunus ac gubernator Höfstenſis, Hæ-  
reditarius in Mulhammer, eques auri-  
tus, &c. Notum testatumque facimus  
universis quorum interest; Quod, cum  
ad sopiendum hoc funestum bellum,  
cum serenissimo ac potentissimo Princi-  
pe ac Domino, domino SIGISMUNDO III,  
rege Poloniæ, magno Duce Lithuanix,  
Russiæ, Prussiæ, Masoviæ, Samogithiæ,  
Livoniæque, &c. reque publica Polona  
gestum, serenissimus ac potentissimus  
Princeps ac Dominus, dominus LV-  
DOVICVS XIII, Franciæ ac Navarræ  
rex, &c. Christianissimus, legatum  
suum illustrissimum dominum *Her-  
culem*, Baronem de Charnace, equi-  
tem sui Ordinis, cubicularium secre-  
torem ac tribunum, &c. ac serenissi-  
mus

mus & potentissimus Princeps & Dominus, dominus CAROLVS, Magnæ Britanniae, Franciae & Hyberniae rex, fidei defensor, legatum suum illustrissimum dominum *Thomam Rœe*, &c. equitem auratum, misissent; Hi adjunctis sibi serenissimi Principis ac Domini, domini GEORGII GVILHELMI, Marchionis Brandenburgensis, S. Rom. Imp. Electoris & archicamerarii, in Prussia Ducis, &c. commissariis, magnificis ac generosis dominis, *Andrea à Kreutzen*, supremo consiliario & capitaneo Provinciali; *Bernhardo à Königsbeck*, consiliario Provinciali; & *Georgio Rauschke*, consiliario iudicii aulici Ducatus Prussiae, &c. postquam studio omni, summa fide ac dexteritate, reducendae tranquillitati incubuissent, seposito in praesens, ad tempus certum, pacis perpetuae negotio, quo interim de hoc pacatius ageretur, eò rem, divina adjuvante bonitate, deduxerunt, ut congressi hisce diebus cum reverendissimis ac illustrissimis, illustribus, magnificis & generosis dominis commissariis serenissimi regis regniq; Poloniae, domino *Iacobo Zadzik*, episcopo Culmensi ac Pomesaniae, regni Poloniae supremo cancellario; domino *Iacobo Sobiesky*, incisore regni Crasnostaviensi; domino *Georgio Osolimsky de Tenczyna*

*Tenczyn*, dapifero regni Adſelenſi; & domino *Magno Erneſto Doenhoff*, Derpatenſi, capitaneis, &c. de induciis ad modum ſequentem convenerimus, ſtatuimus & concluſerimus.

Sint ex hoc die induciæ inter ſereniſſimum Principem, dominum *Gvſtavum Adolphum*, regem Sueciæ, &c. Dominum noſtrum clementiſſimum, ſacræ regiæ Majeſtatis ſuæ ſucceſſores, reges Suecorum, regnumque Sueciæ, ex una parte; & ſereniſſimum Principem, Dominum *Sigismundum III*, regem Poloniæ, Magnum Ducem Lithuaniz, &c. ſuæque Majeſtatis ſucceſſores, reges Poloniæ, & Magnos Duces Lithuaniz, regnumque Poloniæ & Magnum Ducatum Lithuaniz, ex altera parte; annis ſequentibus ſex, à data præſentium computando, uſque ad primum Julii, ſtylo veteri, anni milleſimi ſexcenteſimi trigeſimi quinti. Sac. Reg. M. regnumque Sueciæ abſtineat, duranteſus induciis, omni hoſtilitate adverſus regem regnumque Poloniæ, & Magnum Ducatum Lithuaniz, eiſque ſubjectas provincias, caſtra, civitates & territoria; neque quidquam vel per ſe, vel per alios, moliatur aut tenter, tentarive faciat, in horum detrimentum aut præjudicium. Ad eundem modum ſereniſſ.

renissimus rex regnumque Poloniae, & Magnus Ducatus Lithuaniae, abstineat, durantibus induciis, omni hostilitate adversus regem regnumque Sueciae, eisque subjectas provincias, castra, civitates & territoria; neque quicquam vel per se, vel per alios, moliatur aut tentet, tentariue faciat, in horum detrimentum aut praerudicium. Serenissimus rex Sueciae reddat serenissimo regi reique publicae Polonae *Strasburgum* in Culmensi tractu, cum suo territorio, *Dirschaviam* in Pomerellia, cum suo territorio, insulam *Gedanensem*, *Gutsladium*, *Vormittum* & *Mehlsaccum*, cum suis territoriis, in episcopatu VVarmienfi; item ecclesiam *Fravvenburgensem*, cum suo adjacento oppidulo & pagis; tum *Mithaviam* in Semigallia, cum suo territorio, Duci Churlandiae, hoc observato, ut *Nova Munda* & *Spilven*, cum iis quae cohaerent, uti in prioribus induciis factum est, *Rigam* sequantur; & *Fravvenburgum* his legibus reddatur, ut portus Fravvenburgensis, cum tota Habiripa & litore, maneat in potestate regis Sueciae, reservatis Fravvenburgensibus suo piscandi jure; deinde ne Fravvenburgum, aut quis alius locus ejus territorii, stantibus induciis, muniatur; & ut iter regis Sueciae subditis ac militibus semper sit

liberum per Fravvenburgense territorium. In Livonia utraque pars, uti nunc possidet, ita possideat durantibus induciis, excepta Mithavia, ut in superiori articulo. In Prussia vero rex regnumque Sueciæ retineat & possideat, ut possidet, *Brunsborgam* & *Tolkemitum*, cum suis territoriis, *Elbingam* cum suo territorio, tam in continente, quam in utraq; insula, & insulam Fischaviensem integram. In Majori Insula ripam omnem Habi, incipiendo à territorio *Elbingensi*, usque ad ostium Vistulæ, cum adjacentibus & propinquis pagis *Stobendorff*, *Habersdorff* & *Allendorff*; tum ad Vistulam Tigenort, atque inde ducta linea ad aggerem insularem, cum ipso aggere & *Kukukskrugh* usque, ad *Ianckendorff*, & quicquid agri, vulgo *Butendijk*, insularum aut paludū, cum inædificatis ædibus, tabernis & structuris, quæ Insulam Majorem & Neringiam interjacent, atque à *Ianckendorff*, inter aggerem Insularem ac Neringiam in Habum usque procurrunt, una cum *Cobelgrube*, *Groskenkrug*, *Stuthoff*, *Stegen*, atque hinc ducta in mare linea, quicquid Neringiæ, *Stegen* atque *Pillaviæ* interjacet, cum ipso portu Pillaviensi, salvis operis & excubiis circa reficiendos & conservandos aggeres, quas coloni earundem villarū

statis

statis temporibus præstare tenebuntur, more consueto. Mariæburgum cum Insula Majori, (excepto Elbingensi territorio, & ripa pagisque supradictis,) Stuma, Capite Vistulæ in Neringia, durantibus induciis collocentur & sequestrentur in manu serenissimi Principis, Domini GEORGI GUILHELMI, Marchionis & Electoris Brandenburgensis, in Prussia &c. Ducis, hac lege, ut mense uno ante exitum induciarum (si interea de principali negotio non convenerit) Mariæburgum cum Capite seu fortalicio Vistulæ, Stuma & Majori Insula, non aliter ac nunc tenentur ac possidentur, regi regnoque Sueciæ reddantur ac restituantur, sine fraude, doloque. Pro majore securitate regis regnique Sueciæ, ratione recuperationis Mariæburgi, Capitis Vistulæ & Stumæ, serenissimus Elector relinquat in manu regis Sueciæ Fischhausen & Lochstettum, cum suis territoriis, & eam territorii Schakenensis partem quæ Neringiam ac lacum Churonicum spectat, Fischhausenque territorium cum Neringia & lacu connectit, prout inter regis Sueciæ ac Electoris commissarios convenerit, tum ipsam Neringiam Churonicam; ac demum Memeliam castrum & civitatem, cum suo territorio: & hæc possideat



ac retineat rex regnumq; Sueciæ eodem jure, quo nunc Mariæburgum habet, donec aut hoc cum Insula, Vistulæque Capite seu fortalicio, cæterisq; nti dictū est, redditum fuerit, (quo casu illa serenissimo Electori sine fraude doloq; restituentur,) aut per nova diuturnioris pacis pacta aliter cōvenerit. In sequestrandis aut tradendis hisce, quæ restituentur, vel cautionis loco dabuntur, hic ordo observetur, ut tradita regis Poloniæ ratificatione *Strasburgum, Gustadium, Vormitum, Melsaccum, Frauvenburgum & Dirscavia*, deductis præsiidiis, tradantur commissariis regis regnique Poloniæ, intra dies ad summum sex. Tradetur quoque *Mariæburgum & Stuma*, deductis præsiidiis regis Sueciæ, serenissimo Electori intra duodecim dies. Quo recepto Memelia commissariis regis Sueciæ, deducto præsidio Electoris, intra dies VIII consignabitur; ac demum Caput Vistulæ eidem Electori, deductis præsiidiis, intra dies octo tradetur; idq; omne, quicquid sit, sine dolo ac fraude, à singulis & universis fiat ac præstetur, bona & Principali fide; Iustitiaque de præsiidiariis, si quam injuriam civibus & incolis ante & in abitu, sive etiam in transitu intulerint, vel pecunias exegerint, administretur. Rex ac respublica Polona nihil,

nihil, durantibus induciis, moliatur aut tenet adversus Mariæburgum, Caput Vistulæ, Majorem Insulam aut Stummam, nec vi, nec alia quavis ratione; sed serenissimum Electorem, toto hoc tempore, ab omni periculo immunem præstet, locaque supradicta pacifice possidere patiatur. Sit omnium anteaكتورum amnestia; & rex ac respublica Polona receptas in fidem suam civitates ac territoria, singulosque cives & incolas, omni meliore modo indemnes præstet; juri- bus ac privilegiis, quibus ante hoc bellum gavisi sunt, singuli ac tota commu- nitas, non minus in posterum libere & sine cujusquam impedimento fruan- tur. Cunctæ actiones adversus illos, qui partes regis Sueciæ hoc bello secuti sunt, aut secuti esse insimulantur, quibuscun- que in locis, siue relictis, siue seque- strandis, habitent; vel instituendæ vel institutæ, cessent, & si quæ intentatæ sunt, tollantur, omnique careant exe- cutione tempore induciarum. In locis sequestratis ecclesiæ ac bona sacerdotum manean- ad eundem modum tempore induciarum, quo erant ante occupatio- nem. Tum *Brunsb erga* pro libero reli- gionis Catholicæ usu templum *Neusta- dense*, & in districtu eodem ruri tres ec- clesiæ concedantur. Neque vis aliqua

aut injuria illis inferatur; justitiaque debita conquerentib<sup>9</sup> administretur. Evangelicis quoque salvo manente & libero in locis sequestratis restitutisve, uti ante viguit, publico suæ religionis exercitio, sine ullo impedimento aut molestia. Parochi autem concessarum Catholicis ecclesiarum supra nominatarum, suis antiquis proventibus gaudeant. Si cui aut quibus non placuerit in restitutis civitatibus & territoriis manere, sed potius, mutato domicilio, se vel Elbingam, vel etiam ad externos conferre: liberum cuilibet sit sua divendere, aliis elocare, aut pro lubitu suo distrahere, sine ullo impedimento aut onere, sub quocunque prætextu imponendo. Idem quoque liberum erit in iis locis, qui in possessione regis regnique Sueciæ remanebunt. In locis restituendis & sequestrandis relinquantur bona fide omnia mobilia ecclesiarum, quæ in præsens reperiuntur; uti sunt vasa & vestes sacræ, campanæ, aliaque ad usum ecclesiarum servientia; tum libri cancellariæ, privilegia & acta publica. Si quæ tamen temporum injuria à milite sunt direpta, aut reliquorum negligentia corrupta, ulterior in id inquisitio non instituatur, nec quisquam ad restitutionem teneatur. Tormenta itidem bellica & bombardæ  
maiores,

maiores, quæ tempore occupationis inventæ fuerant, & adhuc in civitatibus restitutis sunt, restituentur. Tormenta vero & alia instrumenta bellica tot in quantitate & qualitate remaneant *Mariaburgi* & in Capite Vistulæ, quot ab Electore in Memelia tradita fuerint; sicuti de hisce inter regem Sueciæ atque Electorem convenerit. Si S. R. M. Sueciæ aliqua bona mobilia jure caduco, vel communitatibus, vel privatis & singulis largitus fuerit, ea servantur iis, quibus collata sunt. Exercitus omnes, exceptis præfidiariis, ab utraque parte ex Provincia deducantur, nec in posterum utrinque reducantur stantibus induciis; multo minus in terras ac Ducatum, sub qualicunque prætextu, mittantur. Commercia & itinera, terra, fluminibus ac in portubus utrinque libera ac minime impedita sint, tam in regno Poloniae, quam magno Ducatu Lithuanie; nullaq; vectigalia aut exactiões in terra aut fluminibus alterutra pars imponat, sed omnia maneant in hoc statu, prout ante hoc bellum fuerant. Deflunitatio mercium ex magno Ducatu Lithuanie Regiomontum versus, nulla ratione in lacu Curonensi ex portu Memelienensi impediatur; nullaque vectigalia in eodem lacu exigantur. Eadem liber-

tate fruantur incolæ magni Ducatus Lithuaniae, in commerciis per Dunam exercendis. Omnes captivi utrinque detenti, cujuscunque sint conditionis & status, nemine excepto, liberi & sine pretio, ii qui in Prussia & vicinioribus Palatinatibus, intra quindecim dies; qui in majori & minore Polonia, intra menses duos: qui in Russia & Lithuania, remotioribusque Provinciis detinentur, intra tres menses, dimittantur. Idem servandum ex parte regis Sueciae, ut ii, qui in hisce locis detinentur, intra quindecim dies, qui vero in Sueciam abducti, vel in Livonia detinentur, intra tres menses dimittantur. Præsidia utriusque partis ex locis Ducatus Prussiae, ubi fuerint, deducantur, observata militari disciplina, nec miles ab utrinque Ducatum hybernis aliquibus gravabit. Si quæ actiones cuipiam cujuscunque status & conditionis in Ducatu Prussiae occasione hujus belli intentatae sunt, aut intentari possunt, ex durantibus induciis cessent. Si quis, quicunque is futurus sit, aut sub quocunque prætextu, hisce pactis contravenire, effectum pactorum & restitutionem dictorum locorum impedire, aut si tertius quis sub quocunque prætextu serenissimum regem regnumque Sueciae hic in Prussia infestare & aggredi voluerit;

rit;rex & respublica Polona,Dux Boruss-  
sæ, Ordines regalisBorussæ,& urbsDā-  
tiscana,spondeant,ac promittant,se ar-  
ma cum S.R.M.regnoq;Sueciæ conjun-  
cturos,& id pro virili averfuros,neq;pa-  
cta hæc passuros ullo modo violari. Idē  
spondeat ac promittat serenissimus rex  
regnūq; Sueciæ, se nullo modo passuros  
pacta hæc violari, sed arma cū serenissi-  
mo rege ac republica Polona, ut & Du-  
ce Borussæ, Ordinibus regalis Borussæ  
& urbe Dantiscana juncturos, adversus  
quemcunque, qui hisce pactis contrave-  
nire, effectum pactorum & restitutio-  
nem dictorum locorum impedire, aut  
sub quocunque prætextu regem ac rem-  
publ. Polonam armis in Borussia infe-  
stare, aut huc penetrare adgressus fuerit:  
cunctaque imminencia mala pro virili  
averfuros. Injurias tam personales,quā  
reales, sub istas inducias incidentes, una  
pars de altera non vindicabit, salva ju-  
risdictione cujusque partis ordinaria;  
sed justitia ab officialibus & magistrati-  
bus competenter requiratur, eademque  
indilata ab utrinque administretur, se-  
veræque pœnæ in violatores pacis fide  
publica roboratæ exerceantur: nullæq;  
repressaliæ aut arresta, tam terra, quam  
mari, ratione cujuscunque injuriæ, nisi  
justitia pluribus vicibus petita non ad-

ministretur, admittantur; &, si quæ ante hoc bellum concessa sunt, cassentur; ita tamen ut iis, quibus concessa sunt, justitia administretur. Quod si quid gravius inciderit, quod violationem pactorum concernere videretur, dentur utrinque bini commissarii, qui loco aliquo inter *Elbingam* & *Mariaburgum* assignato convenient, controversiasque exortas sopiant ac decident. Idem in Livonia cōstituatur. Cum induciæ præsentis eo fine conclusæ sunt, ut tanto facilius, si de pace perpetua, si longioribus induciis, inter partes, intervenitu Christianorum Principum, tractari possit; assignentur commissarii utrinque cum plenissimis mandatis, qui spacium unius anni à data præsentium computando, loco ac tempore, de quibus inter partes per serenissimum Electorem conventum fuerit, convenient, ac de principali negotio, firmaque ac stabili pace, mediantibus amicis, tractent; qui si rebus infectis (quod Deus avertat) discesserint, firmæ maneat induciæ, neque tamen occasiones reducendæ perpetuæ pacis ulterius omittantur. Si hisce pactis ex parte S. R. M. regniq; Sueciæ, rex Daniæ, tum Ordines generales confœderati Belgii, & Princeps Transylvaniæ, comprehendi & inseri velint, sit ipsis  
ejus

ejus facultas; modo se ad ista intra quin-  
 que abhinc menses declaraverint. Simi-  
 liter ex parte serenissimi regis & reipu-  
 blicæ Polonæ, si Romanorū Imperator,  
 Hispaniarum rex, infans Hispaniarum,  
 Belgii Princeps, Dux & Elector Baviaræ,  
 comprehendi & inseri velint, sit ipsis  
 ejus facultas; modo se ad ista intra quin-  
 que abhinc menses declaraverint. Ut  
 pactis hisce firmitus insistatur, certoque  
 constet bona fide utrinq; servatum iri,  
 ita convenit, ut primo, redditis utrinq;  
 procuratoriis D. Dnn. commissariorum,  
 pacta hæc manu & sigillo eorundem  
 firmarentur & vicissim redderentur.  
 Tum, ut serenissimus rex Poloniæ quan-  
 tocius secundum præscriptam formu-  
 lam confirmaret hæc pacta, & ante-  
 quam ullius loci fiat restitutio, suam  
 confirmationem traderet. Deinde, ut se-  
 renissimus rex Sueciæ solēni instrumen-  
 to suo illa nomine suo & regni Sueciæ  
 rata haberet, & respublica Polona ea-  
 dem in comitiis primo quoquo tempo-  
 re celebrandis solenniter approbaret,  
 atq; confectis instrumentis ratificaret.  
 Quæ instrumēta solennia ad formulam  
 præscriptam, nulla voce aut syllaba mu-  
 tata, per utriusque partis commissarios  
 deputatos, quanto citius poterit, ad  
 limites territoriales inter *Elbingam*  
 &



& Mariaburgum sine mora aut excusatione reddi utrinq; & recipi debebunt. Ad eundem modum serenissimus Elector Brandeburgicus promittat, se *Mariaburgum* & *Caput Vistula*, cum *Insula Majori* & *Stuma* jure sequestrationis retenturum, & mense uno ante exitum induciarum, deductis suis præsiidiis, serenissimo regi & regno Sueciæ in manum redditurum; recepturus vicissim *Memeliam*, *Fischausium*, *Lochstettum* & *Schdåkium*; uti ante convenit; & hoc speciali instrumento spondeat ac promittat. Actum in campo, ad villam *Altemarck*, vulgo *Starytarg*, die decimasexta Septembris, Ityli veteris, anno millesimo sexcentesimo vigesimo nono.

Nos itaque GUSTAVUS ADOLPHVS, Dei gratia, Suecorum, Gothorum, Vandalorumque rex, &c. promittimus & recipimus nomine nostro, successorum nostrorum, regnique nostri Sueciæ, Nos singula & universa capita, pactis superscriptis inserta & comprehensa, bona & regia fide approbare, laudare & ratihabere; sicut hisce approbamus, laudamus & ratihabemus; nec passuros, a nostratibus aut alio nullo modo violari. In quorum maiorem fidem ac certitudinem, hisce manu nostra subscripsimus, & signum nostrum apponi iussimus.

VII.

REGIA FAMILIA SVECIÆ.

*Sequentia hausta è Theatro Nobilitatis Suecane, à Ioanne Mesenio Suecne fabrefacto.*



VSTAVUS Erics, rex Sueciæ designatus anno clō lō xxiii, & xxviii coronatus.

Hujus prima uxor fuit Catharina, Magni Saxoniae Ducis filia; ex qua suscepit *Ericum* xiv, Suecorum regem; qui natus fuit xiii Decemb. anno clō lō xxxiii, & coronatus lxi; defunctus clō lō lxxvii.

Secunda, Margareta, filia illust. viri Erics Abrahami de Loholm, Equitis, & Gubernatoris Vestrogothiae; quam duxit anno clō lō xxxvi; hæc illi genuit,

1. *Ioannem*, Sueciæ R.  
2. *Catharinam*; quæ nupsit Echar- do Frisonum Comiti, anno clō lō lxi; eique peperit Ennonem, Gustavum, Ioannem, & Christophorum, Comites Frisonum orientalium.

3. *Ceciliam*; quæ nupsit Christophoro Marchioni Badensi, anno clō lō lxi; eique genuit Eduardum Fortunatum, Christophorum Gustavum, & Philippum.

4. *Ma-*

4. *Magnum*, Ducem Ostrogothiæ, qui obiit anno clō lō xcv.

5. *Stenonem*; qui puer obiit.

6. *Annam*; quæ nupsit Georgio Ioanni, Comiti Palatino Rheni, & Duci Bavarix, anno clō lō lxxiii; eique progenuit Georgium Gustavum; Ioannem Rupertum; Annam Margaretam; & Vrsulam consortem Vlrici Ducis VVirtembergensis.

7. *Carolus*; qui statim defunctus est.

8. *Sophiam*; quæ nupsit Magno, Duci Saxonix, anno clō lō lxxviii; eique genuit Gustavum Ducem Saxonix; qui obiit Holmiæ anno clō lō xcvi.

9. *Elizabetham*; quæ nupsit Christophoro Duci Megapolensi; eique genuit unicam filiam Margaretam, anno clō lōc viii Duci Megapolitano enuptam.

10. *Carolus*, Ducē Sudermannix, &c.

Obiit hæc regina anno clō lō lxi.

Tertia conjux fuit Catharina, Gustavi Olai Baronis de Torpa & Gubernatoris VVestrogothiæ filia, quam duxit anno clō lō lxi, sed nullos ex ea suscepit liberos.

*Erico* XIV genitus fuit *Gustavus* Dux.

*Ioannes*, Sueciæ rex, natus anno clō lō xxxvii, coronatus clō lō lxxix.

Hujus prima uxor fuit Catharina, Sigismun-

gismundi primi Polonorum R. filia; quam duxit ann. clō lō LXII. Hæc illi genuit *Sigismundum* Polon. R., & *Annam*.

Secunda uxor fuit Gunila, Ioannis Axellii Bielke de Heresetter Equitis & Ostrogothiæ Gubernatoris filia; quam duxit anno clō lō LXXXV, è qua illi natus *Ioannes*, Ostrogothiæ Dux, & hæreditarius regni Princeps; qui anno clō lōc XII duxit in uxorem illustrissimam Mariam Elisabetham, Caroli IX Sueciæ R. filiam.

*Sigismundo* Poloniæ regi prima uxor fuit Anna, Caroli Archiducis Austriæ filia. è qua ipsi nati: 1. *Anna Maria*. 2. *Catharina*. 3. *Wladislaus*, rex Poloniæ designatus. 4. *Christophorus*, è matris utero cæsus, & paulo post defunctus cum matre.

Secunda conjux Constantia, superioris soror. è qua etiam plures liberi ipsi nati fuerunt.

*Carolus*, natus anno clō lō L; primo Dux Sudermanniæ, Nericiæ & Vermlandiæ; dein anno clō lōc VII in regem Sueciæ coronatus; duas habuit uxores.

Primam, Mariam, Ludovici Electoris Palatini filiam; quam duxit anno clō lō LXXIX. ex hac nati *Margareta Elizabetha*, quæ quinquennis obiit; *Elizabetha Sabina*, itidem defuncta; *Ludovicus*,

*vicus*, qui statim obiit; *Catharina*, nata anno clō lō LXXXIV, & enupta serenissimo Principi Ioanni Casimiro, Palatino Rheni, & Duci Bavariae, anno clō lō xcv; *Gustavus*, qui infans obiit; & *Maria*, itidem defuncta. Obiit ipsa regina anno clō lō LXXXIX.

Secundam, Christinam, Adolphi Holstiae Ducis filiam; quam duxit anno clō lō xcii. Hæc regi peperit *Christinam*, quæ haud diu superfuit; & *Gustavum Adolphum*, qui hodie regno Sueciæ feliciter imperat, 1x Decembris anno clō lō xciv; & *Mariam Elizabetham*, anno clō lō xcvi; quæ anno clō lōc xii nupsit Domino Ioanni, Sueciæ Gothiæque Principi hæreditario, & Duci Ostrogothiæ; denique *Carolus Philippus*, hæreditarium Sueciæ Principem, & Ducem Sudermanniae, Nericiæ & Vermlandiæ, anno clō lōc i.

*De Ducum, Comitum, Baronum, &  
Equitum dignitatibus in Sue-  
ciæ regno.*

**D**Vcum, qui secundum in amplissimis regnis post reges & illorum filios gradum sibi vendicant, dignitatem & auctoritatem, ne regum quidem filiis, multo minus Ducum, Sueci antiquitus attribuerunt, nisi insigni aliquo virtu-

virtutis documento illam promeruisse; unde Carolus VII & Ericus X quanquam regibus prognati essent, tamen vetustissima regni diplomata non ipsis Ducum nomenclaturam perhibent assignatam, sed nobiles juvenes, vulgo *Iunker*, compellatos, donec egregiis virtutum facinoribus cōspicui, illam regiumque titulum promeruisent. Idem & de Ducum filiis aperte liquet.

De Comitibus idem propemodum asseverat Gothorum historia; quorum illustris dignitas, à temporibus admittæ religionis Christianæ, in Suecia fere intermissa fuerat, donec potentissimus Gothorum rex Ericus XIV, anno c1o 1o LXII, in festivitate coronationis suæ, sequentes regni magnates, Comitum titulo & insignibus donavit; Suantonem Sture de VVestervijck: Petrum Brahe suum amitinum de Vissingzburg: Gustavum Ioannis de Bogesund, Comites ipso inaugurationis die, qua par erat solemnitate, proclamando. Ioannes III regno potitus Stenonem Erici ann. c1o 1o LXVIII Comitibus dignitate & insignibus decoravit. Pari modo Gustavus II anno c1o 1o c xv Iacobum de la Gardie, ob insignem operam in bello Muscovitico regno Sueciæ navatam, Comitē de Lecko VVestrogothiæ merito designavit.

Baronum autoritas nulli in amplissimo Suecorum imperio ante Erici XIV regis tempora fuit impertita. ille autem Baronum titulo primus donavit Gustavum Olai de Torpa : Stenonem Erici de Grefnes : Birgerum Nicolai de Vynes : Gabrielem Christierni de Mørby : Laurentium Flemming de Sundholm : Carolum & Georgium Gere de Byrckevvyck & Olleno , germanos : Claudium Christierni de Amynne , & Ericum Gustavi de Oeresteen. Ioannes deinde Rex ad eundem modum hoc titulo ornavit ; Nicolaum Gyllenstiern de Lundholm & Foglevvyck , regni Suetici Cancellarium ; Hogenschildum de Lecko ; Pontum de la Gardie , natione Gallum , & ductorem exercitus Suecici contra Moschum ; ac denique Claudium Flemming de Svvidia. Carolus IX Rex ; Suanonem Bielke de Krakerum regni Cancellarium ; Nicolaum Bielke de Salestad ; Abrahamum Erici de Eckeberga. Denique Gustavus II ; Carolum Caroli Gyllenhelm de Barquara ac Sundbyholm.

Dignitas vero Equestris sive Equitum auratorum , à remotissima hominum memoria , ad hunc usque diem , apud Sueonas , Gothosq. , præmium præclarorum facinorum fuit. Vnde Ericus XIV

vete-

veterum regum exemplo in coronationis suæ festivitate, cingulo equestri impertivit; Georgium Erici de Foglevvyck: Thuronem Petri de Salestad: Dionysium Beureum præceptorem suum : Nicolaum Boye: Aruidum Trolle: Ericum Caroli: Nicolaum Caroli: Claudium Flemming: Canutum Canuti: Ericum Magni: Signonem Laurentii: Ioannem Bonde: Benedictum Gylte: Ioannem Kyle: Gustavû Fynke: Nicolaum Krumme: Ivarum Ivari: & Georgium Normannum. sequenti autem die; Magnum Suenonis: Canutum Haraldi: Ericum Georgii: & postilla Ioannem Claudii: & postilla Ioannem Claudii & Ioannem Beronis. Sigismundus autem in festo coronationis suæ, nulli huiusmodi virtutis præmia contulit. Quo vero ritu equestris dignitas olim collata fuerit, ita describit Olaus l. xiv. c. vii.

Facta igitur juxta præmissas ceremonias, apud Deum & homines omni ævo commendabiles, coronatione, ipse rex secundum formam antiquarum legum regnorum suorum, nova privilegia diverso hominum statui, quatenus & quibus opus sit, liberaliter concedit, vel pridem ab antecessoribus concessa restaurat & auget. Demum milites auratos, feudis abundanter distri-



butis, cingulo, ense & clypeo præstitis, tali tamen interveniente juramento, in manibus alicujus Prælati assistentis facto, creat: Ego N. opto ita mihi Deum propitium & B. Virginem ac S. Ericum, quod volo juxta extremum meum posse, per vitam & bona mea, defendere Catholicam fidem & Sanctum Evangelium, & tenere ac protegere ecclesiam, & ejus ministros in sua libertate & immunitate, & stare contra omne quod iniquum est, & confortare pacem ac justitiam, defendere pupillos & orphanos, virgines, viduas ac pauperes, & fore fidelis ac securus meo regi & regno seu patriæ meæ, & juste exhibere atq; exercere meum statum militare, ad honorem Dei, secundum ultimum posse meum, sic me Deus adjuvet, & omnes sancti ejus.

*De Archidapiferi, Legiferi & Armigeri officiis in regno Sueciæ.*

**A**rchidapifer, vulgo *Drotzet*, idem denotat quod Prorex, eodemque, absente Rege, cum amplissima potestate, fungitur officio; vulgari vocabulo magis illam authoritatem exprimente, quam Latino: nam *Drotte* olim apud vetustissimos harum regionum indigenas id prorsus notabat, quod hodie *Könung*:

*nung*: Hinc consortes hodie Regum Aquilonarium, eadem nomenclatura *Drotninger*, quasi Regum conjuges, vulgo appellantur: Pari modo & *Drotzete* inde etymum suum accipit, tanquam locum & sedem Regis tenens, non autem à *Truchsàs* Germanorum, quo *Dapiferum* designant. Quanquam vero non abſimile videatur, Germanos olim, voce Gothica *Drotzet* haud probe intellecta, quæ tum temporis, una cum toto Gothorum sermone, pro imperio à Gothis victoribus obtrudebatur, inde perperam supremum illud etiam hodie in curia Imperatoria officium Latinitate donasse, Proregem Archidapiferum appellando.

Legiferi summæ quoque & auctoritatis & potestatis apud Sueones Gothosque extiterunt: neque hodie quicquam eorundem auctoritati decessit, præterquam quod regno jam hæreditario facto, non amplius, ut olim, Regem designent. Novem autem sunt in regno Sueciæ Legiferatus, seu Legiferorum districtus; singulique suum peculiarem nomophylacem habent assignatum, quem super jure & iustitia in quibuslibet controversiis consulunt, quæ ab inferiori foro ad illos per appellationem devolvuntur, & honorificum illis

quotannis salarium contribuunt.

De Armigerorum dignitate in Suecia, idem omnino sentio quod doctissimus vir Thomas Milles in libello de Nobilitate Britannica de hac re asseverat; præsertim quum probe sciam, non solum in hac parte, sed etiam plurimis aliis, jam olim inter Anglos Sueonesque similitudinem consuetudinum invaluisse. Angli opinio ejusmodi est: Armiger, qui & Scutifer, quandoque & *Homo ad arma* olim dictus, Gallice *Escuire*, Equiti aurato proximus est; utpote qui antiquitus militem à latere insequendo, arma ejus, ut commilito fidelissimus, tulerit; unde forsan ii, quos hodie in Regum nostrorum hospitiiis, *armigeros pro corpore* agnoscimus, originem duxisse videntur: sed quod initio munus bellicum institutione fuerat, nunc dignitatis gradum obtinet. Et si quorundam Suecorum opinio hac de re, haud prorsus explodenda videatur, contentium, majores suos Armigerorum nomine viros saltem nobiles insinuasse, arma sive insignia gentilitia ferre & gestare suos, ad distinctionem reliquorum nullis insignium pigmentis gaudentium.

Monendum denique, Nobilitatem Suecicam rarissime quondam cognomi-

na usurpasse, præter patronymica; unde non modica perturbatio veterum familiarum nepotibus fuit relicta; cuius evitandæ gratia sensim hodie Nobiles ab insignibus cognomina mutant.

*Præcipuorum Suecia magnatum  
sylloge, anno clodccxiv.*

*Regni Senatores.*

**M**agnus Brahe, Comes de Vissingzborgh, regni Archidapifer, & Legifer Vplandiæ.

Abrahamus Brahe, Comes de Vissingzborgh, & Legifer Vefmanniæ.

Axelius Rynningh, regni Marschalcus, & Legifer Sudermanniæ.

Georgius Gyllenstiern, Baro de Lindholm & Byrkesfund, regni Admiralius, & Legifer Tiustiæ.

Axelius Oxenstiern, Baro de Fyholm, regni Cancellarius, & Legifer Bothniæ occidentalis.

Nicolaus Bielke, Baro de Salestad, & Legifer Smalandiæ.

Ioannes Erixi de Broxvvijck, Castellanus Calmarii, & Legifer Vermlandiæ.

Gustavus Stenbock, Baro de Kronebek, & Legifer x provinciarum.

Ioannes Achatii de Biurum.

Erlandus Beronis de Scatmanfoe.

Boëthius Ribbing de Sæby.

Nicolaus Andreæ de Fardala.

Henricus Horn, aulæ regiæ Mar-  
schalcus.

*Camera Consilarii.*

**I**oannes Skytte de Grønsø & Elfue-  
fiø.

Broderus Andreæ de Bro.

*Præter hos sunt magnates &  
iudicii regi assessores.*

**C**laudius Sture Comes de Vester-  
vviçk.

Casimirus & Steno Comites de Ras-  
borg.

Iacobus Ponti de la garde, Comes de  
Leckoe.

Carolus Caroli Gyllenhielm, liber  
Baro de Berquara & Sundbyholm.

Abrahamus Erici, Baro de Eckeberga.

Philippus Scheding, Castellanus Nar-  
vensis.

Olaus Strale, Vicepræses Parlamenti  
regii.

Carolus Gyllenstiern de Vynes.

Georgius Vlphonis de Nornes.

Iacobus Baat de Støfle.

Boëthius Gustavi de Follenes.

*Ioannis Gothorum Ducis Confiliarii.*

**S**uanto Sture, Comes de Vesteruvijck,  
Gabriel Oxenstiern, Baro de To-  
refice.

Lindormius Ribbing de Boxholm.

Ericus Georgii Vlfsparre de Hereset-  
ter, S. C. Marschalcus, & Castellanus Ste-  
keburgenfis.

Sueno Magni de Vesterby.

Ioannes Nicolai de Idingstad, Castel-  
lanus Vastenenfis.

Petrus Nicolai de Scæby.

Margareta, Gustavi I regis germana,  
primo nupsit Ioachimo Brahe, eique  
progenuit illustrem Dominum Petrum,  
Comitem de Vissingzburg; à quo no-  
bilissima familia etiamnum descendit,  
& Archidapiferi munere fungitur. Se-  
cundo nupsit generoso Comiti Ioanni  
de Hoya, eique peperit Iosephum &  
Ioannem Comitem de Hoya.

Illustri familia Sture originem suam  
trahit à Suantone & Stetone Sture, gu-  
bernatoribus regni Sueciæ, & per eos  
ab illustri Duce Suecorum Guthormo,  
qui floruit anno cld c l x i i i.

Comites de Bogesund & Haga origi-  
nem ducunt à Turone de Lindholmen,  
aulæ regiæ Marschalco anno 1522, hoc  
ordine: Turoni fuit filius Ioannes, Con-

filiarius R. & Castellanus Nycopenſis; huic filius Guſtavus, primus Com. de Bogefund & Haga; huic duo fuere filii, Ioannes & Steno; Stenoni rurfus filius Ioannes, Comes de Bogefund & Haga; qui duxit uxorem Gunilam, filiam Nicolai Gyllenſtiern, Baronis de Foglevvyck.

Familia Oxenſtiern (è qua ſunt Barones de Fyholm & Tydoen, itemque de Tœreſiœ) originem repetit è prænobili proſapia Baronum de Mœrby.

Familia, quæ jam ab inſignibus (in quibus eſt atrû repandæ formæ cornu, in campo ſtratum ſubflaveſcenti) Horn agnomen uſurpat, è qua ſunt liberi Barones de Amynne, genus ducit è prænobili familia de Amynne & Kankas.

Familia Bielke, è qua ſunt Barones de Leckroe, itemque Barones de Krakerum, & de Saleſtad, longa ſerie genus ducunt à Catillo regni conſiliario, qui floruit anno c10ccc.

Familia, quæ hodie agnomen Gyllenſtiern uſurpat, (ab inſignibus, in quibus eſt ſtella radio ſepteno auri copioſum è regione cærulea evibrans fulgorem,) è qua eſt Baro de Lundholmen & Byrkefund, regni Architalaſſus; genus repetit ab Erico de Vinſtorp, Equite aurato, & Chriſtina filia Caroli VIII, regis Suecici & Norvvagici.

Ribbin:

Ribbingorum familia satis vetusta est, è qua multi viri nobiles enituerunt. ejus insignia sunt terna nymphæa folia, caule prolixius instructa.

Prælustri familia de Follenes, Nor- nes & Stæfle, prosapiam ducit à nobili familia de Flyshult.

Nobilium & generosorum inprimis virorum, de Broxvvijck, Heresetter & Kellunde, hodie agnomen Vlfsparre usurpat, ab insignibus, in quibus conspicitur tignus rubro pigmento, in spacio umbonis cælestino, flavum nymphææ folium, inversa cuspidè è medio suspensum, complectens.

Aliarum nobilium familiarum stemmata videre est apud Ioannem Messenium; quæ hic compendii causa omittimus.

# VIII.

DE PROPAGATIONE Religionis per Sueciam, ejusdemque reformatione tempore Lutheri; item serie archiepiscoporum Vpsalienfium.



IMPERANTE Carolo Magno, anno Dccc, sacrosancta doctrina euangelica primum ad Saxoniam, deinde ad regna  
aqui.



aquilonaria, Deo misericorditer providente, pervenit. Siquidē is diu multumque laboravit antequā Saxoniam à saxeis diis & idolis posset avertere, sed tandem, bello triginta annorum defatigata, quum abjectis idolis, verbum Dei accepisset, mox tot sanctissimi & doctissimi viri in illa emergere cœperunt; ut, quæ prius fœdos fœdæ idololatriæ cultores genuisset, post illa viros clarissimos, & apostolicam vitam proferentes, ad vicinas & remotas terras ad lucrandum Christo animas, destinaret. Quippe, vivente adhuc Carolo Magno, complures magnæ sanctitatis viri, & in lege Christi doctissimi, ex Saxonia in Gothiam & Sueciam pervenerunt, atque in diversis ejus locis idololatriam impugnantes, divini verbi semina sparsere. In quorum numero erat ille Herbertus, quem ecclesia Lincopensis protopastorem suum recolit & veneratur. Verum, quia nondum venerat plenitudo temporis quod Deus providerat de Suecis nostris, (quibus usque ad horam undecimam otiaandum erat,) supervenit inimicus homo, & tenerum semen, ne in fructum erumperet, conculcavit. Consumptis enim verbi Dei nuntiis, partim naturali, partim violenta morte, & persecutione, plerique Gothi ad idololatriam

reciderunt. Pius Imperator sollicite interim laboravit quomodo regna aquilonaria ad fidem reducerentur; duas ecclesias cathedrales, Hamburgensem nempe, & Bremensem, erexit; ex quarum collegiis assumi possent viri religionem & doctrina præclari, qui per regna aquilonaria euangelium Christi prædicarent. Verum, dum hæc urget, per mortem ad cælestem patriam est evocatus. Optimo patri filius optimus Ludovicus ann. Dom: 814. successit. Qui nihil à paterna pietate degenerans, Christi religionem totis viribus augere studuit; curamq; præcipuam gessit de regnis aquilonaribus ad Christi fidem convertendis. Anno vi Imperii ejus fundari cœptum est cœnobium Corbejense, ad Visurgum fluvium in Saxonia, & diœcesi Paderbornensi, translatis patribus cum nomine de Corbeja Galliarum; (quæ in ripa Sommæ fluminis hodie apparet;) ut viri, sanctitate & prædicatione verbi Dei celebriores, ex eodem cœnobio assumpti in omnem terram aquilonarem transplantari possent.

*Gothorum pontifices.*

- i. **A** Nsgarius Suecorum Gothorumque primus pontifex, in Gallia natus, vix puerilem ætatem egressus, reli-

ctis

Etis hujus mundi opibus, se in monasterium Corbejense contulit, à cujus patribus benigne susceptus, & in lege Dei excellèter edoctus, in eum sanctitatis gradum ascendit, ut tandem omnia aquilonaria regna sanctimonia sua, & doctrina illustraret, factus eorum apostolus & præcipuus verbi divini prædicator. Venit autem in Sueciam circa annũ Christi D CCCXVI. Lupoldus enim Bebenburgensis, in libro quem conscripsit de zelo Christianæ religionis veterũ Principum Germaniæ, dicit, in historia Francorum contineri, quod Ludovicus Imperator, Caroli M. filius, convertit Suecos ad fidem Christi per sanctum Ansgarium, anno Dom. D CCCXVI. Haralduum vero, Regneri Danorum regis competitorem, Moguntiæ una cum conjugè & filiis baptizari fecit, anno Dom. D CCCXXXII; ut idem Lupoldus ex Francorum historia affirmat. Sciendum ergo ex testimonio Crantzii, non semel, sed sæpius, Ansgarium ad regna aquilonaria ad Christi fidem plantandam transivisse; Et quidem ipsum eo tempore, quo supra dictum est, prima vice in Sueciam pervenisse. Cooperatores habuit Gislemarum & VVitmarum. Illum Haraldo regi in Dania reliquit: hunc secum in Sueciam assumpsit. Vbi benigne  
à rege

à rege Berone IV suscepti, in civitate Birchensi verbum Dei publice prædicare permissi sunt; totam civitatem Birchensem, omnemque in circuitu regionem, ad veri Dei cultum converterunt; idola destruxerunt; ecclesias construxerunt; multosque per annum integrum Christo sunt lucrati. His in Suecia patris, Ansgarius ad Hamburgensem ecclesiam (ubi episcopus erat) se contulit; relinquens suo loco apud Bircham sanctum virum Simonem pontificem, & Nitardum presbyterum. Hi quum Christianam doctrinam prædicarent, gravissimas persecutiones ab perfidelibus sustinuerunt, & tandem glorioso martyrio vitam consummarunt. Postquam sanctissimus vir Ansgarius relicta Suecia in suas terras rediisset, illud pusillo gregi Christiano in Gothia accidit quod in caulis ovium absente pastore & veniente lupo evenire solet. Quippe, occiso sanctissimo episcopo Simone, & venerabili presbytero Nitardo, magna Gothiæ pars ad idololatriam est relapsa. Hoc potissimum accidit ex eo, quia rex Ingellus bellum susceperat in avunculum suum Beronem. ex quo certamine immortalis Dei cultus, qui tenera radice subnitebatur, pæne eversus est. remansit tamen aliqua pars populi  
in

in vero Dei cultu ; sed occulte. Mortuo  
Erico Sergerfel , successit filius ejus Eri-  
cus Aorsel. Quo dæmoniis immolante,  
pontifex , qui impiis sacrificiis præerat,  
subita cæcitate percussus, coram rege ac  
tota populi multitudine concidit. qui  
postquam diu & frustra auxilia deorum  
suorum prostratus implorasset , despe-  
rato penitus usû videndi , in domum  
suam est reductus. cui mater Iesu (uti  
narrant) in somno se ostendere digna-  
ta est , & ipsum filii sui inimicum in-  
crepare cœpit : Noveris, inquires, juste  
tibi illatum esse quod pateris, qui hono-  
rem & obsequium Deo & Iesu Christo  
exhibendum, dæmoniis impêdisti. nunc  
igitur, si sanari vis, promitte, quod ido-  
lorum cultu abjecto , de cætero fidem  
Christianam firma mente conservabis,  
servandamque omnibus prædicari cu-  
rabis. Quod quum ille promississet, mox  
deterfa cæcitatis caligine, lumen mentis  
& corporis recepit. Hanc gratiam con-  
secutus idolorum sacerdos , mox apo-  
stolica vice fungens, omne regnum cir-  
cumibat, mirabilia Dei prædicans , &  
annuntians , Christum verum esse lu-  
men , ad revelationem omnium gen-  
tium. Favet illi populus, miraculi novi-  
tate attonitus , seque ad suscipiendam  
fidem Christi parat. Quo & ipse rex com-  
motus.

motus, oratores misit ad Bremensem archiepiscopū pro viris doctrina & sanctitate præclaris, qui reparandæ fidei Christianæ essent idonei. unde & viri præclari missi sunt, Adalvardus, & Stephanus; qui subversa idolorum supersticiosa cultura, populo Christianam religionem sedulo prædicarunt.

2. *Adalvardus* itaque secundus post S. Ansgarium episcopus fidem Christi in Suecia, præsertim circa Vpsaliam, prædicans, ad mandatum archiepiscopi Bremensis, secutus est oratores regis Stenhilli. à quo humaniter exceptus, in civitate Sigtunenſi verbum Dei prædicavit & sacramenta distribuit. Sed, populo ad idola everſa fremente, ingens seditio orta est; & ipse rex Ericus, quum sanctissimos viros defendere conaretur, à furente plebe primum contumeliis, deinde & morte affectus est; & Adalvardus apud Vpsaliam virgis cæsus, deinde ad civitatem Birchenſem reversus, ibidem tandem vitæ finem & sepulturam invenit.

3. *Stephanus*, qui una cum Adalvar-  
do in Sueciam venerat, ipsi successit, & non tam metu mortis, quam zelo propagandæ religionis, relicta Vpsalia, ad Helsingos se convertit. Huic genti non tam difficile fuit religionem persuadere, adeo ut innumerabilis populus quan-

ocius prædicationi illius acquieverit. Tandem consummato tam laudabili studio, in terris Helsingorum, quorum primus & præcipuus Apostolus erat, martyrio coronatus est; sepultus in ecclesia & villa Norala, ad australiorem partem Helsingia. Post cujus obitum ecclesia Vpsaliensis ad aliquot annos à pastoribus vacavit: donec Olaus Shothomings rex Sueciæ, legatos mitteret ad Eldredum regem Anglorum, ut viros aliquot in fide Christiana eruditos ad se mitteret. Is misit S: Sigfridum archiepisc. Eboracensem; qui relicta patria ad Gothiam meridionalem pervenit, ubi nunc exstat ecclesia cathedralis Vexionensis; quam erigendam curavit. mox ad regem se contulit; qui in fide eruditus & confirmatus, statim suscepto per manus pontificis baptismatis sacramento, arcem regiam Husabii in ecclesiam consecrari præcepit; in qua sanctus episcopus diuturniorem moram trahens, totam VVestrogothiam ad Christum convertit & baptizavit. demum multis miraculis clarus, labore defessus, vitam finivit, & in ecclesia Vexionensi sepultus, in sanctorum numerum postmodum fuit relatus.

4. *Suerinus*, quartus ecclesiæ Vpsaliensis episcopus. Hic intrepido animo destru-

destructis idolis verbum Dei annuncia-  
vit; & tandem plenus dierum, in Do-  
mino defunctus est.

5. *Nicolaus*, quintus ecclesiæ Vpsalien-  
sis episcopus, magnæ eruditionis & sin-  
gularis sanctimonix, incidit in infelicia  
tempora Ingonis regis junioris, quum  
jam tota patria verū Deum agnosceret.  
itaque ab optimo rege liberaliter susten-  
tatus, libere fidem Christianam prædica-  
bat, Deoque & eidem regi fidelissimum  
populum efficiebat. rege vero veneno  
extincto, optimus quoq; pastor, ex ani-  
mi mœrore pie in Domino vitam finivit.

6. *Sueno*, sextus Vpsaliensis episcopus,  
ecclesiam à multis incommodis, quæ  
discordiam civilem comitari solent, pru-  
denter præservavit: Sedavitque dome-  
sticum bellum inter Sueciam & Gothiam  
ob electionem regis enatum; & electo  
demum Suerchero rege, quietiora for-  
titus est tempora. quorum commodita-  
te ita usus est, ut magnum ubiq; anima-  
rum lucrum faceret, inprimis ipsum re-  
gem ad multa præclara opera pietatis  
induxit. hic enim, inter cætera suæ regiæ  
magnificentix præclariora monumen-  
ta, monasterium Alvaltrense construxit;  
in quo & sepultus est. episcopus quoque  
haud diu post illum superfuit.

7. *D. Henricus*, septimus Vpsaliensis

T z

epi-

2101

0000

1101



episcopus, totius Findlandiæ apostolus & patronus, qui, relicta patria in qua natus erat, exemplo S. Sigfridi, in Sueciam veniens Erico R. (qui postea Sancti nomen meruit) author fuit, ut memorabilem illam militiam in Findlandos idololatrias pro dilatanda fide Christiana susciperet. quos bello adortus, comitem habuit Henricum episcopum; in pugna cruenta Findlandi superati manus victori regi porrexerunt. Relictus post victoriam Henricus pontifex apud Findlandos, eos ad Christum convertit & baptizavit anno MCLII; tandemque rex glorioso martyrio pro religione & iustitia certans occubuit, & in ecclesia Aboensi est sepultus.

8. *Coopmannus*, octavus episcopus, postquam S. Henricus, autoritate summi pontificis Adriani papæ IV, anno MCLIV, ad dioccesim Aboensem, quam nuper ad Christum converterat, esset translatus, in locum ejus successus est; sed post regis Erici martyrium, vix duobus annis revolutis, in fata concessit.

Haftenus Suecia tantum episcopos habuit; Carolus autem rex, qui Erico successit, ut suos ab extraneo jugo in sacris eriperet, ab Alexandro III P. R. pallium archiepiscopale petiit; & haud difficulter impetravit.

*Archi-*

*Archiepiscopi Vpsalienses.*

1. **S**tephanus primus Vpsaliensis archiepis-  
copus, ex Ostrogothia ortus, in  
lege divina & humana excellenter eru-  
ditus, mundanæ felicitatis contemptor,  
eam monastico instituto, sub regula di-  
vi Bernhardi, in monasterio Alvastrèn-  
si, commutavit. ex quo monasterio rex  
Carolus, ob eximiam ejus eruditionem  
& vitæ sanctimoniam, evocandum cu-  
ravit. Ab omnibus Sueciæ & Gothiæ  
incolis, ut pater patriæ, venerari me-  
ruit, & ad maximum pontificatum pri-  
mus omnium in terris Suecorum sub-  
limatus est. Alexander autem papa III,  
comperta viri dignitate, misso ab urbe  
Roma pallio, archiepiscopali præroga-  
tiva ipsum tempore Friderici primi Im-  
peratoris insignivit; adjecta duplici Cru-  
ce, auro & gemmis illustri, cui lignum  
sanctæ Crucis erat inclusum. Præterea  
& singulari dono librum evangeliorum  
ei contulit; quo ipsum legati munere  
apud externos & novellæ fidei populos  
instruxit. Obiit anno MC LXXXV, &  
pontificatus sui XXIII, translatus in mo-  
nasterium Alvastrènse, unde prius vo-  
catus fuerat.

2. *Ioannes*, secundus archiepisco-  
pus Vpsaliensis, Stephano succedens, à

Lucio III papa, tempore Friderici II Imperatoris, confirmationem & pallium est consecutus; sed anno pontificatus sui tertio occisus fuit à paganis Estonibus in propriis ædibus Almerstok, anno Domini M C LXXXVIII; & sepulturæ traditus in ecclesia Vpsaliensi.

3. *Petrus*, tertius Vpsaliensis archiepiscopus, impetrato à Clemente papa, ejus nominis tertio, circa tempora Henrici Imperatoris, pallio archiepiscopali, tanto feliciorem occasionem propagandæ religionis Christianæ sortitus est, quanto nobilior tum rex Canutus, nimirum filius S. Erixi, imperaret. In tumultu domestico inter Suerconem regem & procures, quem archipræsul sedare moliebatur, extinctus est, & sepultus Vpsaliæ anno MCXCVII, XVIII Septembr.

4. *Olaus Lamba-tunga*, ab Innocentio papa III (tempore Henrici VI Imperatoris) confirmatus, & pallio archiepiscopali insignitus, paucis annis præfuit, an. M CC, 3 Novembr. Vpsaliæ sepultus.

5. *Valerius*, Olao surrogatus, brevi quoq; tempore præfuit; obiitque anno M CC XIX, VII idus Aprilis, in ecclesia Vpsaliensi honorifice sepulturæ traditus.

6. *Olaus*, sextus Vpsaliensis archiepiscopus, postquam ab Henrico papa III pallium accepisset, satis tranquillum ponti-

pontificatum principio habuit, Postea per discordiam Folchunгорum disturbatum est regnum, ob mortem regis Ioannis, in cuius locum constitutus est Ericus cognomento Balbus. Et præsul hic in fata concessit anno Christi M cc xxxiv, xiiii kal. Aprilis.

7. *Ierlerus*, à Gregorio IX papa fuit confirmatus. Hujus tempore Ericus Balbus R. multa privilegia, libertates, immunitatesque ecclesiis & ecclesiasticis personis concessit. Constituit quoque in ecclesia Vpsaliensi duas insignes prælaturas, totidemq; canonica sacerdotia, quibus præpositus archidiaconus & duo canonici honeste foveri possent. Eo tempore, Tavasti armis superati, ad fidem Christi & obedientiam regis adducti sunt. quibus Ierlerus Thomam episcopum Aboensem antistitem dedit. Obiit anno Chr. M cc LX, viii kal. Septembr. Sepultus Sigtunæ in monasterio prædicatorum. Quo tempore concilium à Guiljelmo Cardinale Sabinensi in Schevingia vetustissimo Ostrogothorum opido, sub Innocentio IV, fuit celebratum, & interdictum sacerdotibus Suecorum matrimonium; quo ad ea tempora, more Græcorum, utebantur.

8. *Laurentius*, monasticæ vitæ sub regula S. Francisci addictus, summo ardore

re & constantia fidem incolis regni prædicavit; & vitæ curriculo absoluto sepultus est Enecopiæ apud fratres suos minores, anno M C C L X V I I , I I I nonas Mart.

9. *Falco*, ex archidiaconatu assumptus, à Gregorio papa X consecrationem & pallium consecutus est. Hic ecclesiam Vpsaliensem magnifice construxit: archiepiscopalem sedem ex antiqua Vpsalia in novam transtulit, & in ea ipsa metropoli octo canonica sacerdotia constituit. & , postquam omnia in regno composuisset, in fata concessit. Sepultus Vpsaliæ anno M C C L X V I I , V nonas Martii.

10. *Iacobus Erlandi*, tempore Rodolphi Imperatoris Romanorum à Nicolao papa I I I consecratus, multum in pontificatu laborem & dolorem invenit. à quo consumptus, diem obiit Vpsaliæ, anno M C C L X X X I . ibique sepultus est VIII calend. Novembris.

Deinceps metropolis Vpsaliensis per annos xiv vacavit: nam tres quidem successively electi sunt archiepiscopi; nempe Ioannes Odalphi, Magnus Boëtii, Ioannes episcopus Aboensis: sed quoniam pallium à sede apostolica non obtinuerunt, inter archiepiscopos communiter non numerantur.

11. *Nicolaus Allonis* Anagnium sese  
(quæ

(quæ tunc erat curia summi pontificis Romani) contulit; palliumque archiepiscopale facile impetravit. Inque patriam reversus, & summo honore à rege Birgero exceptus, post multa præclare acta ad patriam cælestem transmigravit, anno M CCC V. Sepultus Vpsalia, 11 nonas Febr.

12. *Nicolaus Catulli*, ob egregia in patriam merita, dignus habitus fuit qui Nicolao succederet. hic enim prius episcopus Arosiensis, pallium à Clemente V circa tempora Henrici VII Imperatoris obtinuit. Ericum & Valdemarum fratres regis Birgeri (eo quod Petrum Arosiensem episcopum in exilium egerant) excommunicavit; qui facta digna pœnitentia, calicem magni ponderis ex auro purissimi, & alia donaria pretiosa, ecclesiæ Vpsaliensi in expiationem admissi facinoris contulerunt. Hinc Nicolaus statim postquam ad archiepiscopatum pervenit, obtinuit à rege Birgero privilegia & libertates pro tota ecclesiâ Suecana, prout in literis Birgeri continentur. Optimus pontifex, magnitudine doloris ob discordiam civilem obrutus, in fata concessit præmatura, anno M CCC XIV, 111 calend. Iunii.

13. *Olaus*, sapiens agnominatus à Ioanne Papa XXII, tempore Ludovici IV

Bavari, Imperatoris, confirmatus, & pallio pontificali decoratus est, anno M ccc xv. Hic incidit in ea tempora quibus implacabile odium viguit inter regem Birgerum & fratres ejus; ad quod compescendum, plurimum, verum frustra, laboravit. Tandem laboris pertæsus, in Christo beate obdormivit, anno M. ccc xxx, III idus Martii. Hujus Olai tempore regnum post miserum fatum regis Birgeri vacavit. Suffectus autem Magnus Smech, Ingebergis filius, cum consiliariis (tametsi minorennis) omnia Ecclesiasticorum privilegia confirmavit.

14. *Petrus Philippi*, à Ioanne papa XXII, tempore Ludovici Imperatoris, in locum demortui Olai suffectus, & pallio archiepiscopali insignitus est. Contemptis mundi illecebris & vanitatibus se totum divinæ religionis obsequio mancipavit, susceptoq; S. Dominici habitu, insignem se divini verbi prædicatorem præbuit. Multos sua patientia eo traduxit, ut humanius & mitius clericos tractarent. Obiit anno M ccc xli. Sepultus Sigtunæ apud fratres Prædicatores.

15. *Hemmingus*, à Benedicto XII papa, tempore Ludovici II Imperatoris, accepto pallio, meruit inter archiepiscopos numerari: antea præpositus Arosiensis. Hujus tempore terra Scania gravissima

vissima

101

a25

400

b2d

101

a25

400

b2d

viffima fervitute à Teutonicis premebatur. qua in libertatem vindicanda plurimum hic Præful laboravit; ad Vardbergum oppidum Hallandiæ, medio Novembri, cum omnibus episcopis fuis, & Petro archiepifcopo Lundeni, profectus: ubi consentientibus & petentibus rege Daniæ Chriſtophoro, totoque Danico ſenatu, ingenti ſumma, nimirum 2000 librarum argenti puri, Holſatis ſoluta, ſcania imperio Suecico adjudicata eſt. Quam tamen anno M CCC XL Valdemarus rex Daniæ ſibi vindicavit, abuſus ſimplicitate Magni Smech, ac dolo liberis ejus omnibus combuſtis. Poſt hæc & alia præclara in patriam merita, æterna dignus memoria, deſunctus eſt: anno M CCC LI.

16. *Petrus Gothus Schoningenſis*, per Clementem papam VI, tempore Caroli IV Imperatoris, ab eccleſia Lincolnenſi ad Vpſalienſem tranſlatus, meruit archiepifcopali pallio decorari. Hic ab infantia bonis litteris & moribus à parentibus ſuis in oppido Schoningenſi antiquiſſimo Oſtrogothorum fuit imbutus, unde multi ſancti pontifices & prælati originem traxiſſe memorantur. Hic bonus pontifex plurima incommoda perpeſſus in aula regis Magni Smech, eorum pertæſus tandem in Chriſto pie obiit.

obiit.



obiit, anno M CCC LXVI, XVIII Octobr.

17. *Birgerus Gregorii*, ab Urbano papa V, imperante Carolo IV, confirmatus, & pallio archiepiscopali in Viterbio decoratus est. Hujus quanta fuerit in sacris literis divinisque & humanis legibus scientia, satis ostendunt ecclesiastica historia quæ ab ejus fecundissimo ingenio prodierunt. Hoc tempore missi sunt in Sueciam fratres S S. Dominici & Franciscani. Hic *Birgerus* anno Domini M CCC LXXVII, prima die Junii, in oppido Telgenfi, celebravit concilium provinciale contra usurarios & alios errores. Item concilium provinciale celebravit Vpsalia. Idem cum episcopis suis & omnibus abbatibus regnorum Sueciæ & Gothiæ scripsit Urbano & Gregorio II, & Urbano VI, pro canonizatione S. *Birgittæ*; prout in examine ejus inter acta producta, sub eorum sigillis, Romæ in hospitali ejusdem S. *Birgittæ* demonstrari potest. Ab eodem anno M CCC LXXX, die XI mensis Septembris, celebratum est concilium provinciale in oppido Telgenfi. Hic & legendam S. *Birgittæ* composuit; in qua continentur hæc verba: Beata *Birgitta*, in regno Sueciæ oriunda, non solum juxta revelationem divinitus sibi factam ex sanctorum ibidem regum progenie, qui  
suis

fuis sanctis promeruerunt meritis ut magnificaret Dominus misericordiam suam cum illa , illustrem duxit originem ; verum etiam de nobilibus devotisque progenitoribus & parentibus nata fuit. Post plurima præclara facta obiit hic pontifex anno M CCC LXXXIII, v idus Martii.

18. *Henricus* , ob excellentia animi dona vitæq; probitatem, ab Urbano VI, quo tempore Venceslaus imperare cœpit, pallio archiepiscopali meruit honorari , Margareta imperium super Sueones tenente. Multa salutaria consilia contulit cum senatoribus , ut Ericum Pomeranum in regem suâsu Margaretae eligerent. à quo non parum molestiæ percepit , postquam Margaretae filius adoptivus effectus est, unâ cū ea multis annis regnans : de provisionibus quippe ecclesiarum se ingerere nitebatur ; sed constantia & magnanimitate pontificis repressus, minus audere cœpit ; donec, mortua regina Margareta, plenior occasionem detestabilis sui propositi assequeretur ; prius tamen Henricus requiem in cœlo nactus est, ann. M cccc viii, xxiv Martii.

19. *Ioannes Gerichini* , natione Dānus, à Gregorio XII, temporibus Roberti Bavari Imperatoris, confirmatus,

& pallio insignitus, per aliquot annos majore usus est licentia quam pontificem decebat. temporalibus enim sese negotiis immiscuit, regalia tributa colligendo, & clerum diœceseos suæ extortionibus affligendo. colonis item ecclesiarum gravis & intolerabilis erat nimia hospitalitate & exactione. Consistoriales suos contemptui habuit, tam in consiliis quam conversatione. Cum mulieribus nobilibus nimiam familiaritatem habuit : Quare consistoriales tam scriptis quam vivæ vocis oraculo, multipliciter eum sunt adhortati, & fideliter monuerunt. Ortaque tandem gravi infamia, regis quoq, animus contra eum graviter commotus est. Vnde tam per regem quam per Capitulum impetratus est in causa ipsius judex delegatus archiepiscopus Rigenſis : qui propterea Holmiam venit ; caussaque cognita, & relata ad Papam, privatus est Vpsaliensi præſulatu, & in carcerem regis conditus. Elapsus autem è carcere venit in Islandiam; factusque episcopus Scalatenſis, à rusticis diœceseos ejusdem crudeliſſime fuit interemptus.

20. *Ioannes Haquini*, Gothus Vastensis, licet ante assumptionem monachus esset, de ordine S. Birgittæ Vastensis, & vitæ sanctimonia insignis; ta-  
men

men à patribus ecclesiæ Vpsaliensis nequaquam fuisset electus, nisi rex Ericus mandasset; qui summo Pontifici, Martino Papæ V, tempore Sigismundi Imperatoris, scripsit, & huic pallium archiepiscopale gratis impetravit, ea conditione, ut deposito habitu ordinis S. Birgittæ in posterum uteretur habitu eorum qui vocantur Canonici regulares Augustini. Fuit devotus, modestus, ac prudens; remissus tamen in officio suo pastoralis regē tempore suo pro magna parte consiliis suis dirigebat. ædificavit Vpsaliæ domum lapideam novam in curia archiepiscopali. & tandem morbo lepræ infectus, obiit subito in negotio visitationis, anno M cccc xxxi, v idus Februar.

21. *Olaus Laurentii*, Treudæ non procul ab Vpsalia natus, primum domesticis præceptoribus traditus, super omnes coætaneos suos eruditione & moribus enituit. deinde & missus est à Capitulo & patribus ecclesiæ Vpsaliensis ad præclaram Universitatem Parisiensem; in qua brevi doctissimos viros, ingenio, facundia, prudentia, visus fuit superare. Quibus virtutibus ornatus, summo gaudio in patriam reversus excipitur, & præposituræ dignitate omnium consensu honoratur. Igitur mor-

mortuo Ioanne Haquini, concorditer electus est in archiepiscopum; & difficillimo itinere per Finnoniam, Livoniam, Borussiam, Silesiam profectus, Romam tandem appulit; & benevole ab Eugenio Papa (tempore Sigismundi Imperatoris) consecrationem & pallium impetravit. Quo comperto, rex Ericus implacabili exarsit odio, & summo conatu hanc studuit electionem & consecrationem impedire, & hunc Olaum falso apud Papam accusavit. Durante hac discordia inter regem Ericum & Olaum, substituit rex alium archiepiscopum, nomine Arnoldum Clementis, Bergensem Norvegianum; qui à Deo protinus percussus, crudeli morte exspiravit. Huic rex rursus aliū substituit Norvegianum, nomine Zorlacum. Qui, cognita dissensione in regno, fugam paravit. Sub hoc tumultu Olaus regi est reconciliatus, & ad ecclesiam Vpsaliensem magna lætitia reductus; tandemque veneno extinctus periit, anno M cccc xxxviii, vii cal. Iul.

22. *Nicolaus Ragvaldi*, Gothus Vexionensis, post obitum Olai postulatus est archiepiscopus; vir multæ eruditionis & prudentiæ. Talem se regi & patriæ præbuit, ut omnium aquilonarium regnorum pōtiffes præcellere putaretur.

nam

nam unus ex omnibus electus qui nomine regis quatuorq; regnorū ad concilium Basiliense mitteretur, à patribus summo honore fuit exceptus; & præ cæteris omnibus congregatis dignus iudicatus, qui perplexam & diuturnā illam discordiam inter regem Galliar & Ducem Burgundiæ, unā cum archiepiscopo Nicosiensi exstingueret; quod & prudenter & sedulo perfecit, à Principibus ipsis jam reconciliatis, donis magnificentissimis ornatus. Plurima præterea laude digna effecit. inter quæ hoc præcipuum, quod ad honorem patriæ, historiam de antiquitatibus, origine, progressu, victoriis & eminētia Gothorum pertexuit; & in publico omnium consensu ita peroravit, ut persuasum esset patribus, regi Gothorum nulla injuria primū deberi locū inter reges & Principes Christianos. (Exstat hæc oratio apud Ioannem Magnum, l. 16. c. 28.) Obiit anno Chr. M cccc XLVIII, XVII Febr. & Vpsalię sepultus est.

23. *Ioannes Benedicti* de Salestadt, vir nobilitate & literarum præstantia præclarus, communi patrum consensu post fata Nicolai ad dignitatem pontificiam adscēdere meruit. Et, quoniam eo tempore schisma vigeat in ecclesia Romana inter Felicem & Nicolaum, missi sunt solēnes nuncii à Capitulo Vpsaliensi, qui

con-

confirmationem & pallium electo pontifici suo impetrarent; plures item alii, cum hujusmodi mādato, ut ab invicem divisi, per diversas transirent nationes, diligenter inquisituri, uter haberetur pro indubitato apostolico successore; quem autē cognoscerent pro vero haberi summo Pontifice, ab illo cōfirmationem & pallium postularent. Altera pars ad conciliū Basiliense, altera Romam se contulit ad Nicolaum Papam V. Qui eidem electo archiepiscopo rescripsit, præcepitq;, ut, damnati concilii Basiliensis confirmatione rejecta, à se unico & vero summo pontifice acciperet confirmationem. Hic præsul, incolis regni obnixè petentibus, ut se à tyrannide regis Caroli liberaret, regi bellū movit, eumque Stockholmiaē multitudine incolarum stipatus obsedit. Rex fugam capessere coactus, Gedanum se contulit. Archiepiscopus autem, cum paucis consiliariis, imprudenter Christiernum regem Daniae in regnum accersitū, Stockholmiaē temere, & absque senatus regni consensu decretoque populi, coronavit. Quod illius factum Christiernus postea summa ingratitudine compensavit, & præfulem absque justa causā secum captivum in Daniam abduxit, perpetuoq; carceri mancipavit; donec Catillus, episcopus

scopus Lincopenſis, collectis undique copiis, Chriſtiernianæ factionis homines ex Suecia ejecit, Carolum ex Boruſſia revocavit, archiepiſcopumque è manibus & carcere Chriſtierni eripuit, eumque ad ſuam metropolim redire permiſit, patria cum rege & pontifice in libertatem & tranquillitatem reſtituta.

24. *Iacobus Vlfonis*, quum Romæ intellexiſſet, regem Carolum in locū deſuncti Ioannis archiepiſcopi quendam Tondonem decanum Lincopenſem, capitulo invito, intruſiſſe, indigniſſime tulit eam regis præſumptionem, quæ legibus divinis & humanis nimium repugnare ſibi videbatur: ideoq; ſibi conſecrationē & pallium impetravit à Paulo II papa, (tempore Friderici III Imperatoris anno 1469,) & limina patriæ ingreſſus, ſpectator factus eſt atrocis prælii, quod anno 1471, 8 Octobris, juxta mænia civitatis Holmenſis, inter Chriſtiernum, ejus nominis primum, regem Danię, & Stenonem Sture, regni Suecię gubernatorem, commiſſum fuit: Senatorum enim rogatu in numerum ſenatorum adſcriptus eſt. quod tamen ſtrenue recuſabat. Hic pontifex, multis injuriis laceſſitus, atq; defatigatus, circa quadrageſimum ſextum ſui pontificatus annum, archiepiſcopatum in manus

Leo.



Leonis papæ X, in favorẽ Gustavi Trolle, resignavit ; & supervixit annis VIII. Tempore hujus archiepiscopi Iacobi erat in Suecia Bartholomæus de Camerino, quæstör Innocentii VIII; qui maximum thesaurum è regnis aquilonaribus exportavit, sub prætextu debellandi Turcam. Mors hujus archiepiscopi incidit in annum 1522. nec corpus ejus permissum est ecclesiasticæ sepulturæ commendari ante annum 1526. quod tunc translatum fuit ex monasterio Carthusianorum Gripsholmensi, in quo obierat, & Vpsaliæ honorifice sepultum 14 Febr. ejusdem anni. Inter cætera hujus præsulis egregie facta haud minimum est, quod summa cura & industria allaboravit, ut academia institueretur Vpsaliæ, consilio cleri totius regni in eum finem coadunato, & regis consensu impetrato: è synodo quoque Romam cum literis ablegatus est Ragualdus Ingemundi, canonicus Vpsaliensis; qui ea, quæ jam commonstrari possunt, privilegia Sixti IV Pontificis, anno clō cccc LXXVI, III kalend. Martii, in urbe Roma exarata, obtinuit; quibus Vpsaliensi academix eadem prorsus immunitates, quæ Bononiensi, conceduntur.

25. *Gustavus Trolle*, patrem habuit Ericum Trolle, genere, eruditione, virtutibus

tutibus nobilissimum. Huic confirmationem & pallium Steno Sture per literas petiit à Leone X papa, impetravitque anno clō lō xv. Munus pontificale summa difficultate peregit, una cum Christierno regno expulsus, & extra patriam mortuus.

26. *Johannes Magni*, Gothus, Lincolpiæ anno clō cccc lxxxviii, xix Martii, ex honestis parentibus natus, & eorum cura bonis litteris mancipatus, laudabiles valde progressus in iis fecit, non modo domi, sed & in clarioribus Germaniæ, Galliæ & Italiæ academiis. Iussus quoque est à Stenone Sture, regni Sueciæ gubernatore ad Romanam curiam sese conferre, ut doctissimorum virorum institutione & consuetudine talis evaderet, qualem respublica Suecana unice flagitabat. &, postquam gradu magisterii in gymnasio Perusiano esset insignitus, & professor theologiæ factus, Romam ab Adriano VI papa fuit evocatus; eique legatio in causâ periclitantis fidei Romano-catholicæ in Suecia est destinata. Quæcum in Sueciam venisset, comperit, Gustavum à proceribus regni anno clō lō xxiii, vi die Iunii in regem fuisse electum & coronatum. qui adeo in religione reformata erat confirmatus, ut legatus frustra in ipso ab ea dedu-

deducendo laboraverit. nihilo secius à rege & proceribus regni capitulique Vpsaliensis archiepiscopus, specie recusantis, electus est. sed, quum reformatam religionem amplecti nōllet, frustratus est officio archiepiscopali, Romamque reversus. ubi tandem mortuus, anno clō lō XLIV, XXII die Martii. Hic historiam Gothorum summa diligentia & fidelitate conscripsit, item historiam metropolitanæ ecclesiæ Vpsaliensis, Romæ editam clō lō LX.

Hi præfati XXVI archiepiscopi Romanæ religioni fuerunt addicti, & à Pontificibus Romanis confirmati, & pallio archiepiscopali insigniti.

~~XXVII~~ 27 *Laurentius Petri*, Gothus, postquam Ioannes Magni Romam esset regressus, & reformata religio secundum confessionem Augustanam in Sueciam spargi & propagari cœpit, ad munus archiepiscopale, postulante rege Gultavo, & toto Capitulo Vbsaliensi, electus est, anno clō lō XXXI. pallio archiepiscopali à papa confirmari & decorari noluit; sed simplici suffraganeorum electione & trium episcoporum ordinatione fuit contentus. Hic Laurentium fratrem germanum habuit Olaus Petri, qui circa annum Christi clō lō XX. VVittebergæ studuit, & attentissimus

~~Lutheri~~ Lutheri discipulus fuit: quem contra Papam legentem disputantemq; audivit, & publico scripto indulgentias papales impugnavit. Hic Olaus, doctrina & moribus ~~Lutheri~~ Lutheri ita informatus, in Sueciam reversus est, eo ferme tempore quo Synodus provincialis Stringnensis celebrata est, anno clo 10 xxiv; ubi Gustavus electus est. Hic Olaus eandem, quam imbiberat, doctrinam publice & privatim coram rege & proceribus regni, nullo resistente, prædicare coepit. ~~Quædam vero & alia sunt, in fide & doctrina præcipua, quæ~~  
~~omnes fideles, & hanc rex amplexus~~  
 est. & præfatus Olaus hoc ipso singularem gratiam apud regem consequutus est; idoneumque nactus est discipulum Laurentium Andreæ, presbyterum & archidiaconum ecclesiæ Stringnensis: & uti Lutherus & Melanchthon in Germania; sic hi duo in Suecia, ~~per singulos~~  
~~per singulos, & similiter prædicant~~  
~~per singulos, in quibus saluberrimum evangelium~~  
~~per singulos, ut item Gustavus~~  
 us à servitute civili rempub. Suecanam ad optatam libertatem vindicavit; ~~per singulos~~  
~~per singulos, & similiter prædicant~~  
~~per singulos, ut item Gustavus~~  
~~per singulos, & similiter prædicant~~  
 Nec minori diligentia & dexte-

dexteritate Laurétius Petri, archiepiscopus Vpſaliensis, in hoc negotio laboravit; qui cum fratre suo Olao sacra biblia in linguam Sueticam ex versione Germanica Lutheri tranſtulit.

28. *Abrahamus Andrea Angermannus* incidit in tempora Ioannis regis III. sub quo vixit illud malum Liburgicū multis exosum, cui se archiepiscopus opposuit. cuius rei causſa in exiliū fuit pulſus. quo sedato in patriam est reversus.

29. *Olaus Martini, vir singulari pietate, & in sacris literis apprime eruditus: in concionibus sacris excellens, quæ si typis mandata essent, Augustam ubique fructum commune ministerium ecclesiasticum forent.*

30. *Petrus Kenicius, Bothniensis, S. S. Th. Doctor. & academix Vpſaliensis Vicecancellarius; antequam ad hanc dignitatem solemniter vocatus fuit, Ecclesiæ Scarinensi in munere episcopali summa cum laude præfuit; qui etiamnum, Dei favente gratia, superstes est, & docet: vir mira sane gravitate, & animi comperisque dotibus summis præclarus; quem D. O. M. ad nominis sui gloriam & reipubl. Sueticæ adiumentum maximum diu beateque vivere sinat.*

F I N I S.



